



**FOR USE IN
LIBRARY
ONLY**

Z
8462
.6
K8





تصحیح

صواب	خطا	سطر	صفحه
فی ۲۹ تموز	فی ۲۹	۲۱	۱۴
۱۱۹	۱۹۱	۱۲	۲۱
ایما	ایما	۴	۲۲
ایتمیکمز حساب	ایتممز حساب	۲۱	۲۴
دکل	د	۱۹	۲۶



و از باب ناموس و عزالتہ قارشى فیکر فاسد ایلہ خصم قوی
اولانلرک و فخرالاحرار، ابوالاحرار، ابن الاحرار کبی صفات
مصنوعه ایلہ داخل زمره معلومه اولدقلرخی کوسترنلرک و بر
طاقم داماد و مخدوم پاشا، بکاک و قتیله ناموس و عقلمه و حس
حیثه قابل توفیق اولمایه جق صورتده نه دورلو مفسدت و ملامت لرده
بولندقلری دخی سائف الذکر (پردہ نک ایچ یوزی) عنوانیله
طبع و نشر اولنه جق کتابک خاتمه سنی تشکیل ایده جک
ایسته ده عنعنات عبرت بخشاسیله ذکر و بیان اولنه جقدر.

«ومن الله التوفيق»

سابق تلغراف و پوسته مجلسی رئیس و کیلی
وصفیہ سلطان زاده حفیدی

صلاحی

«خواجه حق» بحی کورلمه سیدی بوراده بوقدر اولسون
 بسط کلام اولونمازدی . اوته دنبری یازدیغم مقالاتده بیان
 ایتدیکم وجه ایله مجبوریّت قویه حاصل اولمدیجه (شخصیاتی)
 هیچ بروقت (جدیاته) قاریشدیرمق ایسته مم . مع مافیه
 خصوصات شخصیّه دن عاری اولمق اوزره (پرده نك ایچ یوزی)
 نامیله تحریر و نشری عزمنده بولندیغمی بالاده بیان ایتدیکم
 کتابده بوادارده اون برسنه دوام ایدن زمان مأموریتده
 جریان ایدن هرکونا احوالک لدنیات و حقایقنه و صورت
 منشألری باشقه اولوب سیئات ادارهیه قاریشما دقلری بیان
 اولونانلر ایله ارکان سائر نك معاملات واقعده
 نه مرتبه دخل و تأثیرلری و تسبب و تقصیرلری بولندیغمه
 دائر یدمده محفوظ اولان وثائق و اوراق رسمیه صورتلرندن
 اقتباساً بسط معلومات ایده جکمی و حتی وظیفه شخصیّه تعلق
 ایدن جهتلری ده صراحة کوستره جکمی بیان ایدر وقارئین
 کرامک کتاب مذکورده وارسته اغراض اوله رق غایتله
 بیطرفانه بر طرزده تمهید و محاکمه ایدیه جک اولان حقایق
 احواله و معلومات صحیحیه واقف اولمدیجه غرضه لرده بویولده
 کوریه جک مقالاتی صحیح و جردی نظریله تلقی بیورماملری
 لزومنی عرض ایلم .

بونلردن باشقه الیوم صاحب رشد و «سپداد» کورینملرک

بیك قدر مأمورین مختلفه نك بر قسمی وجود لرندن هیچ بروجه ایله استفاده اولونه مه به جق قدر اختیار و بی اقتدار و تقاعده مستحق و سزاوار اولدینی کی معاملاتك یولسز جریانندن طولانی الیوم فضله اوله زق قوللانیلار دخی تنسیق معاملات ایله لزوملی محللره نقل ایله استخدام اولنق ممکن اولدیغندن یکیدن (۸۳۹) مأموره اصلا احتیاج حقیقی یوقدر . مأمورین موجوده غایتله بیطرفانه بر تفتیش و تدقیق قالبورندن کچیرلدکدن و معاملات مذنبه اداره جدا تنظیم و تنسیق ایدلدکدن صوکره قاله جق مأمورلرله ایشلرک حسن جریانی تأمین اولنمه مه به جنی تحقق ایدرسه و اوزمان بك زیاده لزوم کوریلورسه نهایت (۱۳۹) نفر قدر یکیدن مأمور استخدامی هر حالده کافیدر .

ثالثاً — فکر مجبه هر هانکی دأرده اولور ایسه اولسون اجرایی تصور اولنان تشکیلات و تنسیقات یالکز مأموریت و خدمتله یا خود مأمورین و کتبه به حصر اولونماملی ، اصل مهم و مشوش اولان معاملات جاریه اداره نك بسیط و آسان بر صورتده جریاتی تأمین ایده جک و سوء استعمالات و معاملات و کوچك مأمورین طرفندن دوام شکایاته میدان ویرمه به جک چاره لر ، تدابیر انتظامیه هر نه اوله بیلیر ایسه آنلر بالاطراف دوشونیلهرک موقع تطبیق و اجراییه قونملیدر که بعدما ایشلر ساعت کبی سرعتله ویولنده جریان ایتسون . هر نه ایسه مقاله مذکورده کی

مقالہ دہ ویریلن معلومات جزئیہ نك دخی اکثر قسمی محتاج تصحیح و توضیح در . ترتیبات و تنسیقات متصورہ نك احتیاج حقیقی ادارہ ایلہ متناسب و صور اجرائیہ سنك مقتضای حال و مصلحت ایلہ مناسب اولوب اولمدیغنی تقدیر ایتك مطلقاً حقایق ولدنیات احوال ادارہ یه واقف اولمغه متوقف بولندیغنه دائر اوتہ دنبری سرد و درمیان ایتدیك افادہ نك نہ قدر طوغری اولدیغنی ایشته مقالہ مذکور دہ تنسیقات حاضرہ نك علی الاطلاق ذکر و تقدیر ایدلش اولسیله بر قاندها تحقق ایتشدیر . بونکله برابر محرر مقالہ نك کرک ارکان و کرک تنسیقات حقہ آلدیغنی و یا خود ویریلن معلوماتہ کورہ ادارہ لسان ایتمکده کی معذرتی مسلمہ در . اشبو تنسیقات مادہ سنك احتیاجات حقیقیہ ایله اصلاً متناسب اولمدیغنی « ایك » مبعوث محترمی سعادتلو بدری بك افندی حضر تلی طرفدن وقوف جدی ایله تحریر و نشر ایدیلن بر تقریر دہ بك کوزل بسط و تنقید اولنمشیدی .

ترتیبات و تنسیقات حاضرہ دہ ادارہ نك جداً تنظیم و اصلاحی و مأمورینك حقیقہ ترفیہ و افلاحی جہتی التزام اولونمایوب بر طاقم مقاصد خصوصیه و منافع ذاتیہ نك حالا و آتیاً استحصالی اساسلی نظر دقت و اعتبارہ آلمشدرکه بونقطہ مهمہ یی انجق غوامض امور ادارہ یه واقف و تجربہ صاحبی اولان ذوات کرام تقدیر بیورر لر . شوراسی محققدرکه الیوم مستخدم سکن

واقعا ہر کس مقصد خصوصاً سنی تائین واستحصال ایچون صواب کوردیکی طریقہ سالک اولقده مختار و سربست ایسده اثنای سلوک و تشبثده شخص آ خرق حقوق و حیثیتہ تجاوز ایتمه مک شرطنه رعایت ایتمکه مکلف بولندیغنی دوشونمه لیدر. اولاً — ارکان سابقہ یه عائد اوله رق بحث اولسان « خواجه حق » ماده سی ایچون مع الافتخار والشکران عرض و اعلان ایدہ رم کہ دارالمعلمین و مطلمات مدیری خواجه عثمان افندی مرحوم ، چوروملی خواجه احمد افندی ، قاضی مسکر نجیب افندی مرحوم ، صبحی پاشا خواجه سی دیملکہ عریف افغانی عبدالعزیز افندی مرحوم کبی برچوق مشاہیر فضلائک سنہ لرجہ مدت علوم عربیہ و ادبیہ تدریسی صورتیلہ بنده حق تعلیم لری وارد ر . جناب حق مرحوم لک جملہ سنی غریق لجہ رحمت ایتسون . یانلرنده بالالتزام ، بالدفعات تکرار و اخطار ایدلدیکی حالده ینہ (مَنْعَه) یی (مَنْطَقَه) تلفظ ایدن و (گرمی) یی یا کلش ظنیله چیزوب (کرمیت) یازان و (ذیل) ی (زبل) دن فرق ایتمین و دائماً (نمونہ جدیدہ) کوستر مکدن و از کچمه ین ارکان حاضرہ نک منظار کبی خدایی نابت اولمایوب نہ درجہ لره قدر (خواجه حقی) حائز بولندقلرینی یاقندن بیلندر ائی تقدیر ایدرلر .

ثانیاً — سیئات اداره و ذوات متعلقہ یه دائر مذکور

معروضات خیرخواهانه‌ده بولونمق واوزرندن رفع وزر ،
وباله چالیشمق مقتضای دیانت و صداقت بولندیغی احادیث
شریفه ایله ثابتدر . ایشته نئم بیلدیکم ویایدیغ بودر . بوصورتله
نادراً واقع اولان معروضاتک اکثریسی بالطبع مظهر حسن
تلقی اولمدقدن ماعدا بروجه معروض سلب امنیتله حقمده
برچوق سؤ معاملاتی استیجلا بایتدیکنندن برخیلی سنه‌لردنبری
سرایه یالکیز جلوس ، ولادت کبی ایام رسمیه‌ده کیتمکده
واوقات سائرده عزیمتدن همان کلیاً دینیه‌جک درجه‌ده اجتناب
ایتمکده ایدم . بناءً علیه برطاقم غرضکاران ویاخود سطحی
بینانک واقع اولان عوعوء کلبانه‌لری نژدمده وحقایق احواله
واقف اولان اهل وجدان عنندده ذره قدر حکم و تأثیری
موجب اولمیه‌جی آشکاردر .



تلغراف وپوسته نظارتنک « تنسیقاتی » حقنده بعض
غزته‌لرده بعض ذوات طرفندن نشر ایتدیریلن مطالعات کونا
کونک اغراض شخصیه‌دن منبعث و بی سروبن مقالاتدن عبارت
بولندیغندن بحثله کویا حقیقت‌حالی متضمن اولمق اوزره اخیراً
برغزته‌نک اوج نسخه‌سنده برخیلی ستونی اشغال ایدن برمقاله
طویله مطالعه اولونمش و مذکور مقاله مطوله‌نک نه‌سبب و مقصد
ایله کیمک طرفندن نه‌صورتله یازدیرلیدیغی ده استخبار قیلمشدر .

ایجاب ایده چکندن ایلروده طبعی مقرر بولنان :

(پردہ نك ایچ یوزی)

عنوانی مفصل کتابه درج اولنه جقدر.

دور استبداد دینیلن مدت معلومه دهر دور لو امور و خصوصات
رسمیه نك مرجع حل و تسویه سی سرای اولدیغندن و مقامات
سائر هیه واقع اوله جق مراجعاتك اكثریا هیچ حکم و تأثیری
کورلمدیکی جمله جه مسلم بولندیغندن منافع ملك و ملتی موجب
و خزینة دولت و معاملات اداره جه فوائد و محسناتی جالب اوله جق
بعض مطالعات و معلوماتك بر صورت خیر خواهانه ده عتبه سنیة
خلافینهاییه عرض و اخطاری کی بر وظیفه دینه یی ایفادن باشقه
بر حرکته بولندیغم حتی بو صورتله و کمال صفوت و جدیتله
معروضات راستگو یانه ده بولوندیغمن طولانی پك چوق
کره مؤاخذات و تضییقاته هدف اولدیغم جهتله وجداناً
مستریحم .

شرعشريفك دقايق علويه سنه واقف اولان هر
اهل ايمان نزدنده معلوم و مسلم اولديني وجه ايله هر فرد مسلم
ايچون (خليفه مسلمين) نزدنده غايته صميمي و جدی بر طرز
واسلوب عاقلانه ايله منافع عامه يي محافظه يه و مضرات مملکت
وملتی دفع وازاله يه و اداره دولتجه فوائد و محسناتی
جلب و تأمنه و حقوق بیت المالی حفظ و صیانته باعث اوله حق

معلومدرکه اوروپاده تلغراف وپوسته اداره لرندن هر دولت حاصلات کلیه آلیز . بعضلرک بویوزدن الده ایتدکلی حاصلات همان همان بزم واردات عمومیه مزه تقابل ایدر . بزده ایسه درت یوز کسور بیک لیرایه بالغ اولیور . اداره ، مأمورلرک سوء استعمالاتی واختلاساتی یوزندن سنوی هیچ اولمازسه اون بش بیک لیرایی متجاوز تضمینات و ضایعاتی تأدیه ایدیور ، ایدیورده بونک منع وقوعی تأمین ایده جک بر چاره ، بر تدبیر اتخاذینی دوشونمیور . آشکاردرکه بر اداره مضرتی موجب اولان احوالی رفع و اصلاح ایتک و منفعتی ایجاب ایده جک نواقصی اکمال واسباب تصرفی استحصال ایلهمک وظیفه اساسیه سیله مکافدر . بوراده بووظیفه معکوساً مرعی الاجرادر . چونکه بر چلنکیردن بر ساعتجی یه عائد ایش بکله نیله مز . آنک یاماقلری ایسه دولاب جاری یه خلل کلدیکنی اصلاً ایسته مز لر . « تدویر دولاب منفعت » ه آلیشق اولاندردن تنظیم و اصلاح احواله عائد تشبثات و تدابیری انتظار ایتک البته عبثدر .

دور استبدادده حتمده کی امنیت سزایکی دعوت ایدن اسبابک بر قسمی بالاده عرض اولنان مواددر . بونلردن باشقه دها بر چوق اسباب مهمه موجود ایسه ده انلر بر طاقم ذوات و خصوصیات متعلقه یه دائر بر چوق ایضاحات و معلوماتک دخی بسط و تمهیدینی

او عقدۀ مشکلتين اوقدر محکمدرکه آنى انجق زمان حل ایده بيله جکدر. [۱] اما دينيله جک که اصل هنر بويله مشکلى ، بويله عقدۀ لرى حل ايله چاره اصلاح وانتظامى بولمقدۀ در . واقعا رجالک همتى انضمام ايدرسه جبالى يرلرندن اويناتمق هيچ حکمنه کيرر ايسۀ ده زمانمزده اويله عالمهتان مشار بالبنان اولمغه باشلادی . شوراسنى اونو تيمه لم که ممالک عثمانیه ده موجود اولان اجنبى پوسته لرى يوزندن معنى ، ماده ، سياسۀ ، ملکاً دوچار اولديغمز ضرر وزيانلرک حد و غايه سى تصورک ، تصويرک خارجندۀ در . کويا برمساعده موقتۀ ايله معاملاتى جارى اولان بو پوسته لرک - يوماً فيوماً شـعباتى تکثر ايتمکده اولمسندن صرف نظر - دوامى مجرد عثمانلى پوسته اداره سنک سؤ احوالى دوام ايتمکده بولمسندن منبعثدر: بوحقيقت محضه بونلرک الغاسى يولنده وقوع بولان مخبرات رسميه نك نتيجه جوابيه سيله مثبتدر . اجنييلر ديديلرکه (سز پوسته لركزى اوروپا پوسته لرى مرتبه سنده اصلاح ايدکيز . انتظام معاملاتۀ قناعت قطعيه حاصل اولسون . بزده شعبه لري مزى النما ايدۀ لم .) بوطوغرى سوزۀ قارشى نه دينير . دينه جک يوق . درحال کسب انتباه ايتلى ، اصلاح احواله کيريشملى ايدى . هيهاآت...

[۱] جناب حقۀ يوز بيک کره حمد وثنا اولورکه « رسنه » طاغلرندۀ التماع ايتمکۀ باشلايان سيف حماست ايله پک قولای حل اولنمشدو .

ايتديكى شىء يا پامامقده عناد ايتمك اوچ صورتدن منبعث اوله بيلير.
 (۱) اولزوم نقلى وايحجاب عقلى يى فرق وادراك ايدمه مك (۲)
 ادراك ايتديكى حالده عكسنى اجرا ايچون نفسنده قوت كافيه
 ومثانت مطلوبه بوله مامق (۳) كذلك مدرك اولدينى حالده
 بقاى اقبال ايچون حريص بولمقدركه هراوچ صورته شرعاً
 مردوددر. برنجيسى حماقتى، نقصان شعورى. ايكنجيسى
 ملايمتى، ضعف وعجزى. اوچنجيسى دنائت وخيائى اثبات
 ايدركه شرعك تعين ايتديكى صفاتك كلياً عكسيدر. شمدى
 سيئاتى، سوء حالاتى، سوء استعمالاتى متحقق براداره عرض
 ايديم. مثالاتغراف وپوسته اداره سنى نظارتدقيقه آله لم. يالكر
 شواداره حقنده كى نظر وحس عمومى يى بردوشونوب طانسه لم.
 امين اولكر كه بويابده لسان عمومى دن انعكاس ايدمه جك صدارين
 برشكايتى، تأثير سزقالان شكاياتدن متحصل چركين برنفرقى اعلان
 ايدمه جكدر. غزته لرك مندرجاتى بودايل كافيدر. مادامكه بو اداره نك
 قتالغى شكايات عموميه وحكايات رسميه ايله ثابتدر. مادامكه
 لزوم اصلاح وتنسيق هر صورتله مرتبه تحققه واصل اولمشدر.
 مادامكه اصلاح وتنظيميله عمومك خشنوديسى وخزينه دولتك
 منافع كثيره سى استحصال ايديله جكدر. نيچون اجراى ايحباباتنه
 — حتى كمال سرعته — ابتدار اولنيور. بوسؤالك جوابى،
 بويچونك ايچونى قولاي دكدر. بك زور ويريلور. چونكه
 مسائل دورادورك عمده مشكله سى بوسؤالك ضمننده ممتددر.

صوکرده اشبو عنوان عمومى آلتند معتبر غزته کزده بعض
 شيلريزه جغ . فقط محرراتم خوشکزه کيتمه يه جک قدر طوغرى
 اولورده بوقدر طوغرى يى بنده سوم ديه بطل سپدينه آتيايرسه
 بنم هيسچ خوشمه کيتمز . يوقروى حسن ظنك آلتند بوسوز
 براز نايجا کي کورينورسه ده اى افندى ! بز آرزمانده نه لر
 کوردك . نه لر تجوبه ايتدك . آنک ايچون بوسوزى سويله مکده
 معذور اولديغى سزده تسليم بيوررسکز صايرم . طوغرى سى
 (حسب حال) اولان شوتعبير معروفى سرنامه اتخان ايديشم
 وقت و حاله اويغون کورد يکمدندر . معلومدرکه (حسب حال)
 لسانزده ايکي کشينك بربرينه درد دروتنى ، سرگذشت عبرت
 نموتنى يانوب ياقيله رق سويله ايشى ديمکدر . يازده جغ شيلريالکز
 بنم دکل بتون ملتک يورکنى ياقوب قاورمقده اولديغندن
 عمومى بر حسب حال حکمنى حازدر . يازيله جق شيلرده الفاضله
 انسجام و ترتيبجه انتظام آراتمايدير . يالکز روح کلامه .
 ماده يه ، معنايه باقليدير .

پوسته و تلغراف

علمده بر شينك فذالغى تحقق ايتدكجه ايلدكنه احتياج كورلمز .
 برشى فنا اوله رق تعين ايدرسه اوفى ترك ايتك و ياخود تعديل
 و اصلاح ايله مك واجب حكمنه كيبر . نقل و عقلك متفقاً ايجاب

دینیہ بی ابقایہ بو عبد عاجزی موفق ایتشدرد . کتاب مقدس مذکور کمال صحت و نفاست ایله ا کمال طبع و نشری خصوصندہ استاد محترم (حاجی ذہنی) افندی حضر تلیله فضیلتمند نامدار (اسعد) افندینک وایاصوفیہ درسعاملرندن مرحوم (عثمان) افندینک سبق ایدن مساعی و عہدات جلیله دیندارانه لری هر زمان شایان بیان و شکراندر .

دردنجی سبب دخی سیئات اداره دولت حقندہ هر زمان بی محابا اعتراضات و افادات شدیدہده بولونشم و « غیرت » غزتہ سیله بعض مکتوبلر و مقالہلر نشر ایتدیریشمدرکه مقالہ آتیہ دخی اوقیلدندر . حتی اوزمان اشبو مقالہ نک کیمک طرفندن کوندرلدیکنک بیانی و مکتوبک عیناً اعطاسی مذکور غزتہ نک صاحب و محرر عالیقدری مبعوث محترم (رضا پاشا) یہ تکلیف اولتمش ایسہده پاشای مشار الیہ طرفندن قطعاً رد ایدلمشدر .

(قلبہ) دهکی « غیرت » غزتہ سنک (۱۹۰) نومرولی ۱۷ مارت رومی سنہ ۳۱۵ تاریخلو نسخہ سنہ (حسب حال) عنوانیہ درج ایتدیردیکم مکتوبدر :

محرر افندی ، غیرت ملیہ کز حیت دینیہ کز « غیرت » منتشرہ کزله مثبتدر . سوق حیت ، جبر وجدان ایله سویلہ نہ جک طوغری سوزلرہ صحیفه لریکزی آچیق طوتمق معتاد استقامتکا - رانه کز اولدیغنی عالمده بیلیر بنده بیلیرم . بیلدیکم ایچون بوندن

حقیقت « ده امضالریله یازدقلمری بر فتردهده اشبو جرأت فوق العاده بی زمانک ارباب قلمنه قارشى پک زیاده پسند و تقدیر ایتمشلردی . هیچ اونو تمام ، اوزمان برقاج بیک نسخه طبع ایدلمش اولان مذکور کتابک قسم کلیسی محترم ارمنی وطنداشلمزک حریتپرور کنجلى ، مکتب طلبه سی طرفلرندن آلتشیدی .

سببک اوچنجیسی « مطبعة عامره » ده مدیر بولندیغ صیرهده طبقه بالایه منسوب بعض باشی قاووقلیلرله بعض اینجه فیکرلی رجالات اوهای تحریک و تزییده وسیله مناسبه اتحاد ایتدکلری امهات کتب دینه مزدن (صحیح البخاری) نام مجله جلیله بی - معارف نظارتندن استحصال رخصت و موافقت ایتمکسزین - مطبعة مذکوره نام و حسابنه اوله رق صورت رسمیهده طبع و نشره اجتناسار ایدیشمدر . اوزمان بو کتاب مقدسک (دارالخلافه العلیه) ده و مطبعة رسمیهده طبع و نشری خصوصنک عالم اسلامیت و باخصوص مصر هیئت ازهریه سنجه تأثیر بلیغ حاصل ایده جکی شبهه دن عاری ایدی . معارف ناظرى مرحوم « زهدی پاشا » نک تشبثات واقعه نک ترکی حقنده او وقت بکا یازدیغی تذکره رسمیه بر (حجت غفلت) و یاخود (نمونه بلاهت) اوله رق الیوم اوراق محفوظم ایچنده موجوددر . جناب حقه حمد و سپاس بی قیاس ایده رم که هر طرفدن ایقاع اولنان مشکلات فوق العاده بی اقتحام ایله او یله بز خدمت

واوقوتيه جق درس لر ايله آثار ادبيه و فنيه سائر اون بش
 كونده بر دومه رساله شكلمده طبع و نشر اولونمق اوزره
 استانبولده بر (درسخانه عمومى) تاسيس و كشادينه مساعده
 سنيه حضرت خلافتنا هيلرينك ارزان بيورلمسى استرحام اولنور .
 سايه ولى نعمت اعظميلرنده ترقى معارفه خدمت نيت
 خالصانه سنده مستند بولنان شو تصور ك عصر هايون ملوكانه لرينه عايد
 مآثر خيريه عالم پسندانويه ضميمه فائمه فوق العاده اوله جق
 بر طرز عاليه يعنى بر (انجمن دانش) شكلمه افراغى قابل
 ايسنده بو صورتك عرض تفصيلاتى مجرد فرمان هايون
 شهنشاهيلرينه منوطدر »
 صلاحى

بالاده بحث اولنان اسبابدن ايكنجيسى فرانسر ادباى
 مشهور دسندن (ويكتور هوغو) نك ، فيلسوف نامدار
 (وولتر) ك يوزنجى سنه وفاتى مناسبتيله و بر نمايش فوق العاده
 ايله ايراد ايتمش اولدينى خطبه بليغه حريه پرستانه نك شدتلى
 برسانسورك نظر تفتيش و تخريندن عادتاً زورلايه زورلايه
 قورتارده بيلديكم بر صبرت مترجمه سنى (وولتر) وفاتندن
 يوز سنه سوكره ويكتور هوگونك بر نطقى (عنوانيله طبع
 و نشر ايديشمدر . اوزمان بو كتابك نشرى پك بيوك بر اثر
 جرأت و بعضلرك فكرينه كوره بر نشانه جنت ايدى .
 كرك جرأت كرك جنت اثرى عد اولنسون ، بن اوى
 ياپيور مشدم . حتى (احمد مدحت) افندى اوزمان « ترجمان

بری وقتیه و باش کاتب (ثریا پاشا) معرفتیه ذات شاهانه به تقدیم
ایتدیکم ورقه آتیه در. اشبو عریضه اوزمان مرحوم معلم
ناجی افندی ایله بینمزده ویریلن قرار اوزرینه ظرفدن عرض
و تقدیم اولغوش واکر مساعده سینه استحصال اولنه بیلیرسه
بعده مشترکاً اجرای ایجاباتنه شروع قیامه سی مصمم بولغوش
ایدی. افسوس که مساعده اولونمقدن ماعدا پاشای مشارالیه
ظرفدن بومثللو تشبثات و افکار مضرده ده [!] بولغوش مقلع و بوباده
کیمسه یه و حتی مرحوم ناجی افندی به بیله برشی سویله مه مکاکم
صورت نجرمانده امر و تنبیه اولونمشدی.

مرحوم ثریا پاشا معرفتیه و ۱۶ اغستوس سنه ۳۰۴ تاریخیه
تقدیم قیلان عریضه نك صورتیدر :

« قانون حکمتجه هر کونا تدریسات خصوصیه سر بستدر.
یا لکنز اصولنه توفیقاً رخصت رسمیه استحصالی لازم کلور سه ده
معارف نظارتجه اکثریا ممانعت کوسته رلمکده بولندینی امثالی
دلالتیه مثبتدر. بومعامله وطن و ملتک محتاج اولدینی و سائلط
ترقیاتی منع دیمکدر که علو افکار شاهانه لرینه اصلاً توافق ایتمز.
بناءً علیه امل علوی ملوکانه لرینه موافق و عصر هایونلرینه
لائق بر خدمت خیریه ایفا و معلم ناجی افندی بنده لر یله مشترکاً
اداره اولونمق و منحصرأ ادبیات و اخلاقیات تدریس و علوم
و فنونه عائد مواد متنوعه دن بحث قیلنمق و دخوله مناسبه
ایله صنوف اهالی و مأموریندن آرزوایدنلر داخل اولمق

لافلرله بنی تشیع ایتدی. آکلادمکه سربست بر اقله قلمغ امر اولمشدر. والحاصل بن صباح انقلابه قدر بر حال منزویانده یاشایه رق خدمت رسمیه مه دوام و ایجاب ایتدکجه و ممکن اولدینی قدر باب عالی یه و شورای دولته معروضات رسمیه ده بولنه رق اصلاح معاملات سعى و اقدام ایدیوردم . بویولده نه درجه ابراز مساعی و اقدام ایتدی کمى اليوم شورای دولته بولنان بعض ذوات کرام ایله میزان غزته سی صاحبی (مراد) بک پک اعلا بیلیرلر . حتی تلغراف و پوسته نظارنک تذبذب احوال و تشوش معاملات و فوق الحد سوء استعمالاتی معروضات رسمیه و ایضاحات شفاهیه واقعه مدن و تدقیقات سائر مدن اکلاشایدیغندن بحثله باب عالی رجالدن مرکب بر قومیسون تشکیلی و بنده مذکور قومیسونه ادخال ایله احوال ادارهیه دائر تحقیقات جدیه اجرا و تدبیر قویه اتخاذیه اصلاحات لازمه متحققه نک سربعاً موقع تطبیقه وضعی لزومی شورای دولت مالیه دائره سندن بامضبطه عرض اولمش ایدی. چه سودکه مجلس و کلاجه حین مذاکره ده خارجیه ناظر سابق توفیق پاشا ایله داخلیه ناظرى معهود ممدوح پاشانک نظارتی التزام یوللی واقع اولان اعتراض و مدافعه لری اوزرینه مضبطه مذکوره داخلیه نظارتنه حواله اولنقله نتیجه منظر قالمشدر .

دور استبداده علیهمده کی نظر شبهه یی جلب و امنیت سزاسکی تشدید ایدن اسباب قویه متعدد اولوب بونک باشلوجه لرندن

دو تاجہ متخذ قعدہ قدیمہ اقتضاسندن اولوب حتی اخیراً بو یولده تبلیغات عمومیہ دخی ایضا اولندیانی حلدہ کندیسنک صفت و صلاحیت رسمیہ سی خارجندہ اولہرق او صورتہ بلا مناقصہ مبايعہ ایدلمسی حقندہ امر ویرمسی یولسز و منافع خزینہیہ مغایر بولندیغندن بخٹلہ سریعاً تصحیح معاملہ ایتدیلمسی حقندہ (عزت پاشایہ) در حال برتد کرہ سامیہ یازدی و نظارتہ دخی صورت مناسبہ دہ تبلیغات اجرا ایتدی. ہر نہ ایسہ بوتد کرہ لر یازلد قد نص کرہ بن قوناقدن چیقدم . آرابہیہ بندیکم صیردہ مستعد بزسیویل پولیس مأموری نزد مہ تقرب ایدہ رک ہمہ حال بشککات قرہ غولندہ و اصف پاشانک یالہ عزیمتم لازم کدہ جکنی قطعی بر طرزدہ افادہ ایتدی. بن ذاتاً بویلہ بر نتیجہیہ منتظر ایدم. سیویل مأمورہ قارشی در حال جواب موافقت اعطاسیلہ برابر آرابہی اورایہ سوق ایتسنی آرابہجیہ سویلدم. پولیس حیوانہ را کباً آرابہی تعقیب ایدیوردی. خلاصہ و اصف پاشا بنی کمال نزاکتہ قبول ایتدی. مادہی تفصیلاً آکلادم. بر آرہ طیشاری ایجری چیقوب کلدی. بکا قہود لر. سیغارہ لر اکر ام ایدیور و بر چوق بوش سوزلرلہ بنی او یالاندیر. یوردی. روش خالدن کیفیتک تحریراً عرض اولہرق استیدان معاملہ ایدلہ یکنی آکلادم. ایکی ساعت صو کرہ بر مأمور کلوب پاشانک قولاغنہ بر شیلر سویلدی. بن براز دہا توقف ایدوب عزیمتہ ظاور اندم. کندیسنی جانبہ بعضاً کوریشہ قونشہ کی

اوراده کی پولیس قومیسرلری وافرادی نظرندہ بن پولتیقہ
 شبہ سیلہ مظنون ایدم . آرہدن آیلر ، سنہلر کچموردی . بر
 کون اداره یہ متعلق بر مادہ مستعجلہ دن طولانی بعض افادات
 شفاہیہ دہ بولمق اوزرہ صدر اعظم فرید پاشای بہمہ حال کورمک
 ایجاب ایتمشیدی . بونککہ برابر بنم اختلاط وکلا ، کبرادن
 ممنوعیتی صدر مشار الیہ دہ بیلیوردی . حتی بو مجبوریتلہ
 آرہ صیرہ بالواسطہ سلام کوندیریوردی . یوم مذکور دہ سؤل
 وجواب وقوعی احتمالی دخی نظر ملاحظہ آلہرق نشان
 طاشنہ چیقدم ، صدر اعظم پاشای کوردم . عرض ایدہ جکم
 مادہ ایسہ نظارتجہ عاجلاً مبايعه سی لازم کلن الی التمش بیک
 کیلو قدر نلک کمندی نزدندہ قرارلشدیریلن فیئات ایلہ بالامناقصہ
 آلمان فابریقہ سندن اشتراسی حقندہ در سعادتدہ کی متعہدایلہ همان
 عقد مقاولہ اولمنسہ دائر (عزت پاشا) طرفدن ویریلن امرک
 نظارتجہ قبول و حسن تلقی اولمنسی و حال بوکہ پیاسہ یہ عائد
 فیئات ایلہ متعہدک عزت پاشا نزدندہ قبول ایتدیکی فیئات آرہ سندنہ
 فرق کلی موجود اولوب بو یوزدن خزینہ دولتہ خلیجہ بر
 ضرر ترتب ایدہ جکی بدیہی ایکن نظارتجہ قاعدہ موضوعہ دولتہ
 توفیقاً اشبو سہار شک بالامناقصہ اجراسی لازم کلہ جکنہ دائر
 وقوع بولان اخطارمک قبول و اصغاً اولنماسی خصوصی
 ایدی . فرید پاشا افادہ می جدیت و اہمیتلہ تلقی ایتدی ، دوائرہ
 عائد بومثللو مبايعاتک کاملاً و بہمہ حال مناقصہ ایلہ اجراسی

ایدیسمہ مدہ پک ضعیف و درمانسز قالدیغمدن برمدت المانیا
ویا خود فرانسه قالدیج، لرینہ عزیمتہ اورادہ دخی اجرای
مداوۃ ایتدیلمسی لزومی ظرف اطبادن باراپور بیان اونمسی
اوزرینہ باش کاتب معرفتہ عرض کیفیتہ و تأمینات قویہ اعطاسینہ
مساعده رسمیه استحصال و لازم کلن یاسا پور طر دخی اخذ
ایدلمش ایکن « نظیف سروری » بک طرفندن کویا اورویہ
عزیمت بورادہ کی بدخواهان دولت ایله وقوع بولان مذاکراتہ
مستند و اورویادہ بولنان (ژون ترکلر) لہ تعاضی افکار ایتمک
مقصدینہ معطوف بولندیغمہ دائر ویریلن ژورنالک تاثیریلہ
سیاحت کری قلمش و بو اسناد غریب حتمہ کی امنیتسزلہ کی
برقائدها تشدید ایتمش ایدی .

وکلا ، وزرا ، کبرا ایله ملاقاتدن قطوباً ممنوع ایدم . باش
کاتب تحسین پاشا بنی زردینہ جلب ایله اولیادہ کی ارادہ سنیہ
صورت قطعہ دہ تبلیغ ایددی . هله صدر اعظمک قوناغہ
کیدہ چک اولورسہم بلایمی بولہ جفمی پک آچیق سویلدی . اعباد
وایام رسمیه دہ دخی کیدیلوب کیدلمہ مسی جہتی تصریح و بیان
ایتمہ مسی جواباً افادہ ایدنجه (بن ارادہ سنیہ تبلیغ ایدم .
آرتق سن فصل ایستہر ایسہ اولیہ حرکت ایت) دیدی . بو
بولدہ سرای چتہ لری رؤسائسہ تبلیغات و تنبیہات مقصدیہ اجرا
ایدلمش اولدینی کبی بشکلاش ضابطہ معلومہ سی دہ حتمہ ترصدا
جدیدہ بولنلمسی ایچون مکرراً اوامر قطعیه تلقی ایتمشیدی .

حالہ مملکتدہ وسائط اطفائیہ وجوبات بازارینک محترق
اولمی حسبیله ایرتہسی کون مملکت اہالیسنک حوای
ضروریہسندن بولنان اتمکلی طبع ایتک ایچون
فرونلردہ لزومی قدر دقیق یوق ایدی . بعض ذوات
ایله ارمی باش پاپاسی طرفندن حقیقت حاک تلغرافله باش
کتابتہ اشعار وتبلیغی رجا اولمسی اوزرینہ مشاهداتی حاوی
برتلغرافنامہ یازدم . آردن یکریمی دقیقہ کچمہدن باش کاتب
تحسین پاشا تلغراف ماکنہسی باشندہ اذمیدہ نیچون ونہسبیلہ
وکیملکہ عزیمت ایتدیگی ومقصد صحیح نہ اولدیغنی بارادۂسنیہ
بندن سؤال ایدیوردی . مملکت باشدن باشہ یانوردی ، شمندوفرلہ
سریعاً وسائط اطفائیہ وافرادعسکریہ کوندرلمسی واقشامہ قدر
مقدار کافی دقیق یتشدرسی متصرف طرفندن علی التوالی عرض
واسترحام اولنیوردی . بونلرک هیچ بری نظر دقہہ آلوب
جواب لازمی ویرلمہ یورده نیم مجرد تنزه مقصدیلہ برارقداشملہ
اورایہ عزیمتمک اسباب حقیقیہ موہومہسی سؤال اولنیور
ایدی . مع التأسف بیان حال ایددی ، برچاریک ساعت
صوکرہ ہمان استانبولہ عودتم لزومی حقندہ کی ارادۂسنیہ
تبلیغ اولندی .

برآرہ دوچار اولدیغ « روماتیزمہ » ایلہ بش ماہ قدر
پک زیادہ مضطرب واسیر فراش اولدم ، طبای حاذقہ معرفتیلہ
اجرا قیلنان مداوۂ ایلہ لہ الحمد اکتساب عافیت ایتیش

احوالندن و اصلاح اداره لرینی موجب تدایر لازمہ دن بحث
 بتدیکہ و لایحہ لر تنظیم و تقدیم ایله دیکہ باش کاتب تحسین پاشا
 و سائر لری (بویله شیلری براق . افندیمزک آرزوی همایونلری
 وجه ایله سن راحت و طور ، ایشہ قاریشمہ ، صیرہ سی کلیر
 یخانبہ باقیدیر) دیورلردی . رسماً تلغراف و پوستہ نظارتی
 مجلس اداره سی رئیس اولدیغ حالده اداره مذکورہ عائد
 اندہم و روحی امور و معاملاتک بندن قطعاً مکتوم طو تلمسی
 و عله مکاتب خصوصیه و اوراق مضرہ نک تدقیق و معاینه سنہ متعلق
 کافه معاملات ایله اولباده کی معروضات رسمیه نک زہار زہار
 بکا کوسترلمہ سی مکرراً ارادات قطعیه سنیه ایله نظارتہ تبلیغ
 اولمشیدی . اولباده کی ارادات سنیه باش کتابت قبود محفوظہ سیلہ
 نظارتہ کی ارادات سنیه خصوصیه دفترینہ مراجعت اولنورسہ
 عیناً مشاہدہ و مطالعہ اولنہ بیدیر . اوتہ دہبری خنکار افندیمزک
 ختمہ توجہ و امنیتی منسلب اولدینی کی ہلہ اون ایکی ،
 اون اوچ سنہ دہبری بکا بستون شبہہ ایله نظر و معاملہ
 اولنیوردی . برطرفہ عزیمت و فرار ایتہ مکلکم ایچون دائماً
 تحت ترصدہ بولندیر یلیوردم . برکون پوستہ مدیری ارقداشم
 محمد علی بک افسدی ایله برای تنزہ اذمیدہ قدر عزیمت
 ایتمشیدک . بزم اورایہ مواصلتمز ملکتدہ ظهور ایدن بیوک
 بر حریقک دوامی زمانہ تصادف ایتمشیدی . حریق فی الحقیقہ
 پت دہشتن و روزگار دہ غایتلہ شدتی اولہرق دوام ایتدیکی

واسنادات غرضکارانهك ماهیتی دها آئی اكلاشامقو بوتون
 بوتون ضدی، معکوسی براهین ایله تحقیق ایدرک ثابت اولمق ایچون
 سرای هایونه اولان صورت منسوبیتیم وعائله جه موجود بولان
 مناسبتم حقیقده یکریمی بش، اوتوزسنه اولدن بدء ایله برچوق
 تفصیلات وایضاحات مقنعه سردوبیانی ممکن ایسه ده اولبابده کی
 حقایقك واك بیوك ذواته تعلق ایدن برچوق معلومات، حالات
 خصوصیه و عمومیهك دخی تفصیلاً بسط و تمهیدی مقتضی
 و (پردهك ایچ یوزی - یاخود سبب وعونه استبداد) عنوانیه
 یازمقده اولدیغم کتابك ایلروده طبع ونشری مصمم بولندیغندن
 شمدیلک تفصیلاته کیریشمه یهرك بوقدرله اکتفا ایتمکده معذوره .
 شوقدرینی قید و ذکر ایدیم که دور سابقده باشده سلطان
 (عبدالحمید) خان بولندیغی حالده ارکان مستبددك اعظمی
 بنی حریت و سربستی طرفداری و حکومت مستبددك
 بدخواهی اولمق ظنیله اصلاشایان امنیت کورمه یورتر
 و بالذفات طشرده و حتی بصره و یمن و طرابلس غرب
 کبی بلاد بعیدده بر مأموریت مناسبده استیخدامی طلب
 ایتدکجه (خنسکار افسندیمز سنی خارجه کوندرمکه امنیت
 ایده میور. چاره یوق، بومأموریتده اوطورملی) دیهرک
 استرحامی، استعفا می قبول ایتمه یوب خواه ناخواه مطبعه عامره
 مدیریتنده و بعدده تلغراف و پوسته نظارتی مجلسی ریاستی و کائننده
 قالمغه بنی مجبور ایدیورلردی. منسوب اولدیغم نظارتلرک سیئات

و تکذیب ایدیورسک . بونہ جرات ، نصل شی) دیہرک
اعتراض ایتشدی .

نصل کہ آندن براز زمان اول محرر مشہور (احمد
مدحت) افندی یہ سرای ہایونجہ واقع اولان تلقینات
وتبلیغات قطعہ ایلہ مشروطیت و پارلمنتولر عالمیندہ مقالات
مطلولہ یازدیرلش و « ترجمان حقیقت » غزنیہ سیلہ نشر
ایتدیرلش ایدی . ینہ نصل کہ او اثنالردہ محرر نامدار (احمد
احسان) بک سرایہ جلب ایلہ کویا بیلیم ہانکی مملکتک
پارلمنتوسندہ جریان ایتش حالات نفرت بخشای مصور بولان
لو حەر کنیدیسنہ اعلا اولنہرق و پارلمنتولرک ردالت احوالی
تعریف و تحریر ایتدیریلرک کذلک کمال احمیلہ و (ثروت فنون)
غزنیہ سیلہ نشر و اعلان ایتدیرلشیدی .

ہر دورلو شبہدن آزادہ اولہرق . بیان ایدہرم کہ کرک
(احمد مدحت) افندی و کرک (احمد احسان) بک اوبندلری
مطابقا حسابات وجدانیہ لرینک تأثیرات الیمہ سی التندہ قیورانہ
قیورانہ . بانکہ آل لرلندن ترلر آقہرق ، الماری تتردیہرک یازمشار
و غزنیہ لریندہ اور سمبلری ایستہر ایستہر مجبوراً درج ایتشلر
ایدی . حق الانصافی دوشونیلیرسہ باشقہ دورلو حرکت
اولنہمایہ جنی تسلیم اولنور . بناء علیہ ہم مطبعہ عامردنک
اشای تقیش و سدندہ بولنشم حقندہ کی اعتراض دخی موافق انصاف
و مروت دکلدر . بولرلر دن باشقہ علیمردہ کی ظنیات و اہیہ

حقنہ اے قوتی شہبائی جلب وهر ذورلو امنیتی درحال وکلیاً
سلب ایدر واک بویوک عقوباتی موجب اولہ بیلہ جک القات
وفاقیناتہ سبب قوی اولوردی .

بویلہ بر مخالفتدہ بولنہ بیامک ایچون مملکتتمزک احوالہ .
باخصوص سرایک اتریقہ لرینہ کلیاً واقف اولماق ویاخود
مجنون اولق لازم کلیردی . بر شخصک حیاتی وعائلہ سنک حصون
پریشانیسی ایچون یوزده یوزنسبتندہ تہلکۂ ظاہرہ اولان
بویلہ بر مخالفت مجنونانہ بی نہ شریعت ، نہ دہ عقل وحکمت
اصلاً قبول وتجویز ایتمز . بونککہ برابر بالفرض والتقدیر
اولبابدہ کی امرہ اتباع ایتہمش واورایہ کیتہمش اولسہ
ایدم عجبا مطبعۂ عامرہ بی سد ایتہیہ جکلمی ایدی ؟ . هیچ
بویلہ بر احتمال محال وارد خاطر اولہ بیلیرمی ؟ . اوحالہ
مصلحت نقطۂ نظرندن اصلاً بر فائدہ بی موجب اولہیہ جفی
بدیہی بولنان مخالفتدہ بولنہرق کورینورتہلکہیہ ، بلایہ آتساق
کار عاقل میدر ؟ . دہا طوغریسی دوشونیلیرسہ (عزت پاشا)
طرفندن اولبابدہ کی ارادۂ سنیہ بکا تبلیغ ایدلدیکی زمان اساس
مادہ بی رد وتکذیب ایلہ افکار شاہانہیہ مخالف بیاناندہ بولنشم
بیلہ بیوک جرأت ، یاخود بیوک خطا ایدی . حتی بن او
سوزلری سردایتدیکم زمان مستشار فؤاد بک تعجب واستغرابہ
دلالت ایدہ جک برطور ایلہ (ارادۂ سنیہ دہ موثوقاً استخبار
ایدلدیکی بیان اولنیور . سن خنکارک بو افادۂ قطعہ سنی رد

المایوب « ذکی مغامر » افندینک افاده مجرده سنی حسن قبول
 وتلقی ایله مسی طوغریسی بنجه موجب تأسف اولمشدی . بالاده
 دخی عرض ایتدیکم وجه ایله بو آدمی اصلا کورمدیکم ، بیلمدیکم
 کبی مصرده کی رشید بک ایله ده قطعاً الفت سابقه ومناسبت لاحقهم
 یوق ایکن شو یوله ترتیب اولان اکنو بهدن ، انترقه دن
 مقصد اصلی نه اولدیغی آکلایه مادم . یالکز توفیق بک ایله
 میانه مزده نفرت وعداوت پیدا ایتکاملی وارد خاطر اوله بیلیر
 ایدیه ده بالآخره حقیقت بویه تظاهر ایدنجه او امید منافقانه ده
 بالطبع محو اولوب کیتمشدر . مطبعه عامر دیک اثنای تفتیش
 وسنده بنده بولشم بعضی عندده بیوک برقصور وقباح
 کبی تلقی اولنیور ایه ده شمدی بو فکرده بولنانلر عجبا اوزمانکی
 اجراآت مستبدانه ک درجه شدتی نظر موازنه ومحاکمه الهرقمی
 دوشونیورلر یوقسه یالکز شمدیکی دور حریتک کوکلرده حاصل
 ایتدیکی نشوة انشراحدن متولد حسیه اته تبعائی بو فکرده
 بولنیورلر . بونقطه حاز اهمیتدر . وجدانلرنده جوهر انصاف
 ومروت موجود اولان بیطرفان امتک جمله سی عندده مسلمدرکه
 دور استبداد اشدتی اواننه مصادف اولان سالف الذکر
 مطبعه نیک تفتیشی اثناسنده بنده بولمقلغم حتمنده تبلیغ
 قیلان اراده سنیه قارشى « خیر بن بولونه مم ، بن کیتیم » دیمک
 هانکی بیکیک خرجی ، کاری ایدی . زیرا بوضورتله تبلیغ اولنان
 براراده سنیه اته اتباع ایتهمک ، مخالفتده بولمق متجاسری

اعضالغنه نصب اولمش و شهرامینی مقتول رضوانك خدمت
 خصوصیه‌سنده بولنه‌رق توجه و التفاتنه و اوسایه‌ده رسمی
 تانیفاتنه مظهر اولمشدر. بالاده اسمی چکن رشید بک ایله اصلاً
 الفت و انسیتیم یوق آیکن مناسفق مومالیهك بوقدر آچیق
 برکذبنی تصنیع و ابوالضیا توفیق بکه تبلیغ ایتمه‌سی و کندیسنك
 بنه هیچ برکونا مناسبت و اختلاطی اولمدیغی حالده علمیمده
 بودورلو غمز و روایتده بولونمه‌سی سببنی دوشوندم هم چوق
 دوشوندم بولامدم. بوده اولسه اولسه ابنای زمانه‌نك صوڪ مرتبه‌یه
 واصل اولان فساد اخلاقنه بر نمونه غریب عداولنه بیلیر. «غیرت»
 غزته‌سیله واقع اولان نشریات مذکوره اوزرینه پارسده مراد بک
 (میزان) غزته‌سیله کیفیتی تصحیح و جرأت راستکویانه‌می تحسین
 یتدی. شمعی دوشونیورمده مقالات مذکوره‌نك بر صورتی
 اولوقت مصرده‌کی (المقطم) غزته‌سنه کوندرم دیکمه اسف
 ایدیورم. چونکه مذکور غزته‌ایله دخی نشر ایدلمش اولسه‌یدی
 دائره انتشارك توسعیه حقیقت ماده‌یه ده بر چوق ذوات
 کرام واقف اولورلردی. ابوالضیا توفیق بکک اشبو معلوماتی
 بکا بیان ایتدیکی زمان کندیسنه‌ده دیدیکم کی بندن سؤال
 و استیضاح ایتکمیزین «المقطم» غزته‌سنه جواب یازمش اولمه‌سی
 و بخصوص الی‌سنه اول اشبو روایت عزوره طرفدن قطعاً
 رد و تکذیب ایدلدیکی و تاریخ مذکورك صورت منع انتشاری
 کندیسنه پک‌آئی بیلدیرلدیکی حالده معلومات سابقه‌نی نظر دفته

« غیرت » غزتہ سیلہ واقع اولان اشبو نشریات حقیقت
 مادہ بی مرتبہ ثبوت و علنیہ ایصال ایتدیکی و تاریخ (کمال) ک
 منع انتشاری مادہ سنده نیم ذره قدر منع و دخلم اولمیدیغی
 کو ستردیکی آشکار اولوب انحق اوزمان بر نقطه ذهنی ینہ اشغال
 ایتکدن خالی قالمایوردی. اوده مصرده کی (المقطّم) جریده سنه درج
 اولنان مقاله نك نیم طرفدن یازیلوب بالواسطه نشر ایتدیرلدیکی
 حقنده کی قویروقلی برا کذبونه نك (ابو الضیا توفیق) بکه هانکی
 غماز حسبی طرفدن سویله نامش اولمی مادہ سی ایدی . نہایتی
 میر مشارالیه حقنده مصرده منتشر سالف الذکر غزتہ یہ درج
 اولنان مقاله نك کویا اوراده بولنان احبابمندن شهراماتی
 محاسبه جیسی مرحوم رشاد افندینک اوغلی رشید بک واسطه سیلہ
 طرفدن تحریر و تسییر ایدلدیکنه دائر اولان روایت مزورده نك
 مصرلی می ، جیل لبنانی می حاصلی زهلی اولدیغی بنجه مجهول
 بولنان (ذکی مغامر) نامنده قصیر القامه ، طویل الوجه بر
 شخص طرفدن میر مشارالیه تبلیغ و اخبار ایدلدیکی
 « ابو الضیا توفیق » بک افاده واقعه سندن اکلاشلدی. بویالانجی
 آدم « غیرت » غزتہ سیلہ نشر ایتدیردیکم صوک ورقه اوزرینه
 اثبات مدعی ایچون میدانہ حقیقہ لازم کلیرکن سکوت ایله
 کذب فاحشنی ضمناً اعتراف و غماز حسبی و حسن اخلاقدن
 محروم اولدیغی ارأه ایله مشدر. نصرانی مومالیه هر نه طرفک
 التزام و التماسیله اولورایسه اولسون ملغا شهراماتی مجلسی

آلیرم نەدە کەندیمە باشقەسەنک نامنی سپرایدینەرک امضاسر یازی یازمق دنائتنی قبول ایدرم). مقاله مذکور دنک طرف فقیرانه مدین یازدیرلمش اولدیغنه دائر اوکرندیکیکیز، سویلیدیکیکیز روایت قطعاً یالاندر. نرەدن بیلدیرلمش ایسه یالان وسزە کیم سویلەمش ایسه یالانچیدر، ناموسسزدر. مصرودە برکیمسەنی طائنام، اورادە هیچ احبام یوقدر. (المقطم) ە (بر ترک) امضاسیله مقاله یازان ذاتک کیم اولدیغنی دە بیلیم. بونی بکا اسناد ایدن یالانچی اثبات مدعا ایدە بیلورسە میدانه چیقسون. اوچنجیسی مادە سعایتی ارتکاب ایدن شخصک تصریح نامی تکلیفیدر. (قدری بالاتر) بکک اوطەسەندە کوردیکم وکیمک طرفندن کتیرلیدکنی سؤال ایتدیکم سرخ اشارتلی جزءک کاتبی طرفندن کتیرلمش وبوکا دائر کاتب طرفندن یازیلان ژورنالک جزء منتشر ایله برابر ایچری یە کوتورلمش اولدیغنی وتاریخک کلیاً منعه بو عریضه ایله او اشارتلی جزء سبب مفرد بولندیغنی اولکی ایضا حنامە دە بیان ایتمش ایدم. او عریضه یی یازان الیوم داخله ناظری ممدوح پاشانک مہرداری ونافعه نظارتندە مکتوبی معاونی بولسان (سعید) بکدرکە اوزمان «قدری بالاتر» بکک کاتبی، آدمی، محرمی، همدی ایدی. ابوالضیا توفیق بکک مکتوبلرندە (سعید ممدوح کوزوکه جک) جہلہ سیلہ پاشاسی دە اسمی دە تلمیح وایما بیورلمشدر. اشبو جوابنامە مک دخی غزتە کیزە درجی نیاز ایدرم افندم.

محضاً تحریر و نشر ایتھدہ بولندیغی غزتلر مناسبتیلہ پیدای
 الفت ایتش ولکن هیچ برزمان «کندی آدمیری» مرتبہ سنہ
 تنزل ایتہ مشدر . بولنرک جملہ سیلہ ابوالضیا توفیق بک نہ
 صورت و صفاتہ و فصل برطرز انیت ایلہ قونوشمش ایسہ
 «صلاحی» دخی عین صورتلہ الفت و مناسبتدہ بولنمشدر .
 الیوم کندولری الفت و انسیتدہ فصل دوام ایدیورلر سہ
 بندہ کزده مخالفت نام ایلہ اولیادجہ قونوشبورم . بومثالولرک
 مسلك و ماہیتلرینی تدقیق و محاکمہ ایتک وظیفہ مک اخارجندہ
 اولدیغندن آکا دائر بورادہ برشی دیمکہ بندہ کزجہ لزوم
 یوقدر . یالکز شو قدر عرض ایدیمکہ وجدانسزلر جہ
 کندی سوء حرکتلرینی و یاخود ایستہ دکبری فنالقوری ایستہ
 دکبری آدمہ اسناد و مال و یاخود بر آدمی درلو درلو سوزلرلہ
 اغفال ایتک اخف اعمال دائمہ دندر . ایکنجیسی (المقطم)
 عنوانی جریدہ مصریہ درج ایدلرکی حکایہ بیوریلان مقالہ نیک
 (اولکی شایعہ بی ستر ایچون خلقدہ یکیدن براعتقاد حصولنہ
 یول آچق غرضی) ایلہ (مصرده بولنان احباسندن برینک
 و ساطیتہ صلاحی بک طرفندن یازدیرمش) اولدیغی فقرہ سیدر .
 بورادہ ابوالضیا توفیق بک جواب قضی اوله رق کندی سوزلرینی
 ایراد ایدہ حکم . میرم . قطعاً امین اولکزک (بن برشخص
 حقمده ذاہب و یا قانع اولدیغ فکر ایضام آلتدہ یازارم .
 اگر امضامی قویتمہ قدرت و جرأت یوق ایسہ اونڈاہامی نہ قالہ

دنیا ده ائدنی بر مخلوق مضر در. او قدر دندیر که. او یله بر لازمه
 اتقاندن ملتی محروم ایتکه بر ابر انتشار معارفده کی هم لا تحصاسی
 غبطه فرمای اسلاف عظامی اولان پادشاه معارفناه حضر تلرینی
 بیله (مناع لایخیر) کو ستر مک کی بر کفران نعمت ابر ازایل مشدر.
 بویله برسیده یی مرتکب اولانلر ایسه دنیا ده منفور اولور
 آخرتده ملعون وسیعلم الذین ظلموا ای منقلب ینقلبون .
 (ابوالضیا توفیق)

اشبو مکتوب اوزرینه ینه (غیرت) غزته سیله نشر ایتدیر دیکم
 جوابنامه آتیده مندر جدر که برر صورتی اوزمان ینه خار جده
 باصیلان (حمیت) و (صداقت) غزته لری اداره خانله رینه ده
 کوندر لمشیدی .

غیرت غزته سی مطبعه سنه

محرر افندی . (۱۱۹) نومر و لو جریده فریده کزک او چنجی
 صحیفه سندن ابتدا ایدن (ابوالضیا توفیق) امضالی جوابنامه یی
 او قودم . اشبو جوابنامه مفصلده شخصمه تعلق اولمایان فقره لر دن
 صرف نظر اولنور سه طرفدن ایضاح و تصحیحه محتاج
 اوچ نقطه مهمه قالیر . بونک برنجیسی « قدری » بکک
 اسناد و اقترا سیدر که کلیاً خلاف حقیقتدر . هم « ابوالضیا
 توفیق » بک غایتله جدی و قطعی صورتده بیلملیدر که (صلاحی)
 وقتیه کزک اودات و کزک او قیلدن بولنان سائر ذوات ایه

اگر برشیک حقیقتدہ اشتباہ ایدمز ایسہ اوشی بلا تأمل
 سویلنملیدر و « شمذیلک بوندن زیادہ ایضاح مادہ قابل دکلدر »
 قولی ایسہ تأیید برأت دکل بالعکس تردید حقیقت ایدر . تاریخ
 منع اولندقدن صکرہ بندن هرکیم سبب اولانی سؤال ایتدیسہ
 تعین اسم ایتمکدن قطعاً چکنامش ایدم . صلاحی بکده
 مادامکہ سعایت ایدن شخصی بیلور و بکاده کیم اولدیغی
 سویلورلر . اسمنی میدانہ قویملیدرلر . بونکله یالکز تبرئہ
 نفس دکل تاریخده بریوک خدمت ایتش اولورلر . چونکہ
 اوشخص لئیم (صلاحی بکجه منتظر اولان زمانک حولندن اول)
 افعال ملعونانہ سنک مجازاتی ادراک ایچون روبراه سمت ججیم
 اولورسہ ایتدیکی شنیعہ نک جزای دنیویسی یانہ قالور .
 چونکہ بر آدمک فعلی مدافعہ نفسہ امکان مساعد ایکن تشہیر
 ایدمک اقتضا ایدر . اولدکن صکرہ هرکس هراستیدیکی آدم
 حقده هر نہ ایسترسہ سویلیہ بیلور . و بونکله تاریخہ خدمتدن
 زیادہ تاریخی تغلیط ایلیمش اولور . احتمالکہ او آدم او افترا
 ایله حقیقتدہ معیوب دکلدی . بلکہ حقده کی افتزادن بیله خبری
 یوقدی . تاریخ آنی مادام الملوان شقی مقدوح کوسترہ جک .
 حال بوکہ برو طرفده اصل شقی (سعید ممدوح) کوزوکه جک .
 ایشته اک بیوک کنہ بودر .

الحاصل کمالک عثمانلی تاریخی منہ تصدی ایدن هرکیم
 اولورسہ اولسون حتی کمالک صلی اوغلی بیله اولسہ اعتقادجہ

خبر ویرن ذاتک اسمی وقتیلہ سویلمش ایدم ینہ سویلیورم (دیدم . بونک اوزرینہ سالف الذکر ۱۱۷ نومرولونسخه غیرتده مندرج مکتوبی کوردم . صلاحی بک واقعا امضاسیلہ وبعض ذواتی اسملرینی ایما طریقیلہ اشهاد ایدرک دفعه افترا ایدیور . بوقدری ده شایان تبریکدر . چونکه فطرهٴ اصحاب ناموسدن اولمق لازمکن بر آدمک برچرک شنارایله کسوة ناموسی لکه دار اولدقدن صکره آنی تطهیرہ موفق اولمسی یالکیز کندوسنی طانیانلر عنندنه دکل منسوب اولدینی ملت نظرندده شایان تبریکدر . چونکه بر ملت افرادندن برینی حلیهٴ ناموسدن عاری کورمکه نه قدر متأثر اولورسه ناموسی بغیر حق رخته دار اولانلرک اعادهٴ خبیثت وعصمت ایدیشندن برقاچ قات مفتخر اولمق لازم کلور . بن صلاحی بک شو ایضاحات تحریریه سیله اولکی اعتقادمی تصحیح ایلدم . وسعایت ایدن شخص لئیمی ده کندوسندن اوکره نوب ایمان ایتدم . بونجه کافی ایسه ده خلق ایچون کافی دکلدر . صلاحی بک اصل اواعتقادی بسله مکده اولان عامه نی تأمین ایتلیدر . اوده شخص مفسدک طوغریدن طوغری به تصریح نامیله حاصل اولور . صلاحی بک مکتوبنده « برزمان کله جکدرکه البته حقیقت آکلاشیله جقدر » دیدکن صکره برآز آشاغیده ده « شمديک بوندن زیاده ایضاح ماده قابل دکلدر » دیورلر . بکا قالورسه برحقیقت آچیق اوله رق سویلنمینجه حقیقت عد اولنه ماز .

میزانك اوفقره سنى بكا عطف ايتك ايسيتور وچكندہ اوروپادہ
بولنیشمدن طولايي بوكانم طرفدن اختار اولمش بر سوز
نظريلہ باقيور . كندوسنہ ديدم کہ (بن بر شخص حقندہ ذاہب
وياقانع اولدينم فکرى امضام آلتندہ يازارم . اگر امضامى
قويمخہ قدرت وجراتم يوق ايسہ اوزھامى نہقالہ آليرم نہدہ
کندیمہ بشقہ سنك نامنى سپرايدينہرك امضاسز يازى يازمق
دنائتى قبول ايدرم . ميزانك صاحب وکاتيلہ کوروشديکم صرہدہ
نہکالك تاريخنہ نہدہ سزك مروى اولان سعايتکزه دائر سوز
آچايدى . امين اولك کہ بن اورادہ بوكا دائر لاقيردى ايتدم .
فقط وقتيلہ نشر ايتديکم ترجمہ حالک آنردہدہ بولنہ بيامسى
داخل احتمالدر . آنردہدہ اوقومش اولورلر . ياخود سزك
مقدما ويرمش اولديغکز تاأميناتدن اول بکا هرکيم سبب منعى
صورسہ بن دہ سزى خبرويرايدم چونکہ بويلہ بردنائى ارتکاب
ايدنى — اوغلمدخى اولسہ — تشهير ايتك اعتقادحجہ ثوابدر .
اوصورتلہدہ خاطرلردہ قالمش اولہ بيلور . آندن باشقہ بوندن
بش آلتى آى اول (المقطم) غزتہ سندنہ بوفعل بکاسناد اولنقلہ
بندہ جواباً (الهلال) رسالہ سندنہ نشر ايتديکم ردیہدہ سزك
اسمکزى ذکرہ لزوم کورديدم . آنده اوقومش لردر . سز
بواسناددن تبرى ايتك ايستہ يورسہ کز بکا قارشودن مواجہہ
عامہدہ امضا کزلہ اثبات برأت ايدہ بيلورسکز . علنى اولان
اسنادك ردی دہ علنى اولور . بن سزہ افترا ايتدم . بکانامکزى

با صله جق ایدی . بوندن يالکوز مطبعه ابو الضیایه یگر می
 یدی بیک لیرا داخل اوله جق یعنی مطبعه سنده طقوز بیک
 لیرالق بر معامله اجرا ایدم جک ایدی . تمتع طباعت ایسه
 بویله بیوک ایشلرده یوزده اوندن آشانی دوشمیہ جکندن
 کار صافی اوله رق المه سنوی بیک لیرایه یقین بر مبلغ کچه جک دیمک
 ایدی . شمدی تاریخی بزه منع ایتدیرمش اولیورسکوز . پک
 اعلا ! فقط شو بزم بیک لیرا تمتع سنوی پی ده تضمین وتادیه
 ایدم جک بریر کوسترمک اقتضایتمزی ایدی . سن هر کسی کندک
 کبی سرسم می صانورسک . فقط بوقدر احمقجه یازلمش بر مقاله ده
 دخینه بر فکر ملعونانه موجود ایدی . اوایسه اولکی شایعه پی
 ستر ایچون خلقلده یکیدن بر اعتقاد حصوله یول آچق غرضی
 ایدی . بوملاحظه اوزرینه تحقیقاته کیریشدم . نهایت مصرده
 بولنان احباسندن برینک وساطتیه صلاحی بک طرفندن یازدیرمش
 اولدیغی اوکرندم . بناءً علیه بالاده حکایه ایلدیکم ردیه محقه پی
 تحریر ایله (الهلال) نشر ایتدیردم . بوندن بش اون کون
 مقدم صلاحی بک مطبعه یه کله رک برایی آفاقی سوزدن صکره —
 سزه وقیله تاریخ کالک منعنده مداخله اوملیدیغی ناموسمله تأمین
 ایلدیمش ایدم . شمدی ایسه (میزان) غزته سنده مرحومک
 رسمیه برابر نشر اولنان ترجمه حالده تاریخک بنم سعایتله منع
 ایدلمش اولدیغی اعلان اولنیور . دیمک که حالا او اعتقاد کزی
 تصحیح ایتماش سکوز — دیمش ایدی . آکلادم که صلاحی بک

صورت منغى غننه سيله ايضاح ايتمكه برابر بوملغتک مرتکبي
 صلاحى بک اولديغى امضام آلتده اعلان ايلدم . هر مفرى
 کبي بومفرى دخی تاريخک اسمندن اعتباراً صاحب تاريخک
 مخدومه قدر اسنادات واقعه سيله هرشي آلت اوست ايتمش
 وبر غشاوه هزار رنگ ايله نه قدر حقيقت وارسه هپسنگ
 لوتى تغير وستره چاليشمش ايدى . از جمله بدايت الفتدن
 يوم ارتحالنه قدر کمال ايله بينمزده دوام ايدن وهر درلو
 زللدن مصون بولنان اخوتک بزلردن صکره اولادمزه دخی
 توارث وانتقال ايده جک مرتبه لرده اولان صفوت وخالصتى
 دوشونمدهن تاريخک سعادت منغى - فاعل شر ميدانده ايکن
 برولد معصومى قاتل پدر کوسترمک قيلندن - بکا مال ايتمش
 ايدى . مقالهي او قوينجه حدتن زياده بالطبع حيرت حاصل
 اولدى . کندی کنديمه ديدم که - اکثر آچقلر احق اولور
 ديرلر لکن صحيح ايتمش . - آسرسم ! هايدي هر درلو
 فکر حميت و طرفدارى معرفتى سنک سوء ظنکه فدا ايده .
 يا بوتاريخک منغندن بکا نه کبي بر منفعت افراز ايدى ورسک .
 تاريخک ايلک جزئى آلنى بيک نسخه باصيلمش و او وقته
 قدر امثالى کوريلدک بر رواج ايله يالکيز پايتختدم بر هفته ظرفنده
 آلنى بيکيده صاتلمش ايدى . بو تاليفک حاوى اولديغى
 مجلدات که سليم ثاني به قدر ۱۲ جلددن عبارت ايدى . مؤلفيه
 ايتدنر حسايبکب ويرديکمز قرار وجهله اوچ سنه ظرفنده

بلای شامیہ موقع انتشاره وضع اولندیغی کون منع ایدلمشدر»
 عبارہ سیلہ صلاحی بک نامنہ اشارت ایلیمش ایدم. بو ترجمہ حالت
 نشرندن صکرہ کرک بحث ایتدیکم عبارہ بی او قویانلره و کرک تاریخک
 منعی سببی او کرئمک ایستہ یئلره و یردیکم ایضاحات صلاحی بک
 سمعنه و اصل اولغله کونک برنده بنملہ ینہ ملاقاتنده تصحیح ذهاب
 ایتمکلکم ایچون و یردیکی تأمیناتہ اینانیر کی اولمش ایدم. نه کتم
 ایدیم، تمامیلہ امنیت ایدہ مه مش ایدم. چونکہ زمانہ ده
 او قدر غریبہ لر کوردم و بالخاصہ حتمہ ده دون سمایتده
 بولنوبده بو کون بر سیمای صفوتلہ تأمین اخوت ایدر او قدر
 ملعونلره تصادفی ایتدم کہ آرتق نه کیسه نک ایمان غلیظہ ایلہ ایتدیکی
 ادعای برائتہ نه ده کونده یه قوللانیلان دعوا ی حمیتہ اعتماد ایدر
 اولدم. حتی بو فعلی - مجردفاعلتی سترایله حقیقتی اشکال ایچون -
 صلاحی بک اسناد ایتک و بو اسنادک انتشارینه کور کورینه
 بی آلت ایلہ مک دخی زمانہ نک بر انموزج اخلاقی عد اولغله
 شایان دکلیدر؟ حاصلی بوندن بر قاج آی اولہ کلنجہ یه قدر
 صلاحی بک حقندہ عصمت و اهانندن هانکیسنہ حکم ایتک
 لازم کلہ جکندہ متردد بولمش ایدم. وقتا کہ کچن تشرین ثانیدہ
 (المقطم) نامندہ کی مصر غزته سی (برترک) امضای کاذبیلہ
 بر ماده اوزرینه نشر ایلدیکی مقالہ ده تاریخ کلاک منعی بکا
 اسناد ایلہ تغلیط حقیقت ایتک کی بر جنایتہ تصدی ایلدی.
 بندہ (الہلال) رسالہ عربیہ سیلہ و یردیکم جوابده تاریخک

بر فعل مکروه کندینه تحمیل و مال ایدلمش اولانلر ادعای عصمت و اثبات برائت یولنده قدر فریاد و شکایت ایتسه لر حقیقدر لر . شوراسی محققدر که کمالک تاریخی منع اولندینی زمان صلاحی بکک مدافعه نامه سنده (قدری بالاتر) تعبیر یله اسمنه ائما ایلدیکی ذاتدن عصر پادشاهی به بحق شرفر سا اولان اویله بر اثر کزینک هانکی کشتی نك سعایت ملعونانه سنه قربان اولوب کیتدیکی صورمش و « صورمغه حاجت نه ! صلاحیدن باشقه کیم اوله بیلور » جوابی آلمش ایدم . بوسوزه اعتماد ایتمکدکم ضروری ایدی . چونکه کرک اوزات و کرک اوقیلدن بولنان سائر ذوات ايله صلاحی بک آره سنده کی مناسبت رسمیه یی بیلور ایدم . بناء علیه کماله دخی صحتنه بالطبع مطمئن اولدیغیم بو خبری اول وقت بیلدیر مش ایدم . اصل تأسفه سزا واردر که کمال بک مرحومک صلاحی بکی بر مضر حسبی ، بر غماز کشتی اوله رقیطانیقلغنه بو اخبارم سبب اولمشدر که وبالی بکادگل بنی دخی ستر حقیقت مقصد یله اغفال ایدنه عائد اولمسی لازم کلور . بن نه بیلور دمکه بو ذاتلر اگر ایسترلر سه اصل فاعل شری اخفا ایچونینه کندی آدم لرندن برینی دیکرینه فدا ایده بیلور لر . بویله شیلری بیلسه بیلسه واقف خفایا اولانلر بیلور . ایتسه ایتسه زمان اثبات ایدر . اوتاریخدن برار زمان صکره کمال بک ارتحال ایتمکه نشر ایتدیکم ترجمه حال ادیبسنده آثار قلمیه سنی تعداد ایلدیکم صره ده عثمانلی تاریخی دخی ذکر ایتمش و « بو اثر جلیل نام صلاحه صیغتمش بر مفسد کشتی نك

حميته سبيل حقيقى کو سترمکدن عبارتدر . اشبو تاريخ نفيسک منع انتشارندن توفيق بک ماده متضرر اولديسه بزده جداً ومعناً متأثر اولدق . ميرمشاراليه «المقطّم» ک کنديلرينه بخش ايتديکي حصه سعائى نه لزوم اوزرينه رد ايتمشلرسه بنده کزده اشبو افتراي اولزوم اوزرينه تکذيبه مجبور اولدم وآلتى يدي سنه اول کنديلرينه عرض ايتديکم تفصيلاتدن اصلاً بحث اتمه مش اولميرينه تأسف ايتدم . اشبو تکذيبنامه نك معتبر غزته کزه عیناً درجنى فوق العاده نیاز ايدرم .

صلاحى

طرفندن يازيلان اشبو تکذيبنامه نك انتشارى اوزرينه (ابوالضيا توفيق) بک طرفندن کوندريلوب مذکور غزته نك ۱۹۱ نومرولى نسخه سياله نشر ايديلن مکتوبک صورتيدر .

استانبولدن مکتوب مخصوص

فی ۱۸ حزينان افرنجى سنه ۱۸۹۷

« غيرت » غزته سى محررلکنه

(صلاحى) امضاسياله غزته کزک ۱۱۷ نومرولى نسخه سنده نشر اولنان مدافعه نامه يي اوقودم . هر شخص نفسه تعلق ايدن ماده اسنادى تعيين حقيقتله رد ايتک حقى حائزدر . باخصوص صلاحى بک کي حد ذاتنده معصوم اولقله برابر آخرک مرتکب اولدينى

شونسخه ده سرخ ايله اشارت ايديلن فقره لرى ، باخصوص
 (نرون) و (منجم) فقره لرىنى دقتله مطالعه ايدكز » ديديلر .
 بعدالمطالعه بنده كزده « نرون برظالم روما حكمدارى ايدى .
 بونك حقه ده ويريلن معلومات اويدرمه دكل جمله حقايق
 تاريخه دندر » ديدم . صاحب البيت بوسرخ اشارتلى جزئى كيم
 كتيردى ديه صوردم ، كاتبى ارئه ايتدى . پنجره اوكنده كى ذات
 دخی كاتبك يازدينى عريضه ايله او قيرمى اشارتلى تاريخك
 مقدمه سنى آلب ايجرى يه كيتدى . مؤخرأ تاريخك انتشارى
 كلياً منع ايدليكنى فرط تأسفله خبر آلم . صاحب مقامك
 كاتبى طرفدن سرخ اشارتلىله كتيريلن فورمه نك مندرجاتى
 حقه ده يازدينى وديشاروده كى ذاتك نسخه مذكوره ايله برلكده
 ايجرى يه كوتوردىكى عريضه كتابك منع انتشارينه سبب اولمشدر .
 ايسته مقدسات اسلاميه نك جمله سنه قسم ايله اعلان ايدرم كه
 حضرت كالك تاريخى طرفدن وقوعبولان سعيات اوزرينه
 منع ايدلمه مش و حقيقت حال بوندن عبارت بولنمشدر . اشبو
 خيانت وسعايتك صاحبي او اشارتلى نسخهي كترن واو كوچك
 كاغدى يازان ذاتدر . شمدليك بوندن زياده ايضاح ماده قابل
 دكلدر . هله مرحومك آثار سائر سنيك ايدى تداولدن
 قالد يرلمى حقه ده ذره قدر وقوف ومعلوماتم اولمديغنى قطعاً
 اخطار ايدرم . مقصدم كيمسه يه تعرض واعتراض اولمايوب
 يالكز تاريخه عائد برا كذوبه مهمه يى رد ايتمكدن وارباب

بکا سویلیدیکی زمان ابوالضیا توفیق بکه قارشى قطعياً تکذیب کیفیتله برابر تصحیح فکر ایتیمی لزومنی اخطار ایتیش وینه بش آلتی سنه اول پرده صلاحه بوروندیردیکی ذاتک دوستلرندن واذکیای ارباب قلمدن [۱] امین برذاته دخی عرض حقایق ایله مش ایدم .

حتی اوزات اووقت « بوروایتی صورت مناسبه ده تکذیب ایدکز » دیدیکی حالده بنده کز « برزمان کله جکدر، البته حقیقت آ کلاسیله جقدر » جوابیله اختیار سکوت ایتشیدم . ایشه اوزمان حلول ایتدی . حقیقته کلنجه تاریخ عثمانینک برنجی فورمه‌سی میدانه چیقارلدقن بیلیم قاج کون سوکره نشر ایتمکده اولدیغ (ثروت) غزته سنه متعلق بر ماده دن طولانی عالم بالاده قدری بالاتر بر بکک او طه سنه کیتدم . صاحب مقام پنجره ده بر مدیر محمود الشیم ایله قونوشیوردی . اول وقت میر مومالیهک کتابتیه مباحی اولان قصیر القامه ، سبک سیر برذات دخی او طه نک کوشه سنده برکاغده برشیلر یازیوردی . تاریخک جزء منتشرى ده پنجره کنسارنده اوافق یازی اسکمله‌سی اوزرنده طور ییوردی . کاتب عریضه‌نی اکال ایله افندیسنه ویردی . وغایتله یاواش برشی سویلیدی صاحب مقام ایله مخاطبی بولنان ذات دخی در حال بکا توجیه خطاب ایله (کمال بکک نشر اولسان تاریخی کوردیکز می) سؤالنی ایراد ایتدکلرندن «ابوالضیا توفیق» بک طرفندن تاریخک برجزئی صورت مخصوصه ده بنده کزه دخی کوندرلمشدر . کوردم او قودم» دیه جواب ویردم . بونک اوزرینه « بک اعلی ،

مقدرت و خیانت ایدن شخص « ديه نام عاجزانهم تصریح قلمش اولدیغندن تاریخ نظرندده هم اثبات برائت و هم تنویر حقیقت ایتک ایچون برایکی سوز سـویله مکـه لزوم کوردم ، اولامرحوم مشارالیهک آثار جیده سندن جداً استفاده ایتش و نام واجب الاحترامنی ماضی ده فرط حرمت ، حالدۀ فاتحۀ رحمت ایله یاد ایتکی بر وجیبۀ نجیبۀ و ظنیروری عدایله مش اولان متداران اولاد وطندن بری ده بنده کز اولدیغنی مع الافخار بیان ایدرم .

ثانیاً سربست بر مملکتده کمال حریتله اداره لسان ایتک بختیار لغنه مظهر اولان میز انجیلرک حقمده — مغایر شریعت — اوله رق ابدال بیورد قلمی نفرین و تلصینه شم دیک بالضروره سکوتله مقابله ایدوب نزاهت قلمیه نی محافظه ایتک اولی واحسن و شیخ شیرازینک جناب لقمان لسانندن تصویر ایتدیکی پندادب آمیزه توفیق حرکت البته مستحسندر . محرر افندی . کرک ابوالضیا توفیق بک و کرک « میزان » ک (کمال) بک مرحومک یازدیغنی تاریخک منع انتشاری امرنده خیانت ایدن شخصک کویا بنده کز اولدیغمه دائر در میان ایتدک لری روایتک قطعاً کذب و افترا اولدیغنی بیان و اعلان ایدرم . بک چوق حقایقک مستور قالدیغنی بر زمانده بویله روایات و اهیه ایله اوتـه کنی بریکنی هدف نفرین و تلغین ایتک بک بوالفضولانه بر حرکت دیمکدر که بوده جدیت ایله قابل توفیق دکدر . الی یدی سنه اول اشبور و ای

شخصہ تعلق ایدن برمادہ یہ دائر تظاهر حقیقتہ مدار اولہ جق
صورتہ عرض معلومات ایلہ مکدر .

جرائد مصریہ دن (المقطم) غزہ سی درت ماہ اول
(الہلال) غزہ سنک اعظم ادبای عثمانیہ دن مرحوم (کمال)
بک ترجمہ حالی متضمن نشر ایتدیکی مقالہ مخصوصہ حقندہ
نشر ملاحظات ایلہ مش و ادیب مشار الہک یازدیغی تاریخ
عثمانی ایلہ آثار سائرہ سنک منع نشری صورتیہ و صور اخری
ایلہ کندیسہ خیانت و اہانت ایدن (ابوالضیا توفیق) بک
اولدیغی اعلان ایتمش . میرمشار الیہ (المقطم) غزہ سنک
کندیسی علیندہ یازدیغی مقالہ یہ جواب و یردیکی صیردہ
مفتون کالاتی اولدیغ حضرت کمالک تاریخ مشہوری کویا طرف
عاجزانہ مدن و قوعبولان سعایت اوزرینہ منع ایدلدیکی بیان ایتمش
اولدیغی اخیراً استخبار ایتدم . حال بو کہ (المقطم) غزہ سنک
اشبو مقالہ سیلہ ابوالضیا توفیق بک (الہلال) ہ درج ایدیان
جوابی نشر اولنہ لی خیلی زمان کچمش ایکن مخلصکن . بوانترہ
یقلی مادد دن خبردار اولہ مامش ایدم . اخیراً (میزان) غزہ سنک
دخی فردوس آشیان جناب کمالک رسمیلہ برابر ترجمہ حالی
نشر اولنمش و بونک بر فقرہ سنک « مرحومک فلاکتدن
استفاد شخصہ آرایانردن باشدیجہ ایکی ملعون خاطر لرندہ »
اولوب بونک « بریسی کمالک آثارینی ایادی تداولدن قالدیرمہ یہ
اک زیادہ غیرت و تاریخ عثمانیک منع انتشاری امرندہ صرف

جنتمکان (نامق کمال) بک تاریخی و قبیله کیمک طرفندن
 نه صورتله ژورنال ایدیلوب نصل منع ایتدیرلمش اولدیغی
 حاوی اون ایکی سنه اول (فلبه) ده نشر اولسان (غیرت)
 غزته سنک (۱۱۷) نومرولو نسخه سنه درج ایتدیردیکم
 مکتوبک صورتیدر .

استانبولدن مکتوب

فی ۱۷ مایس رومی ۱۳۱۳

محرم افندی .

مطبوعاتک مدار مفخرتی حقیقت و حقانیته خادم اولمیدر
 بونقطة اساسیهی مسلك دائمی اتخاذ ایدن برغزته دن البته
 وطن و ملت استفاده ایدر . بومسلك معكوسیتیه حاصل
 اوله جق نتایج وخیمه ایسه وارسته ایضاحدر . بوسوز بالطبع
 مظهر سربستی اولان بلاد متمدنه مطبوعاتنه عائددر . یوقسه
 پنجه استبداد آلتنده ازیلمش اولان مطبوعاتدن وطن ، ملت
 ایچون — مضرتدن باشقه — نه بکله نیر . له الحمد جریده
 معتبره کز قسم اولایه داخل اولوب نشریات امرنده کیمسه نك
 مداخله و تضییق تحتنه دکدر . قانون حریته تابعدر ، آنک
 ایچون ارباب قلم ایستدیکی کبی اظهار حقیقه چالیشه بیلیر .
 بومقدمیهی بسط ایتمکدن مقصد عاجزانهم هم تاریخه همده

اشبو ورقہ نك نزد مدہ محفوظ اولان مسودہ سی نصابہ
ییرتیلوب بعض پارچہ لری ضایع اولدیغدن اورالری خاطر مدہ
قالدیعی قدر یازیلہ بیلدی . ایشته (کمال) بک تاریخ
ومطبعه عامره نك سدی مسئلہ لری نك حقیقی بویله در . تاریخ
مذکورک منع انتشاری خصوص نك — (غیرت) غزته سندہ
مندرج مقالاتک آتیدہ کی صورتلری مطالعہ سندن اکلاشیله جنی
وجه ایله — قطعاً بکا تعلق اولمایوب شایعه موجودہ صرف
اغراض شخصیه دن متولد برافترای شنیعدر . حتی اشبو افیکه
منفوره حقندہ ۳۰۶ سنہ سی تشرین ثانیه ایچندہ لوندرده
بولنان ادیب محترم (عبدالحق حامد) بکه یازدیغم برعریضه نك
فقره اخیره سندہ شویله دیمشدم : [مرحوم «کمال» بکا قلباً
مغبر ومنکسر اوله رق دار ابدی یه کتدیکنی ابوالضیا بکدن
ایشتدیکم زمان او اغبراره سبب حقیقی کیمار بولندیغنی اثبات
ایتمک ایچون نصل چالیشدمسه شو معروضاتمدہ کی خلوص
وصفوتی تأمین ایچون اوندن زیاده چالیشمغه مجبورم] اشبو
مکتوبه عبدالحق حامد بکدن کلن ۱۵ کانون اول سنہ ۳۰۶
تاریخلو جوابنامہ نزد مدہ الان محفوظدر . بلکہ بنم یازدیغم
عریضه دخی میر مشار ایله نزدندہ صاقلیدر . ارباب نصفت ،
وجدانک اشبو معلوماتی و آشاغیده صورتلری مندرج مقالاتی
نظر امعان ایله مطالعہ ایدہ رک بومسله لردہ بنم نه قدر بیکنسہ
اولدیغنی تصدیق و تسلیم ایدہ جکاری واسته اشتباهدر .

افاداتی عزت پاشانک خنکاره عرض ایتیه چکی آشکار اولدیغی
جهتله حقیقت کیفیتی باشقه واسطه ايله عرض ایتدیرمک ایدی.
نهایتی مطبعه عامر هیه کلدک . مدیر مرحوم جواد بکک واستانبول
سرائی محافظی رضا پاشا حاضر اولدیغی حالده فؤاد بکک معیتی
مأمورلری گوشه بوجاق ، دلیک دشیک هریری آرادیلر . او
غزته دن برپارچه بولامدیلر . فؤاد بکک مأمورلری ده استجواب ،
ایستندیل ایتدی . ایشه یارایه جق برسر رشته کلام الده ایده مدی .
هیچ برشی بولونامدی دینمه مک ایچون اولملی که مطبعه
انبارنده وطولابلرنده موجود اللی ییلق ، اوتوز سنه لک
اسکی برطاقم کتابلری فروختی ممنوع در دیه آیردیلر ، آنلری
برقطعه دفترینی یاپوب آیری محللره قویدردیلر . بواحوال جریان
ایدرکن مدیر مرحوم جواد بکک اصل سبب تحری نه اولدیغی
ومقصد اصلی کندیسنی لکدار واتهام ایتک ایشه ده طرفدن
رد اولندیغی کبی نتیجه ده ینه رد ایده چکمی آکلاندم . نهایتده
بر مضبطه یازمق لازم کلیوردی . ایسته نیلن زمینده یازیله جق
مضبطه یی امضا وتختیم ایده مه چکمی س- و یله دم . برخیلی
مناقشه دن صوکره حقیقتی وجه ايله برشی یازیلوب مهرلندی .
فهم پاشا مطبعه نك سدی مقتضای اراده س- نه دن بولندیغی
بیان ايله ایجابی اجرا ایتدی وامر محافظه سنی رضا پاشایه
تودیع وتنبیه ايله مضبطه یی آلوب کتدی .

يازوب عرض ايدك . سائر شير حقنه فهم پاشايه تعليمات لازمه ويرلمشدر) ديدى . عزت پاشانك اشبو تبليغاتنه قارشى (اولاً بوماده هر هانكى طرفدن عرض ايدلمش ايسه كلياً خلاف حقيقتدر ، بوممكن دكلدر . بوپاشا ايله بوبك مطبعه لرك احوالنه وصنعت طباعتك مملكتتمزه عائد حقايقنه واقف دكلدرلر . ذات شاهانه مستريح اولسونلر . اوغزته مطبعه عامروده باصيلمامشدر وباصيله ماز . بونى صورت قطعيده بيان وتامين ايدرم . ثانياً اوغزته نك زرده هانكى چشيد حروفات ايله باصيلديغنى آكلامق پك قولايدر . مثلاً احمد مدحت ، مهران افندي لرله ، شركت مرتبيه دن خاچيك افندى ، قره بت افندى كجى برقاچ دانه اهل و قوف جلب اولنور ، غزته اورته يه قونيلور . استانبول مطبعه لرنده باخصوص مطبعه عامروده شمدى يه قدر عرب اوغلنك مى كيمك ياپديغى قاچ دورلو حروفات قوللانلمش واليوم قاچ دورلو هانكى حروفات موجود و استعمال اولنور ؟ پك چابوق آكلاشيلر ، ذات شاهانه ده مراقدن قورتيلور . اوصورتده معروضاتده بولنان يلانجيلرك ده كذبى ميدانه چيقار . بويله جه عرض ايدك) ديدم . اشبو افاداتمك هيچ خوشه كيمه ديكي پك بللى اوليوردى . منع مافيه عزت پاشا (پكى بن بونى عرض ايدرم . سز همان عزيمت وايشه مباشرت ايدك) ديدى . او طه دن طيشارى چيقنجه ديكرلرى بنى برلكده كوتورمك ايسته دكلرى حالده بن آيرلغه چوق چاليشدم اما موفق اولامدم . مقصدم

«غیرت» غزتہ سی قول لکسیونہ مراجعتہ دفع مراق ایدہ بیایر۔
 عندالاقضا زردمدہ محفوظ اولان مذکور غزتہ نسخہ زردہ
 مندرج مقالہ تک برر صورتی دخی نشر ایدیلہ بیلیر . (مطبعہ
 عامرہ) نک سدی بختہ کلنجہ آلتی یدی سنہ اول برکون خانہ۔
 مدہ نوطہ معامی حاجی امین بک ایله اوطور مش حسب حال
 ایدیوردق . ارنگوی تلغراف خانہ سی واسطہ سیلہ و (قرنادن عزت)
 امضاسیلہ بر تلغرافنامہ آلد . مالی سریعاً ما بین هایونہ عزیمت ارادہ
 سنہ اقتضاسندن اولدینی بیاندن عبارتدی . ایکی ساعت صوکرہ
 سرایدہ عزت پاشانک اوطہ سنہ کیرنجہ اولوقت داخلہ مستشاری
 بولنان فؤاد بک ایله مقتول فہیم پاشا « ایشہ کلدی » دیدیلر . عزت
 پاشا بر لکدہ طعام اوطہ سنہ کیدوب قاپویی قاپادقدن صوکرہ
 بکا خطاباً (بونلر مطبعہ عامرہ دہ تحریرات و تدقیقات اجرا سنہ
 مأمور اولمشلردی . بوصباح ذات شاہانہ سزک اورادہ
 مدیرتدہ بولندیفکزدن و مطبعہ لرک احوالہ واقف اولدیفکزدن
 بختہ اورادہ یاپیلہ جق تحقیقاتدہ ہمہ حال برابر بولنمکزی
 و چونکہ مصرودہ باصیلدینی اعلان اولنان (قانون اساسی)
 دہا بیلیم نہ نامندہ کی جریدہ نک اورادہ باصیلما یوب مطبعہ
 عامرہ دہ ترتیب و طبع ایدلکی موثوقاً خبر آلدینی جہتہ
 بونک درجہ صحتی تحقق ایتدیرلک اوزرہ زیادہ سیلہ دقت
 و غیرت ایتمکزی ارادہ بیوردیلر . بونلرہ بر لکدہ شمعی
 اورایہ کیدوب ایجابی اجرا ایدک ، نتیجہ سنی دہ بر لکدہ

تعظیم ایتدیکم حضرت « کال » له بویه بر تألیف مینفی محو ایتک جنسایتی حوصله ادراکه صیغدیر مق بنم ایچون محال ایدی . میرمشار الیهه اولبابده کی معلوماتی حقیقتی وجه ایله بیان ایتدم . وقتسا که آره دن التی یدی سنه کچدکن صوکره بواسنادک ، بو افترا ناک مصرده وپار سده نشر اولنان (المقطم) و (میزان) غزته لرنده ینه میدانه چیقارلدیغنی و « ابوالضیا توفیق » بکک اسمی ده قاریش دیرلدیغنی کوردم . طوغریسی پک متأسف اولدم . ینه میرمشار الیهک نزدینه کیتدم ، بونه دردییه سؤال ایتدم . اولبابده بعض ایضاحات و معلومات سر دیله حقیقت حالی امضا آلتده علنی نشر ایتک لازم کله جکنی سویله دی . اوزمانه کوره استانبو- لده او طور وب بو حقیقتی خارجه امضا آلتده نشر ایتک بلالری ، مصیبتلری دعوت ایتک ایدی . نه چاره که وجدانم بنی تعذیب و اجبار ایدیوردی . هر فلاکتی کوزه آلم . تام اون ایکی سنه اول قلبه ده نشر اولنان (غیرت) غزته سنک ۱۱۷ و ۱۱۹ و بیلیم دهاهانکی نومرو لی نسخه لرنده (ابوالضیا توفیق) بکک و بنم امضا لرمز ایله نشر ایتدیریلن مکتوبلرده حقیقت حال نصل جریان ایتش ایهه عنعنه سیله اعلان ایدلدی . حضرت (کال) له تاریخی سرایده قدری بکک او طه سنده اول وقت کندیسنک کاتبی بولنان (شاهین بک حنفیدی سعید بک) طرفدن یازیلان ژورنال « حاجی محمود افندی » معرفتیه عرض اولنه رق منع ایتدیرلدیکی کوسترلدی . تفصیلاتنه واقف اولمق ایسته ینلر

بیانی لازم کلسه بر قوجه کتاب یازمق اقتضا ایدر .
 شو قدریخی سویله‌یه‌یم که یالکیز بردفعه ، مدرسه قاپولرینه
 یافته‌لر یاپشدرتوب و بعضی بچاره‌لرک خانه‌لرینه اوراق ممنوعه
 آتدیروب دها بویله نیجه تصنیعات و تزویرات ابلیسکارانده بولنش
 و صوکره بولری مأمورلر بولملر ، دردست ایتملر دییه
 عرض ایدرک برچوق طلبة علومک و بیکناه و معصوم نیجه
 آدم‌لرک نفی و تبعیدلرینه سبب اولان ضبطیه نظرینک بین
 خسته‌لغنه دوچار اولدیغنه دائر (۱۳۰۸ سنه‌سنده) ثروت
 غزته‌سنه بر فقره مخصوصه یازدیغ و نهایت شنایع احوالی
 هجو و نشر ایتدیکم و (پادشاهی اغفال ایدیور ، جوامع شریفه‌ده
 مولود شریف او قوتدیرمیور ، ظلم و غدر ایدرک عالمی انین
 دلسوز ایله ایکنه‌دیور) دییه فریاد ایتدیکم زمان بی محو
 ایدیورلردی . محبسه قوری تحته‌لر اوستنده بر اهرق بکا
 قان قوصدیردیلر . اوزمان کیمسه بکا امداد و معاونت ایتیه‌یوردی .
 المهدن باشقه استناد کاهم یوقدی . کوز یاشلریله یازدیغ کاغدلر
 نظر پادشاهیده کیمک صادق کیمک خائن اولدیغنی اثبات ایتدی .
 او ورطه هلا کدن بیک دورلو بلا ایله قورتولد ، آیلرجه مدت
 اسیر فراش اولدم . (کمال) بکک تاریخی ماده‌سنه کلنجه بوروایت
 بوس بوتون یا کلشدر . اوز سکزنه اول بو کتاب مستطابک منع
 انتشاری بکا اسناد اولندیغنی (ابو الضیا توفیق) بکدن ایشیتدیکم
 زمان دماغم آتملر ایچنده‌قالدی . « مرشد ملت » دییه پرستشکارانه

عدالت اولميدىر . حقايق احواله واقف اولمهدن بر آدمك
عليه بنده دورلودورلو تحميرات وتشيعاتده بولمق هر محرر ايچون
بك قولاي اولمته برابر بيطرفان امت واصحاب وجدان عندنده
شرف عد اولنه ماز ، خوش كوريله مز .

هر شيك حقيقتى ايجه آكلايوب اوکا كوره يازمق موافق
انصاف ، وجداندر . بنى بوسوزلرى سويله مكه مجبور ايدن
عليه بنده كي اسنادات غرضكارانه در . نه مسلك و مشربده اولديغى
بك ائي بيلنلردن صاحب وجدان اولانلر دور استبداد دينلن
زمانلرده بنم فصل ونه صورت ونه قدر جرأت ايله فرياد وشكايت
دلسوزانه ده بولنديغى تصديق ايدرلر . عندالاقضا بونلر ك معروف
اولانلرينى برر برر تعداد واشهاد ايتك ده ممكندر . جان ياقان ،
اوييقان ، ظلم ايدن ارباب تجبردن اك زياده تنفر ايدنلر ك برى بن
يدم . حرركات خائنه لرني يوزلرينه قارشى سويله مك ومؤاخذه
ايتمكدن چكمنمزد . شمدى شوقدريني عرض ايده يمكه بونلر ك
جمله سى بكا قارشى بدخواه ايدى ، دشمن ايدى . هيچ بريسي
بنى سومزدي ؛ حتى قاچ دفعه بنى محوايتكده سعى وغيرتده قصور
ايتديلر . جناب حق ، حقليله معيندر . حقيقتنه قارشى برشى
ياپاماديلر . مع مافيه ايچروده طيشاروده قاچ دفعه حبس وتوقيف
ايدلدم ، آيلرجه مدت تحت ترصده آلددم . خانهمى تحت
ترصده بولنديرديلر . نه قدر هيجانلر ، خايجانلر چككك ، نه لر
كوردك چيردك . شمدى ايكي سوزله حكايه ايتديكم شيرك تفصيلاً

ومسبیلرینی امضام آلتنده اعلان ایلامش ایکن اشبو فضیحه‌نک بودفعه ینه چا کرلرینه عزو واسناد ایدلمسنه پک دلخون اولدم. فقط توضیح حقیقت و تصحیح کیفیت میرمشار الیهک عودت لرینه تأخیر ایتدم. بوکون میرمشار الیهک عودت لرینی غزته لرده اوقودم، همان برعریضه تحریر و تقدیم ایتدم. ذات سامیلرینک صاحب وجدان و عرفان اولدیغکزی بیلدیکم جهتله بویه بر افترای قبیح ایله وبال آلتنده قالممکزی و حقیقته آگاه اولوب تصحیح ظن و فکر ایله مکزی عرض ایدر و میرمشار الیه یازدیغم عریضه‌نک برصورتی لفاً تقدیم ایلرم.

صلاح الدین

فی ۲۱ تموز سنه ۳۲۴

برقاچ کون سوکره که وه زده لکدن بشقه سرمایه‌سی اولمایان بعض فرومایه لرک ینه اشبو تاریخ ماده سیله (مطبعة عامره) نک صورت سدی خصوصنی لسان طعن و مذمه آلدق لرینی کورنجه حقایق احوالی حاوی (صدای حقیقت) عنوانیله یازدیغم ورقه آتییه‌ی — قاعده بیطرفییه رعایتله درج و نشر ایدر امیدیه — «ترجمان حقیقت» غزته‌سی صاحبی جودت افندییه کوندردم ایسه ده خلاف مأمول اوله رق غزته‌یه درج ایتدی:

صدای حقیقت

مطبوعات واسطه اغراض دکل ناشر حقیقت، حامی

مرتبہ معاونت ایدنلرک برنجیسی بنده کز ایدم . یدمده بونی
 مثبت ذات والارینک، سعید بک اغندینک، معلم ناجی مرحومک،
 اسماعیل صفا مرحومک متعدد تشکرنامه لری موجوددر .
 دها زیاده تطویل کلام ایله تصدیع ایتک ایسته م . چونکه
 سویله سهم سوز اوزانوب کیدر ، وجدانکزه مراجعتله حقیقتی
 بیلمه ینلره وباخصوص منمنلی رفعت بکه قارشی تصحیح افیکه یه
 بذل مروت بیورمکزی نیاز ایدرم . آره صیره روماتیزمه
 بنده کزی معذب ایدیور . بوکون اوسبيله بالذات کلوب شرفیاب
 تلاقى اولامدم افندم .

۲۱ تموز سنه ۳۲۴ صلاح الدین

« ابوالضیا توفیق » بک افندی یه اشبو تد کړه یی کوندر دیکم
 کون الیوم مالیه ناظری بولنان « منمنلی رفعت » بک افندی
 حضر تلرینه دخی تذکره آتیه یی تحریر و تقدیم ایتدم .

حضور سامی عطوفیلرینه

معروض چا کرانه مدر

حضرت (کمال) ک یازدیغی تاریخک منع انتشاری
 حقننده کی ظن واهینک تصحیحی و حقیقت حالک نشری
 اون ایکی سنه اول « ابوالضیا توفیق » بک طرفدن اخطار
 وحتی تحریر آ بیان اولنسی اوزرینه حقیقت ماده یی
 قلبه ده نشر اولنان (غیرت) غزته سیله نظرگاه انامه وضع ایتمش

تخته‌لر اوستنده آچ و صوصوز براقوب چيلدير مقدن بدتر عذابلره
دوچار ايتديكى وعكا، يمن، فزان و بلاد سائره يه كوز آچدير.
مقسزين سوردېكى زمانلرده صانساړ كې، آنك رفقاسى كې
پدرينه مرحمت ايتك شانندن اولمايان آدمرك انظار بغض
و عداوتلرينى جلب و عائله مك حضور و راحتى سلب ايدرك
او حقيقتى اويله جه يازويورمك اپى برفدا كارلق ايدى. ايشته
بنده كز اوزمان هر شىء كوزه آلوب اوفدا كارلنى ياپدم.
حضرت (كالم) ك تاريخى ژورنال ايدن «شاهين بك زاده»
(سعيد) بكدر. (قدرى) بكك او طه سنده يازلمشدر. (صانساړ
حاجى محمود) ژورنالى ايجرى يه عرض ايدوب تاريخى منع
ايتدير مشدر ديدم. بوندن دولاي جزامى ده چكدم. آيلرجه
ميدت خانم تحت ترصده آلندى، آرقه مده قيرمزي فسلى
معهودلر طولاشدى. باتى كاتب بنى جلب ايله تقبيح ايتدى.
بردها مطبعه لره كيتمه مك و خار جده. داخلده هيچ برغزته يه
برشى يازماق امر قطعيسنى تبليغ ايتدى. اوزمان بو صورتله
نشر حقيقتى ياللكز ذات عاليكزله پارسده نشر اولنان (ميزان)
غزته سنى تقدير و تحسين ايله مشدى. (غيرت) قوللكسيونلرى
موجوددر، صاحب و محررى رضا پاشاده (اليوم ملت مجلسى
اعضاي گرامندن قره حصار صاحب مبعوثيدر) بورادهدر.
خصوصيله طرفدار حقيقت اولان ذات والالرى جريان حاله
تماماً واقف سكز. انجمنده بولنديغ مدتجه ارباب قلمه ممكن

صورت تذکره

ابوالضیا توفیق بک افندی حضر تلمزینه

السلام ای فدا کار شهیر ، السلام ای تحریر حیتسمیر !

بزدن ابدیاً تباعد ایدن حالات مؤلمه ماضیه ایچون بوراده
 شق شفه ایتک ایسته مم . له الحمد بر دور جدید باشلادی . بو
 دورک یورکری یانیق ، هم او یانیق اولان ارباب جهد و مساعیسنه
 ذات کمالات سمات و ظنروریلری کبی حیتمندانک مرشد و پیشرو
 اولمری اقتضای حالدندر . بویله اولمازایسه غلبان افکار و جوشش
 اذهان ایله بک یامان حق سزلقلر وقوع بوله جغنه هیچ شبهه یوقدر .
 از جمله مخلصکر حقهده حضرت (کمال) ک تاریخنک منع انتشاری
 کبی برافیکه مردوده ، برافترای منفور نمونه غرض اوله رق
 تکرار تکرار نشر و اعلان اولنوب طور یسور . بو باده کی
 حقیقت تام اون ایکی سنه اول اخطار و طلب والالری اوزرینه
 قلبه ده منتشر (غیرت) غزته سنک ۱۱۷ و ۱۱۹ و ۱۲۰ بیلیم قاچنجی
 نومرولی نسخه لر یله نظرگاه انامه وضع اولمش ایکن حالا بویله بر
 شایعه بی بنده کزدن صادر اولمش کبی کویسترمک حتمسزلق دکمیدر ؟
 دور استبداد دیه شمدی فریاد اولنان حکومت سابقه نک حسن
 پاشا قره غولنده انسانلره ک شدید اشکنجه بی الکطیعی الککنجه
 حکمنده اجرا ایتدیردیک و انسانی ضبطیه زندانلرنده قوری

کوزه آله رق امضام آلتنده (فله) ده چیقان (غیرت)
غزته سیله نشر و اعلان ایتمش و نشریات واقعه نك ییلدیزده
حاصل ایتدیکی تأثیرات اوزرینه بالطبع خلی تضییقات و تحقیراته
دخی هدف اولمش ایکن شمدی اشبو تاریخ مسئله سنك ینه
بکا اسناد ایدلمسندن متأثر اولمامق قابل دکلدی .

بو تأثر ایله همان « ثروت فنون » مطبعه سنه عزیمت و (احمد
احسان) بکه بیان حقیقت ایتدم . میر مومالیه بکا قارشی
توصیه سکون ایتمکه برابر اگر طرفدن برردیه مناسبه
تحریر و ارسال اولنور ایسه غزته درج ایدیه جکنی ومع
مافیه شمدیکی حالده صبر و سکوت ایله انتظار لازم کله جکنی
بیان ایلدی . میر موما الیهک وصایای واقعه سنی حسن تلقی
ایتمکه برابر اشبو اسناد کاذبک اون سکر سنه اول (ابوالضیا
توفیق) بک طرفدن اشاعه و بکاده افاده ایدلیکنه و اون
ایکی سنه اول ینه میر موما الیه طرفدن کوستریلن لزوم
اوزرینه حقیقت حال سالف الذکر (غیرت) غزته سیله نشر
ایتدیرلدیکنه بناءً کندیسنک قونیهدن عودتنه قدر صبر و توقف
ایتمکی مناسب کوردیم . آرده دن بر قچ کون کچد کدن صوکره (ابوالضیا
توفیق) بکک استانبوله عودت و مقری کوبنده اقامت ایتدیکنی
غزته لرده او قودیم . کندیسنه آتیده صورتی مندرج تدکره فی
یازوب ارن کویی پوسته خانه سنه تودیعاً ارسال ایتدم :



کمال بکک تاریخی مسئله سی

استانبولده انقلاب مسعودی متعاقب غزتهلرک ولوله
نشریاتی اذهان عامه بی غضب و حدت ، وله وحیرتله مخزوج
بر صورتده اشغال ایتدیکی ایامده سودیکم بر ذات المه صیقیشد
یردیغی « ثروت فنون » غزتهسک بر ستوننده شخصمه تعلق
ایدن بر فقرهک مطالعه سنی بیان ایتدی . مذکور فقره الیوم
مالیه ناظری بولنان منمنلی رفعت بک افندی طرفندن یازلمش
وجنتمکان (نامق کمال) بکک تاریخنه متعلق ایدی . بونده
تاریخک وقتیه منع انتشاری سعایتی بکا اسناد اولنیوردی .
بوفقره بی اوقوینجیه متأثر اولدم . چونکه وقتیه بو اسناد
صریحک شیوعی اوزرینه مرحوم (کمال) بکک تاریخی نه
صورتله وکیمک طرفندن ژورنال اولونهرق هانکی واسطه لره
عرض ایدلمش وانتشاری نصل منع ایتدیرلمش اولدیغی دور
استبدادک الک شدتی اجرا آتی هنکامنده هر دورلو مصائبی

در پنجاه

بکر افندی مطبعه سی

وریرخان

چهری طاش

Selāheddīn, Mehmed

مرحوم

کمال کمال کمال

Merhūm

Kemāl Begīn

مستطاب

tārīhi mes'elel

ومواد سائرہ

محرری :

م . صلاح الدین

فی ۱۰ پاره

استانبول

بکر افندی مطبعہ سی — وزیرخان

۱۳۲۷

ایکینجی ترتیب : اون بش کونده بر جزو نشر اولنه جقدر.

عثمانلی تاریخی ، مدخل و تاریخ اسلام ، آثار پراکنده (*)

جلد
۲

جلد
۵

«کمال» که اک صوک واک بیوک اثری اولان عثمانلی تاریخی و بوکا مدخل اوله رق روما تاریخندن بدأ ایله یازدیجی تاریخ اسلام و بو تاریخلری متعاقباً جمع اولنه جق آثار پراکنده هر اون بش کونده بر کوه جزو جزو منتظماً نشر اولونه جقدر

هر جزو ک صاتیش فیثاتی : غروش ۳

[۱] آثار پراکنده نک قاج جلد تشکیل ایده جکی هنوز معین اولمده یغندن آثار پراکنده بالطبع آتونه بدلاتنه داخل دکلدر و فیثاتی ایله ریده بشقه جه اعلان اولونه جقدر.

ایکی آیدہ بر کتاب نشر اولہ جقدر

آثار حقندہ مجملہ معلومات	تفصیلات ایچون مراجعت اولہ جق صحیفہ
اسلامیتک ماخی معارف اولدیفنه دائر انستروناتک خط بہ سنہ ردیہ در	۱۵
اسمنک مدلولنہ تماماً موافق وغایت جانسوز بر فاجعہ مدہشہ در	۵۱
انقلابی احضار و ادبیات می تجدید و اعلا یدن آثار مخلدہ دن متشکدر	۵۸، ۵۲
جلہ سی کلاک خط دستیلہ مصحح اولہ رق نشر ایدیلہ جقدر	—
کلاک اشعار جدیدہ و قدیمہ سنی جامعہ در	۳۵
مقدمہ سیلہ برابر مصحح و تمام اولہ رق نشر اولہ جقدر کلاک . مظہر بر اثر بدر	۴۵
اکثری سیامی و ادبی اولہ رق عربیولہ یازلش مکتوبلر در	۳۶
افاتح، سلطان سلیم، صلاح الدین ایوبی، امیر نوروزک ترجمہ	—
احالریلہ دور استیلا . جلہ سی مصححدر	—
دولتک و ملتک رفاد و سعادتک کافل مطالعات ایلہ مالامان لایحہ لر و محررات	۵۳
کلاک خط دستیلہ مصححدر	—
سیاسی و ادبی مکتوبلریلہ برابر عائلا، مکتوبلرینی دخی جامعہ در	۳۶
تنقید ادبی یولندہ یازدینی اثرلری جامعہ در	—

کلیات

برنجی ترتیب :

کتاب صرہ سی	اسامی آثار	تائیس فیائی
برنجی کتاب	رونان مدافہ نامہ سی	۳
ایکنجی کتاب	قارہ بلا	۵
اوپنچی کتاب	مقالات سیاسیه و ادبیه و «روایا»	۲۰
دردنچی کتاب	وطن، کنہال، تاکف، زوالی چو جق	۱۰
بشنجی کتاب	اشعار کمال	۲۵
آلتنجی کتاب	جلال الدین خوارزمشاه	۱۲
یدنجی کتاب	مکاتیب خصوصیه دن برنجی جلد	۲۰
سکزنجی کتاب	اوراق پریشان مجموعہ سی	۷, ۵
طفوزنجی کتاب	منتخبات محررات رسمیه	۲۰
اوننجی کتاب	جزمی و انتباه	۷, ۵
اون برنجی کتاب	مکاتیب خصوصیه دن ایکنجی جلد	۲۰
اون ایکنجی کتاب	تعقیب و تخریب خرابات و سائرہ	۵

خلاصه جدولی

بوجودلده اثرلر حقیقده بک مجمل معلومات ویرلدیکی کبی اثرلرک صائیش
وآبونه فیثاتی و سپاثره کوسترلمشدر .

آبونه شرائطی

جدولده مندرج آثارک صائیش فیثاتلرینک یکونی (۲۶۰) غروش
اولدیغی و پوسته اجر تلری ده تقریباً (۴۵) غروش تخمین اولوندیغی حالده
آبونه لر ایچون بروجه آتی تنزیلات مهمه قبول اولنمشدر :

مقسطاً تأدیة ایدلمک اوزره

آبونه شرائطی

غروش

۲۱۶ یشین اوله رق یاریم و متعاقباً هر
اوج آیدیه یاریم عشر لیرا تأدیة ایدلمک
و اداره خانه دن آلتیق اوزره .
۲۴۰ تأدیات عینی شرائط ایله اجرا
اولنیق و پوسته اخرتی داخل بولنیق
شرطیله

یکونی یشین اوله رق تأدیة

ایدلمک اوزره آبونه شرائطی

غروش

۲۰۰ اداره خانه دن آلتیق شرطیله
۲۲۵ درسمادت و ولایات و ممالک اجنبیه
ایچون پوسته اجر تی ده داخل
اوله رق اقامتگاهه کوندرلمک
شرطیله

اخطار

عثمانلی تاریخی ایله مدخل و تاریخ اسلامک بدی جلد تشکیل ایدیه جکی تخمین
اولنه رق آبونه فیثاتی ترتیب اولنمشدر . فضله جلدلر تشکیلی ایتدیکی حالده آبروجه
فیثات وضع اولنور .

طرفندن تحريبر ونشر ايديله جك اولان « ترجمه حال كمال » ه عائد اولق اوزره مرحوم ايله معارفه سي بولنان ذواتك بزه ويره بيله جكلى معلومات پك بيوك قيمتي حائر اوله جقدر؛ « كمال » كروحنى شاد ايدده جك بويله بر معاونتك دريغ اولونميه جغنى قويا اميد ايدسيوروز. نه قدر اهميتسنر اولورسه اولسون كيملك نه كبي معلوماتي وارسه بزه بيلدير مسنى رجا ايدرز . « كليات كمال » ك صورت ترتيب ونشريني وهر اترك بدل اشتراسيله ابونه شرائطنى مابين خلاصه جدولى بورسالهيه مربوطدر . جدولله اماله نظر ايله هراثر حقنده معلومات مجملده آلنه بيله جكدر . « كليات كمال » ك برنجي وايكنجى ترتيبلرينك منتظماً و مطرداً نشرى مقرر دره .

كرك كتاب كرك جزوا اوله رق انتشار ايدده جك اولان ايكي ترتيب آثار كمال ايچون حدامكانك مساعدا ولدوغى قدر اهورن بدل وضع و تعيين ايدلدى . « كليات كمال » ك نفاست و مكمليت طبعنه صورت دائمه ده نظارت ايچون عائله كمال طرفندن باب عالي جاده سنه ه (۳۱) نومرولو اداره خانه تاسيس اولنمشدر . « كليات كمال » اداره خانه سي بلذات عائله كمالك تحت اداره ومراقبه سننده در . اداره خانه نك سلامت وانتظام معاملاتنى نامق كمال مرحومك بتون افراد عائله سي ملته قطعيا تامين ايدر . اداره خانه يه كوندريله جك مکتوبلر :


استانبولده باب عالي جاده سننده كليات كمال اداره خانه سي مديرينه خطاباً يازماليدير .

ادرسلرك واسمرك غايت اوقوناقلى يازملى رجا اولنور .

ومراله الترفيع

۲۲ رمضان ۱۳۲۸ و ۱۳ ايلول ۱۳۲۶ نهق كمال مرحومك اوغلى و افراد عائله سي

حکمت و ادب کی حفظ ایدلایکندن ملت عثمانیه نك تنویر وجدانه خدمت ایچون ارتق هر طرفدن بزه کوندریله جکندن امید وار یولوندوغمز آثار کمال آره سنده بزمده بیلمدیکمز برچوق یازیلر ، اثرلر حتی بلسکده برقاج شعر ظهور ایتسی وبویله جه «آثار پراکنده» قسم نك بتون ملتک ارزوسنه موافق اوله رق اوزایوب طور ماسی پک محتملدر .
عائله کاله لطفاً ارسال اولونه جق آثاردن مرحومک خط دستیلله محرر اولانلر بر یادکار اوله رق حفظ ایدلک اوزره صورتی الديرلقدن صوکره اصحابنه اعاده وتقدير اولنور .



خاتمه

شوبیانامه یی بویله تفصیلات ایله نشر ایتمکدن مقصد من یوقاریده سوبیلدیکمز کی ملته کلیات کمالک ماهیتنه ، انواعه دائر عرض معلومات ایتمکدن عبارتدر .
اثرلرک تصویر ماهیاتنده مبالغه یه دوشمش اولمقدن اصلاً احتراز ایتمیورزکه کمالک علوقدرندن بزده وجداناً وجدان عمومیء ملت قدر امینز !
(آثار پراکنده) نك نشر و اتمامندن صکره مرحوم « کمال » ک
برچوق فطوغرافلری خط دستنک نمونه لری و حیات خصوصیه
وسایسیه و ادبیه سنک بتون صفحاتی جامع اوله رق علی اکرم بک

آثار پراکنده

حقنده معلومات

بو قسمه مراجعت ايتديكمز ذواتدن كلهجك اثرلر ، اليمزده بولونوبده ديكر اقسام كلياتدن هيچ برينه ادخال اولونه ميان يازيلر داخلدر. مثلا مدللې اطهسى حقنده عاكف پاشانك تبصرهسى يولنده يازلمش بر اثرجكي ناتمام اولقله برابر بولقسمنده مندرج بولونه جقدر. مقالات سياسيّه وادبيّه نك كافهسى برجلده صيقتشديريله ميه جفتندن بونلرك بر قسم مهمي ده «اثر پراكنده» ترتيبيله نشر ايديله جك .

صوكره دن اليمزه كچهجك بعض خصوصى مكتوبلرى ، رسمى محرراتى ، مختلف موضوعلر اوزرينه مقالاتى ده بوقسمده بولونه جقدر. اوروپا مشاهيرندن ويكتور هوغو ، لامارتين كى مونتيكيو ، قوندورسه ، ژان ژاق روسو كى ذواتك آثار شعريّه و فلسفيه سمندن برحقو ترجمه لرى ده واردركه «اثر پراكنده» ترتيبنك قسم مهمنى تشكيل ايدجقدر . خارجدن پك قيمتدار اثرلر كله جكندن امينزه بالخاصه حسين حلمى پاشا حضرتلرپله رجائى زاده اكرم پك افندى حضر . تلرى طرفندن ويريلاهجك آثار قوق العاده حائز اهميت و قيمت اوله جقدر .

«كالم» پك چوق يازى يازمش در . كنديسى ملتته هر حقيقى تعليم ، بتون بدايى تصوير ايتكم وظيفه لرينى درعهده ايتمش ايدى . يازدقلىرينك برسوزينه برلكه سنه اهميتدن عارى نظريله باقيله ماز . قلمنندن چيقان هر سطر يازى ده تشكر اولنوركه اطرافنده بولونانلرجه بحق بر دفينه

کې برچوق غزته لږده امضالی امضاسز یوزلرجه بندلری واردرکه
هپسی بربرندن مهم هپسی بربرندن عالی اثرلردر . بو اثار ابدیه درکه
اوادیب سیاسینک عرفان قدر تندن عیناً وولقانلرکې فوران ایدرک عبدالعزیز
سلطنتک مبانئ استقرارینی یاغینلرده اوغرا تمش در . اویانغینلردن فیrlایان
هر شراره ده عثمانلی ملتک آسماننده برکوک حریت اولمش درکه ایشته بوکون
عثمانلیرک انظار اشتیاق وانجذابنه عکس انداز علویت اولوب طور ییور!
خصوصیه اوروپاده یازدیغی «حریت» ده، صوک غزته سی اولان
مشهور «عبرت» ده کندی نامنی تأیید وملتک حریتنی تأمین ایتمش
اوقه بندلری، اثرلری مندرجدرکه هربری غایت جدی و مکمل بر
کتاب قدر حائر اهمیتدر دینلسه مبالغه ایدلمش اولماز. ادبیات ایله
سیاسیاتک، حیتک، وطنپرورلکک، مباحث فلسفیه و حقوقیه نک حاصلی
کافه احتیاجات ملیه مزه برر دینه نورانوری اولان بومقاله لر اوزمانک
تاریخنه تماس ایتک اعتباریه ده فوق العاده حائر اهمیتدر. مقالات سیاسیه
اردسنده امضاسز نشرینه مجبوری کورلیدیکی ایچون بعض محرملردن باشقه
کیمسه نک معلومی اولمایان برخیلی یازیلر بولون دوغنی ده سویلر ایشه بومقالاتی
نشر ایتکله ملت به یلمدیکی بر طاقم اثارکی کوسترش اوله جغمزده کلاشیلیر .
غزته لردن باشقه مرحومک رساله لرده، کتابلرده نشر اولونمش
ویا قلمه آلنه رق نشر اولونه مامش مقاله لری ده واردر . تعلیم ادبیاته
یازدیغی مشهور تقریضی، رونق، تماشا، نمونه ادبیات، حزینه اوراق
غیرت وسائره کپی کتب ورسائلده مندرج واکثر امضاسز اولدوغی
ایچون غیر معلوم اثرلری ایشته بو جمله دندر .

مقالات سیاسیه وادیه حقه ده بوندن فضله سوز سولمکه نزوم کور میوزر .



مقالات سیاسیه و ادبیه



حقننده معلومات

بو بیاننامه بی ترتیب ایده رک طبع اولنق اوزره قسم کیسی مطبعیه کوندر دکن صکره «کمال» ک مقالات سیاسیه و ادبیه سندن ایریجه بر جلد تشکیل ایله بونی برنجی ترتیبه داخل ایتمکی تخطر ایتدک. حال بوکه اولجه بومقالاتی اک صوک نشر ایدله جک اثار پراکنده اراسنده بولندیرمکی مناسب کورمشدک. ایشته بوندن طولانی رساله نک باش طرفلر نده مقالات سیاسیه حقننده عرض معلومات ایدمدک. شو قصورک نظر مساحیه مظهریتی امید ایدرز.

مقالات سیاسیه و ادبیه دن ایریجه بر جلد تشکیل ایتمکله اثار پراکنده ترتیبی خللدار ایتمش اولمورز. ذاتاً بز بومقالاتدن بر جلد تشکیلنه کلیات اثار طوپلایوبده صوک بر تخمین و تدقیقه لزوم کوردیکمز زمان قرار ویردک: اثارک اوقدر کثرت و اهمیتی وارکه بر جلد مخصوص تشکیلنه کفایت ایتدکن صکره جزؤ جزؤ بر سلسله دخی وجوده کتیره بیله جک. بوحقیقت تظاهر ایدنجه «کمال» ک بلکه اک مهم اثار اولان مقالات سیاسیه سنی بتون اثرلری نشر اولندقدن صکره طبع ایتدیرمکی تجویز ایدمدک. بزه اوایل کلدی که «کمال» مفتون اولانلر خصوصیه «کمال» ی بیانلر اونک سیاسی اثرلرینه فوق العاده بر میل وشوق ایله انتظار ایدیورلر.

شو بر قاق -وزی سوبلدکن صکره مقالات سیاسیه حقننده معلومات ویره بیلیرز:

«کمال» ک کندی امضاسیله کندی غزله لری. اولان «حزیت» ده «عبرت» ده ویا مقاله لرینی درج ایتدیردیکی «تصویر افکار» «اتحاد» «استقبال» «دیوژن» «خیال» «ترجمان حقیقت» «وقت»



شاهین

اوبله ایسه قارینک اوبنه کیدوبیده نه یابه جفمکن ؟

سلیمان

باقلم یاییلم
ایشک اوکنی ایله یاییشیم -- وظیفه می برینه کنبوسکم
بنه قدر نه ایسه او وجوده کلیر .

شاهین

ایله یاکورنوزده یاکورنوزده

وقت انجورنه

کلك سزى اولايه يکونوريم ده باشی الیم اردویه کیدهیم .
بکا حلال ابدک ! هیچ سیمه ابدک که منی برده ایتیم
کودم سزکن . بوبله دنیاده بشامتقدسه دشمن اوکشم صد هدیه ارمک بلم انعام
سهرید ارمک بیک قان خیریتدر . ای کورنوزده

سلیمان قبودان

عاکف! اندی لیزه یاری

خیالیه کی بریم رنه

خیالیه کی بریم رنه

عیدیکه ترغیب ایدر ملک قدر

ایدر مکی برده رنه

ملعنه ایبره رنه

دشمنه رنه

اولدنی رنه

فره رنه

مردم یورنجه

کندی کندینه عاکف! یولکینه

ایشک اوکنی المی قابل دکل . عاکف! یولکینه

بوکیجه ایچمه یاقاری بی یا کندینی اولدیره جک . عاکف!


جبار مستقم حقیچون یبالک سندن اول اولرسه دنیاده

اینتقامیز قالمسن .

عاکف! عاکف!

اخطار مهم :

قارشیکې صحیفه په آثار مطبوعه دن « عاکف بک » تیاروسندن افراز
ایدیله رک فطوغرافله آلمان بر صحیفه نك صورتی عیناً درج اولمشد .
صحیفه نك تصحیح لری « کال » ک خط دستیدر .
« ناسه کال » غاصبلر طرفندن بیکلرجه دفعه طبع ایتدیر یله رک
عادتاً اشکال اصلیه سندن چیقارنش اولان (عاکف بک ، کظنهال ، وطن ،
زوالی موصو) تیارولریله (جزئی ، انباء) رومانلرینی و (اوارو
بربانه ، روبا) کی آثارینک کافه سنی مکملأ تصحیح ایتمش ایدی .
ایشته بز او آثاری بویقه تام و مصحح اوله رق تکرار نشر ایدیورز .
کوستردیکمز نمونه مدعامتک محنته برهان کافیدر .



شمعی بوکاده قناعت اولمیهرق واحد افندی خزینه طرفدن
 کفیل سز اولهرق مأمور ایدلایکند نمیدر نه در ۱۹ ایدن بری اوغراشدیغی
 حالدہ بو آدمک مأخوذاتی نه کفیلدن تحصیل اولنور نه ده ایدیلہجک
 معاملہ یہ دائر بر جواب ویریلیور . مالیه نظارت جلیله سندن بر سنجاغہ
 تسلیط اولمش بر خرسزک ہم مأخوذاتی کندیسنه کار قالمق و همده او
 سیئہ نک نتایجندن اولهرق صندیقک معاملاتی او امر موجودہ یہ توفیق
 اولنه مامق عقلاً و وجداناً قبول اولنور و رضای الہی یہ مقرون
 اوله بیلور حاللردن اولمیدیغدن مدلولو صندغک الہ جغنی واحد افندی دن
 و یا خود کفیلدن کندیسنی مأمور ایدن و کفیلنی الان خزینہ جلیله
 معرفتیلہ تحصیل ایتدیرمک و اغلب احتمال اولدیغی و تجارب و تشبہات
 واقعہ ایلہ مستدل بولندیغی اوزره بوصورت ممکن اوله مدیعی حالہ
 ذکر اولنان اوتوز اوچ بیک غروش مالیه خزینہ جلیله سنہ ارسالات
 کوستریلہرک بودجه معاملہ سنک اجراسیلہ صندغک قیودی تشویشن
 قورتارلق ارادہ انتظام پروراند و لایتہا یلرینہ شایستہ در اولبابده

۲۶۷ نیشان سنہ ۳۰۰



ولایتہ

لو اصدق امینی اسبق واحد افندینک تبین ایدن ۳۳۲۴۳ غروش بکرمی
آلتی بحق پاره ذمتک مالیه خزینہ جلیله سنجہ محفوظ اولان کفالت
سندی موجنجه کفیلندن تحصیلی حقتده بالدفعات وقوع بولان
مراجعتلره مالیه نظارت جلیله سه تا کید ناهه کوندردلیکندن بشقه بر
جواب انهمامقده در. و بو حال ایسه هرماه نهایتده کورینه جک صندوق
موجودینک منحصر طوئسی حقتده کی تعلیات و اوامر متعدده حکمک
اجرا سنه مانع اولمقده در.

وقتیه بوراده وظیفه سنی لایققله ایضاً تمکده اولان ویرلیدن بولان
بر صندوق امینک تزید معاشنی استدعا و بو صورت ممکن اوله منر ایسه
الدینی پاره ادا رده سنه کافی اوله مدیغندن خدمتندن استعفا بولنده ویردیکی
بر عرض حال خزینہ جلیله جه استغنایه حل اولنه رق و در سعادتده غایت
از معاش ایله طشرده کیلاردن دهامقتدر و مستقیم مامور لر بولنه بیله جکی
کوسترملک ایستیلهرک مدلولو صندوق امینلکنه یادکار ایدلمش اولان
واحد افندی و رودینی برقاچ آی جکر کچمز خزینہ طرفندن معاشی
دخی تزید ایدلمش اولمغله برابرینه مدت نظامیه مأموریتی ظرفنده
ذمته او تو ز اوچ بیک غروشدن زیاده پاره کچر مش یعنی مالیه خزینہ جلیله سی
مدلولونک یرلیدن اولان صندوق امینک معاشنه یوز غروش ضم ایتماک
انچون برایکی ای اسکره اوضعی مع زیاده اجرا ایتسکله برابر دو سعادتدن
انتخاب ایدوب کوندردیکی صندوق امینده شهریه بیک اوچ یوز غروشدن
زیاده پاره قایدیر مشدر.

اك زياده شايدان ذكر وايضاح فوق العاده لك محررات رسميه ده دخي اسلوبك افكار ايله توافق ايتمكه برابر رسميتدن آيرلاماسي ويكيلك ناميله برطاقم صوغوقلقلره دوشمه مش اولماسي در : كمال لسان رسمنك مخصوصاتي يعني اولامه عبارلري ، مسلسل تعليملاري قولالانير فقط كندينه خاص برشكل ايله ؛ عبارلري كسمك ، حمل تعليميه يي آيرمق ، يكي كلماتي استعمال ايتمك كي نوين اشكالي اختيار ايدر ، فقط ابدال وابتذاله دوشمه مك شرطيله . برصورتده كه كمالك قلمندن چيقمش برلايحه برتذكره رسميه عينا كنديسك برمكتوب خصوصيسي قدر لذتله اوقونور .

لسان رسمنك باشقهجه برلسان اولدوغى شك وشبهه دن عاريدر . زمانمزده يازيلان لسان رسمي اولدجه اثر تكامل كوسترييور . ايشته بوتكامله اك ياقين برزمانده برخدمت ومعاونت عرض ايتمك وحقايق افكار سياسييه ومدنيه ايله مالامل برطاقم آثاري انظار مشتاقانه كوسترهره ك زماننك تاريخندن ملته بر فكر ويرمك اوزره كمالك كزيده محررات رسميه سندن برجلد تشكيل ايله بوجلدی کلیات كمالك كتاب كتاب نشر اولونه حق قسمنه درج ايتمكي تنسيب ايتدك . آثار ومحررات رسميه سندن ايلريده اليمزه طبعه شايدان ديكر برطاقم يازيلر كچيرمكه موفق اولورسه ق ودرست تدقيق بولونان محررات رسميه اردسندن دها برطاقنك طبعني موافق كورور ايسه ك يونلري ده « آثار پراكنده » مياننده طبع ايتديره جكنز .

محررات رسميه دن دخي نمونه اوله رق برپارچه بورايه درج ايدلمشدر :

استدیکندن کمال ینه عثمانلیلرک ک بیوک ادیبی اولدی؛ فقط سیاسیا ته وقف
 حیات ایتمهش اولسه یدی دهها معظم بر کلیات آثار ادبیه وجوده کتیرم
 جگدی . خصوصیه دهاپک کوزل شعرلر یازه جقدی . عشق سیاسیات
 ایشته بوکا مانع اولدی . شو قدر وار که تعمیق نظر ایدیلیرسه «کمال»
 سیاسیا ته اولان میل وانجذابندن ملت ادبیات نقطه نظرندن ده فوق-
 العاده مستفید اولمش در : بوداهی ادب اونامتناهی قابلیت شعریه و ادبیه سنی
 سیاسیا ته ، وطنک ، ملتک ، استقبالی قورتاره جق اولان حریت و حقوق
 بشریت کبی عدالت ، انسانیت ، مملکت ، عائله کبی مباحثه وقف ایدنجه سحر
 آفرین وسخار اولان خامه آتشین بیانیله یازدی ، یازدی ، هر نوعدده هر
 شکده مخدرات فکریه واجتماعیه وجوده کتیردی . ایشته کمالک محررات
 رسمیه سی ارسنده یعنی کرک مأمور بولوندوغی مقاملردن - ترجمه
 اوطه سی خلفانی . شورای دولت اعضا الفی ، کلیولی ، مدنی ،
 ردوس ، ساقز متصرفلری - یازدینی رسمی کاغذلرلرک ؛ کرک
 دولتک تشکیلات و اصلاحات اساسیه سی ، ملتک وطنک حقوق و احتیاجات
 فکریه و معنویه سی مباحثه و کرک حقوقه ، فن ثروته ، تاریخه ، فلسفه
 اجتماعیا ته و الحاصل تکاملات مدنیه نک فلسفیات واجتماعیا ته عائد علوم
 وفنون ایله مناسبتی بولونان کافه مباحثه دائر یازدینی رساله لر ، لایحه لر ،
 تذکره لر . بندلر ، مقاله لر نیم رسمی مکتوبلر کبی محرراتک ایچنده
 زمانه کوره افکار و معلومات جدیده نک بر آینه منوری اولغه سزا
 ولایتیغیر بر طاقم حقایقک تفسیر و تنویری اعتباریله بوکون و هر زمان ایچون
 غایت بلند و مستثنا اثرلر واردر .

بو محررات رسمیه اسلوب اعتباریله ده فوق العاده لکی حائزدر .

بجای « رؤیا » آثار کمالن بولوندوغنه احتمال ویریلهمز برقیافت
غریبه یه کیرمشد .

حال بویکه رؤیا « کمال » ک اک قوتلی، اک جانی آثار وطنپروران
سندندر . رؤیاده عاشق حریت ، پرستشکار وطن برکنج قلبک بتون
فیوض وقابلیاتی اوزمان کنج اولان عثمانی ادبیاتک بتون حرارت
وصمیمیت بلاغتیله تجلی ایدر . ایشته بزم طبع ایتدیره جکمز رؤیا
بویله برادر ، اوقویانلر اهمیتنی تقدیر ایدرلر .

محرمات رسمیه

حقنده معلومات

کمال ادبیات ایله نه قدر متوغل ایدیسه سیاسیات ایله ده اوقد توغل
ایدردی . بلکه ده کمال ایچون کندی تعیرنجه بر معشوقه وجدان اولان
سیاسیات بو فطرت مستثنائک روح معنویتندن نبعان ایدوب طوران
عشق ادبیاته ده غلبه ایدرک کیت کیده کمالک وجدان و عرفانه حاکم
مطلق اولمشدر .

اوت، کمال وجود و حیاتی ملت اوغرنده ناصل فدا ایتدیه کندینه
کوره حیاتدن چوق قیمتدار اولان شعرینی ده سیاسیات اوغرنده فدا
ایتدی . یوقاریده مجموعه اشعاری حقنده معلومات ویرکن سویلدیکن
کبی کمال عبدالمجیدک اواخر سلطنتنده تشکل ایدن انجمن ادینک مسلك
قدیم شعرینه و داع ایدرک وطنپروران . حمیت وادیسند شعرلریازمغه
باشلادیغی کوندن بری ساحة سیاسیه آتیش ، اوکوندن بری ادبیاتی
منحصراً بر مقصد دکل، بر غایه وصول ایچون پک مهم بر واسطه اوله رق
تلقی ایتمشدر . واقعا واسطه اولان مثنویت فطریه سی دائماً اعتلا

قاره بلا صحنه کمال موفقیت و بینا به جق بر او یون اولور ایدی امید ایدمه که
آئیده « کال » که ملتنه بوی دکاری ده عثمانلیلرک انظار اشتیاقه بر تیارو
صحنه سندن عرض جمال ایدر . شمدیکی حالد جلالک بوزومش
بر مسخره لغی سیر ایتکه دجون اولمش اولان ملت قاره بلانک ده
صحنه تماشا ده عینی هنکامه مسخره دوشمسنی البته ارزو ایتمز و اثری
یا لکز مطالعه ایله قناعت کوستریر .

« رؤیا عنوانی اثر »

حقنده معلومات

کیمک بواثرینی او قومایان ، کورمین یوقدر دیناسه مبالغه ایدمش
اولماز . فقط تأمین ایدر که رؤیانک ده هیچ بر نسخه صحیحیه
انتشار ایدمه مش در . رؤیایی دور استبداده کیزلی کیزلی ، قورقه
قورقه باصانلر بور ساله جکی یوکسک بدار مقابله ده انجق امنیت
ایده بیلدکاری ادمله صاتارلر ایدی : « رؤیا » نک مندرجاتی دکل ،
نامی ، شهرتی آران یوردی ، ارتق عیناً کمالک قلمندن چقمش اولدوغی
کچی بر « رؤیا » نشر ایتک منفعت پرست طابعاری نه ایچون اشغال
اتسون ؟ رؤیانک بر کولکسی ، مسخره جه آلمش بر صورتی ده
تأمین مقصده کافی ایدی ؛ بیک درلو احتیاطلر ، قورقورلر ایچنده ،
کیجه یاریدری ، قارا کلک او طه لرده صورتی یازیله بیلن ، جاهل
بر طاقم میضلرک الوندن کجه کجه ، طاش باصمه لاریله بر آلتی اوضه لرنده
هیچ بر ترتیب و تصحیح کورمه دن باصیله باصیله عاداتا صحائف و سطوری
ارمهنده ارتباط معانی مفقود اولدجق قدر تخلفاته دوچار اولان

« قاره بلا »

حقیقده معلومات

اسمندانده آکلاشیلیر که قاره بلا بر بلا ی سیاهک بر حسن نورانی به
تعرضی مصوردر . فی الحقیقه اثرده او یله بروقه سیاهک فاجعه عصمت
سوزی، مستثنا بر بلاغت و شدتله تصویر ایدلشدر . موضوعندن بر
نبذه بحث ایدهلم :

هند پادشاهلرندن برینک کریمه سی « بهره ور سلطان » بر سیاهی
خادم اغاسنک محافظه سنه بر اقله مشدر . « اخشید » نامنی آلان بو عرب
بیگ در لوجیه لره مراجعت ایدر که هند پادشاهنک سراینه خادم اولمق اوزره
کندینی صا تدر مش ایسه ده حقیقت حالده کندینی خادم دکل، ارکک
همده یورکی یوزندن سیاه بر عفريت ارککدر . اخشیدک یکانه امل ملعونی
ایسه بهره ور سلطانک وجودینه مالک اولمقدور . بیچاره بهره ورک
سودیکی خسرو میرزائی قیزک یانه کتیرمک بهانه سیله سلطانک دائره سنی
دایه سندن ، خادم اغالردن ، جاریه لردن خالی بر اقمعه موفق اولان
اخشید بهره وری تهدید لریله بایلدن قدن صکره عرضنه تسلط ایدر .
ایشته اخشیدک بویله بر خدعه ملعونی اوزرینه ناموسندن محروم اولان
بهره ورک خسرو ترویج اولونه جنی کیجه کندینی زهرلمی و خسروک
ده حقیقت حاله مطلع اولانجه اخشیدی کبر تدکن صوکره اتحار
ایلمی ایله نتیجه لنن مدھش فاجعه نک خلاصه موضوعی بوندن
عبارتدر .

انسانک بویه سی او قویوبده تو یلری اور پر مه سی قابل اوله ماز .
مملکتده تیاترو قومانیه سنه بکزر بر صنعتکاران هیئت بولونسیدی

اون بش یاشنده برچوجوق بيله یازماز . هم منظومه ده سوزلر وارکه انقلابدن صوکره یازلمش اولدوغنه قطعاً دلالت ایدیور :

« بر طاقم ژورناچیلر ، آلقیشچیلر ، یارداقلرک
کردندن هر بری بر دالده آویزان اولور . »

مصلوبلردن باحث اولان شو بیتی «کال» ک بویه عادی بر طور افاده بر مأل ایله یازمه بیلیمش اولماسنه فرض محال اوله رق احتمال ویریه . بیلیمه بيله «کال» ک زمان حرمان واضطراربنده ژورناچیلرک «کردندن آویزان» دکل ، عظمت نشین مسند اقبال و شان اولدقلری دوشونو - لمز می ؟ (۳۰۴) ده وفات ایتیش اولان بر شاعر (۳۲۵) سنه سنک وقایعندن باحث شعر یازمه بیلیرمی ؟ اسنادکده بو قدر بلاهت کسترانه می کورلمش شیلردن دکلدر .

کال بودرلو عادیاتدن بویه سفلیات فکریه ولفظیه دن چوق عالی ومنزه در . ایشته «کال» ک عائله سی بوکون مرحومک کلیاتی نشره ابتدار ایتدی . «کال» ک نه قدر آثار قلمیه سی وارسه جمله سنک کلیاتده مندرج بولمسنه دخی طاقت بشریه مساعد اولدوغی قدر صرف مساعی اولونه جقدر . ارتق بتون ملتدن اک صمیمی لسانمزله نیاز ایدرز :

«کلیات کال» ده مندرج اولمایان بر اثری کورنجه (کلیات کال) اداره خانه سنه کوندرسون ، اترک مرحومه عائد اولوب اولمادیغنی بیسان ایدرز . طرغزدن تصدیق اولونمیان آثارک کاله عائد اولدوغنه ملت اینانماسون .

ایتمش ، عزت لره مجموعه لره بو سوزک کنديسنه اصلاً تعلق اولمادیغی
یازمش ایدی . لکن غریبدر که شاعرک تکذیبات ذاتیه سی بیله شمدی یه
قدر هیچ بر تأثیر حاصل ایده مه مش ! چونکه بومصراعدن اول کلن
بر مصراعک ردیفی « کال وار » در . ومادامکه اسمی بولونیور شعر
کالمکدر . ایسترسه کنديسی نیم دکدر دیسون . امان یاربی ، بواصراره
قارشی مفکره لر اقماعیات ترتیندن عاجز قالیور !

سپهرک بختی ، اقبالنی هپ پایمال ایتم
حمیت مسله کننده ترک اولاد وعیال ایتم ،
چیا تمدن معززکن وطندن انفصال ایتم ،
نبات وعزمه حائل بردنی دنیای قالمشد ر !

دیین کال او معظم فدا کار ملت و آتشپاره حمیت

« ویران اوله سی خانه ده اولاد وعیال وار »

کبی لفظی اولو ، معناسی اولو ، کهنه وعادی بر مضمونک تکرارندن
عبارت . صوکه درجه ده سفلی ویچاره بر مصراع یازه جق همده « عیال
وار » کبی قهوه شاعرلرینک بیله تجویز ایده میه جکی قدر مستکرمه بر
لفظ قصوریه آلوده اوله رق یازه جق اوله می ؟

« بدایع ادبیّه » عنوانیه بر مجموعۀ منتخبات نشر اولونیور . باقیورسکنز
« کال » کواویلاسی ، « رغننه » ردیفی شعرلری انتخاب ایدلمش ؛ بونلرکیانی باشنده ده :

« نوا ی امل »

عنوانلی بر منظومه « کال » اسناد ایدیلره رک یرلشدیرلمش . اولیه بر
منظومه بی مال و بیجان اولیه سراپا هندیان که کال دکل آ بویه شعری

غایت مشوش، غایت یا کلش اولہرق پڑمرده برقیافله، پڑمرده برچہرہ
ایلہ انتشار ایتسی در . منفعتپرستلرک دور استبدادده اوتوز غروشہ
صادقلری جلال دور حریتده مقلدلرک النہ دوشدی ، فیثائی التی .
بش غروشہ تنزل ایتدی . مندرجاتی ده حیفا کہ بی حد ونہایت تخریفاتہ
اوغرادی . اثرک قدر وشانہ بر طاقم اشخاص طرفندن وقوعہ کلن
تعرضات عائلہ « کمال » ی دلخون ایتکده در .

شو تفصیلاتدن آکلاشیلیورکہ جلال بعض اشخاص طرفندن طبع
ایتدیرمش اولقلہ برابر مطبوع دیمک دکادر . برده جلالک غایت مہم بر مقدمہ سی
قسم انشرایدمش ایدی . فقط بو (مقدمہ) ده سالسور دن مصون قالہ مدہ
یغندن بعض مہم پارچہلری انتشار ایدہ مہم در . شمدی ایسہ مقدمہ بی
تمام . جلالی ده مقلدلرک ایتد کلری شکلہ قوبدقلری کبی دکل ، کمالک
قلمندن چیقیدی کبی مصحح ومکمل اولہرق نشر ایدہ جکزر . مات .
اثری مطالعہ ایتد اکدن صو کرہ حقیقی جلالی کورمش اولہ جقدر .

غضب آثاری موضوع بحث ایدرکن شورادہ عائلہ مزی جدآ پک
زیادہ متأثر ودلخون ایدن وزجہ غضب آثارک ده فوقندہ بر جرأت
عادتا ادبی بر جنسایت دیمک اولان « اسناد آثار » دن بحث ایتمک
ایستہرز . بیچارہ « کمال » ک نام علویسنہ اولہ ہذیانلر اسناد اولونیورکہ
مرحومک روحنی رنجیدہ ایدہ جکی بی اشتباہ در . ایکی مثال کوسترہم .
شومصراءہ باقیکنز :

« ویران اولہ سی خانہ دہ اولاد وعیال وار »

حالا بر جوقلری بوسوزی « کمال » ک ظن ایدرلر . مرحوم بوسقلی
بوعادی مصراعہی ده جامع اولان شعری کمال شدتہ بالذات رد وطرده

جلادتہ «کمال» کبی بر عثمانی شاعرینک خامہ قدرتی کر کدی . نامنہ اضافہ .
اولونان اترك درجہ علوی اوقهرمان اسلامیتک روان قدسیتی شہہ سز
شاد ایتشد .

«جلال» ادبیاتمزلک اک یوکسک شاہقہ سیدر . عثمانی آثار ادبیہ سی
ارہ سندنہ جلالہ مثال اولہ بیلہ جک بر اثر یوقدر . بوندن صکرہ دمہ
یازیلہ بیلہ جکی مأمول اولونہ ماز . زیرا «کمال» تعب واقتدارندہ برداہی
ادب بوندن صکرہ یتیشیرسہ بیلہ «رومانتیزم» ارتق متروک اولہ جق ،
آثار ادبیہ دمہ اومستثنا علویت موضوع واسلوب کیت کیدہ قالمایہ جق کبی
کورونیور . بو حالہ «کمال» ک جلالی عثمانیلرک دینہ ادبیاتندہ عصرلر
کچدکجہ ، ملت ادبیاتہ پیدای وقوف ایتدکجہ تزید قیمت ایدرک قالہ جق
برکوہر علوی قیمتدر . بو اثری کویا «وطنہ خدمت» اولمق اوزرہ
برچوق کیمسہلر دور استبدادہ طبع ایتدیردیلر ؛ فقط اوتوز غروش کبی
فاحش فیأت قونیلیمسی وطنہ دکل ، منفعتہ خدمت غرضیلہ طبع اولندیغنی
وانحأ کوستریوردی . نہ یاپیلیرکہ دور استبدادہ بو کبی جرأتلرہ قارشی
طورمق ہیچ بر وجملہ ہیچ بر کیمسہ ایچون قابل اولہ میوردی .
خصوصیلہ «کمال» ک اثرینی طبع ایدنلرہ قارشو تعقیبات قانونیداجرا ایتک
نزدہ قالیر ، «کمال» ک اثری بولوندوغندن بحث ایتمکہ بیلہ جسارتمز یوق
ایدی . جاسوسلرک انظار حرص وملعنندن آثار کمالی بیک بلا ایلہ محافظہ
ایدہ ییلورایدک . «جلال» ک صورتی الدن الہ برچوق انتشار ایتمش ، بو اثری
منفعتپرستلرک تعرضکارانہ تملکندن قورنارمغہ امکان قالمامش ایدی .
اثر صحیح اولہرق تمیزجہ بر شکل وصورتدہ باصلسہ ومعتدل بر فیئات
قونیلیمسہ یدی ، ملتہ جلالی اهدا ایتمش اولقلہ مفتخر اولوردق . بزى
اصل متأثر ایدن حال «جلال» ک بیک درلو خطالر ، نقصانلر ، علاوہلر ایلہ

برائے انتہا پذیر اولہ بیلہ جکئی تصور ایتک بیلہ اکلایہرق او قویانہ
جداً تاثر بخشادر . ہلہ حب اسلامیت ، تقدیس معالی ، پرستش
وطن ، میل غرامیات ایلہ ؛ انسانیت ، حمیت ، شجاعت ، حکمت ،
محبت ، فدا کارلق کلمہ لیرینک پانک وبراق اولان ارواح انسانیتہ ، القا
ایتدیکی حسیات ایلہ متحسس بولونانلر کالک « جلال » نی ، یالکز
بو اثرینی نورلرہ ، روحلرہ تلاقیکہ ابدیت نمون بر عالم فضل و عرفان ،
برسمای بدایع و محاسن اولہرق او قورلر ، او قودقہ علویات مجرمدہ
یا خود ارواح مقدسہ یہ قدر یوکسہ لن عظمت حس و خیالہ علویت
اسلوب اعجاز کارینہ حیران اولورلر .

« کال » ک قلب الہامات دینہ سی وطن محبتیلہ نہ قدر ریان انوارایسہ
اسلامیت محبتیلہ ، اسلامیت مفتونیتیلہ دہ اودر جہلردہ تابان علویت و مشحون
فضیلت ایدی . اسلامیتک اشراق و ظہورندن بو کونہ قدر بتون ادوار
و صفحات اعتلاسنی الک جدی برو قوف واک مصرو مکب برسمی متمادی
ایلہ تفرعات و جزویات نہ قدر تدقیق و تحقیق ایتش اولان « کال » بزیرہ کورہ
تاریخک مقابر متروکہ کبی لاقیدی یہ محکوم صحائف منسیہ سندن نوروز
بکک . صلاح الدین ایوبینک ترجمہ حاللرینی چیقارمش ، او بلند وابدی
شواہق اسلامیتی عثمانی آفاق حیرتنہ ترسیم ایتش اولدوغی کبی
جلال الدین خوارزمشاہی ، اولایموت و بیعدیل قہرمان عالم شان
اسلامیتی دہ لیال مظلمہ ماضیدن ، سینہ لاقید تاریخدن آلمش کتیرمش ،
مریخلرک مشتریلرک جوارینہ قدر اصعاد ایدرک اورادہ ، اولیلہ بر برج
اشتہار و عظمتدہ قوردوغی اورنک شہامت و نجاتدن علویت و قدرتیلہ ،
بتون اجلال و مہابتیلہ ملت عثمانیہ نک انظار حیرت و مفتونیتہ شعشعہ
انداز شان و کال ایتش در . جلال کبی بر مسلمان قہرماننک سیف

جلال الدين خوارزمشاه

حقنده معلومات

« کمال » ك آثار منشوره سی اره سنده جلال، ادبیات نقطه نظرندن اك علوی برهان قدرت و عرفانیدر. (بش) فصلدن متشکل بر فاجعه تاریخیه اولان جلالده دهاء شعر و ادب بتون خوارق افکار و اسالیب ایله تجلی ایدر : حسیاتك اك شدیدندن اك رقیقه ، افكارك اك بلندندن اك اینجه سنه قدر بتون آمال و احتراصات انسانیت بتون احتیاجات و انفعالات بشریت صحیحاً فیض الهامه مظهر بر لسان معنوی ایله او قدر استادانه او یله روح فطرتك كافه اسرارینه واقف بر صورتده تصویر و تبلیغ ایدلمشدر و اثر « روماتيك » یولنده یازلدیغی ایچون دائماً بلند و مستش اوله رق انتخاب ایدلمش اولان هر شخص و سیا او یله بر موفقیت صنعت و تطابق عظمتله تجسیم اولمش دركه جلالی او قویوبده هر حقیقده سنه، هر سطرینه مفتون اولماق قابل دكلدر. « جلال » روماتيك بر اثر در دیمش ایدك . روماتيك می بیلنله كوره معلومدركه بومسالمكه موافق اوله رق یازلمش تیاتر و لرده ادبیات تیاتر و صنعتدن زیاده حكمر مادر . مثلاً هوغونك « ثرنانی » كبی بر پیه سی، صحنه تماشا یه وضع ایدنك ایچون چوق نقصانلر ، تناقضلر ، غریبه لر كوستره بیلیر ؛ فقط او قوتجه انسانی علویاتنه مفتون بر اقامی غیر ممكندر ، ایشه جلالده بویله در . یعنی جلالی او یناتمق ایچون فرض محال اوله رق بر تیاتر و مز بولونسه ایدی بر چوق یلرینی طی و تعدیل ایتك ایجاب ایدمكدی ؛ لیكن مطالعه ایدیلنجه جلال ، روحی او قدر لبریز علویات و محاسن ایلركه بویله

باغردم چاغردم مراحمی بوقدر اکلاده بیلدم بر قاق آی صکره سویلکه
 باشلایه یمده باقک نصل هپسندن زیاده کوزه لک ایدرم کاغدی قلمی نه قدر
 سویورم بیلسه کز کولر سکنز فقط قیمتی برشی ایش کبی ویرمدیلرکه
 مکتوبمی کندم یازیم بن بابام قدر دانی بکم قدر قارغه جق بورغه جق
 یاپه مز می یم صانکه اوراده بنم برخانم والده مله برده کوچو جوک بیوک
 عمجه م [۱] وارا ایش اتکلرینی افندمز کده ایاقلری کزی اوپر م البته
 بنده کزی دعادن اونو تمز سکنز ولی نعمتم سبب حیاتم افندم

۱۲ ربیع اول سنه ۳۰۲

مینى مینى کوله کز

احمد موفق

[۱] کالک کوچوک برادری عمر ناشد بک مقصود در. عمر ناشد بک موفق
 بکک والده می اولان کریمه کالدن وعلی کرم بکدن سنا کوچو کدر .



بیوریورسکنز . حال بوکه بزار ایرتسی کونی پلونه کیتمش ! روسیه نک
 لااقل یوز بیک کشیک بر اردوسی اچیقده قالدی . کرک استانبول کرک
 استقلال دولت مخاطرده . بیلیم که ایش نصل یولنده اولیور ؟ هوا
 صغودی . طوکدرمه قوطوسنده اوطوررکی بز . ممکن ایسه بزم اسکی کورکی
 برده اکر مک قیشلق پالطوسی وارمش انی کوندرر میسکنز ؟ هله بونلره
 اوفاراق برعادی منفالده علاوه بیوریلور ایسه سایه کزده برقات ده
 راحت اولنور . حناب حق عیداضحای جمله یه مبارک ایلسون . خانم والده مک
 اتکلرینی اوپر و بایراملرینی تبریک ایدرم باقی دعا .

فی ۱۰ ذی الحجه سنه ۱۲۹۴

کمالک حفیدی احمد موفق بک هنور ایکی یاشنده ایکن اوصینک لسانندن
 موفق بکک جدالجدی اولان مصطفی عاصم بک مرحومه خطاباً یازدیفی
 مکتوب

ولی نعمتم سبب حیاتمک سبب حیاتی اولان افندم

دون اقشام اوتوده بریده قندیلار یاتمغه باشلادی بر یوزی کوک
 یوزینه بکزه دی ملسکار قولانغه سنکده خلقتکه سبب اولان مفخر
 کائناتک لیلہ ولادتلیر بوکیجه در خالقکه سجده ایله باعث وجودک
 اولانلره دعا ایت دیدیلر یوزیمی یرلره سوردم هرکسدن زیاده سزه دعالر
 ایتدم چونکه سبب حیاتم اولانلرکده سبب حیاتی سزسکنز سز مینی
 مینی کوله کنزی بیلیمزسکنز اما بن سزی بیلیم رسمکنزی کور بیورم
 سزی کورمش قدر ممنون اولیورم یانکزه کله حکم نه یاپهیم که ایاجقلرم
 یاردیم ایتیمور طوریکنر ان شاءاه هله یورویهیمده باقکنز نصل قوشه قوشه
 سزه کلیم بوراده بندن باشقه هرکس یوریورلرده بیلیم نیچون قوشه
 قوشه یانکزه کلیمورلر بو آدملر آغزلرندن سسیده برتحف چیقاریو .
 رلرده هر ایستدکلرینی بربرینه قولای قولای اکلاده بیلیمورلر بن

کلاک پدری مصطفی عاصم بك مرحومه یازدینی بر مکتوب

ولی نعمت

۱ کانون اول سنه ۹۳ تاریخلی مکتوبکیزی آلم . لف واحسان
بیوریلان قائمه لرده کلدی . اولانک ایچون عرض تشکر اولنور .
صوا پاشا بوراده در هر کون برابرز .

کله لم بزم مباحثه : بزم اسکی عرب حکایه سی کندی صنعمری تقدیره
اسناد ایله التزام استراحتہ جواب ایدی . قوجه قاری صاحبه سی قیلندن
عد اولمش ؛ کنج ازکک هذیانی دینلسه بلدکه دها مناسب اولوردی .
مادامکه سز قوجه قاری صاحبه سی دیمشسکز . هایدی اوپله اولسون .
انکلتزه پولتیقه سنه کلنجه : رشید پاشانک غلبه سی انک تأثیرندن دکل ،
کندی درایتندن ایدی . رشید پاشا زمانده انکلتزه پولتیقه سنی اداره ایدن
« قانون » ی لوندرده بر قاق دفعه کوردم . عادتا بدالا انکلزک بریسیدر .
« قانون » ک مستشار خاص الخاصی و بلدکه عقل کتخداسی ده شمدی
استانبول سفیری اولان « لایارد » جنابلری ایدی . شمدی نهدن التزام
ایتدیکی طرفدن بر رشید پاشامیدانه چیقارم میور ؟ رشید پاشا کندی زمانده
درایتله انکلتزه یی طومش . اوروپا معلوماتنک کندینه انحصاری جهتله
وجودی عالم بالاجه لوازم ضروریهدن عداولمش خصما سندن ده یابدینی
تنظیماته مثلاً بر اداره عرفیه بندی قارشیدره حق قدر حمیتی ، درایتلی ذاتلر
بولماش ، امنیت جان مسئله سی ده هر کسک ایشنه کلش ، اوقوتله برار زمان
خوشجه بر اداره جریان ایلمش . یوقسه بر دولتک تاثیر نفوذی سایه سنده
دیگر بر دولتک تأمین سلامت و معموریتی اصول سیاستک و حتی طبیعت
عالمک بتون بتون خارجنده در .

چارشده کونی یازدیغکز مکتوبده « ایش شمدی یولنده در »

فوق العاده کوسٹریور کہ « کال » کالکوز امضاسی ایلہ بر کتاب طول دور لسه
حرز جان ایدینہ جک، صو کرہ بز نہ جرأتلہ « کال » کخط دستیلہ کوز مزک
او کندنہ طوران یوزلرجه مکتوبی کوز مزک او کندنہ قالمغه ، نشر
ایدلہ مکہ محکوم ایدرز ؟

برده بز کیمز کہ « کال » کوشواثرینہ عادی ، بواثرینہ عالی دیبہ بیلہ جکیز ؟
بویله بر کلیاتی تشکیل ایدہ جک آثار آرد سنندہ انتخاب صلاحیتی او قدر
قدرت عرفانہ متوققدر کہ بونی یالکوز مثلاً بر شاعریک مجموعہ اشعارینی
اوقویوبده بر قاجنی انتخاب ایدہ بیلمش اولانلر تقدیر ایدر .

حقیقت . موقعمز غایت نازک ، صوک درجه مشکدر . مع مافیہ ملتہ
قارشى ولان بیوک وظیفہ مزى ایفا ایتک بزجه او قدر مقدس براملدر کہ
ایستہ بو خصوصی مکتوبلر حقندہده برقرار اتخاذایتدک :

اول امرده خصوصی مکتوبلر آرد سنندن بر انتخاب اجرا ایدہ جکیز ،
انتخاب ایتدیکمز مکتوبلری ده رسالہ نک ترتیب آثار قسمندہ کوستردیکمز
صورتده نشر ایتدیرہ جکیز .

صو کرہ نشر اولنمایہرق الیزده قالانلر ایلہ طلب ایتدیکمز ذواتدن
کسی پک هامول بولونان مکتوبلر حقندہ ملتک امرینی بکلیہ جکیز : بتون
خصوصی مکتوبلرک بلااستثنا طبع ونشر ایدلمسی بزہ بر چوق طرفدن
اخطار ولنورسه « آثار پراکندنہ » عنوان عمومیسى التندہ کلیاتدن جزؤ
جزؤ نشر ایدیلہ جک اولان صوک قسمنہ ، مکاتب خصوصیه نک الیزده
قالانلریلہ بولنہ بیلنلرینی درج ایدر وبویلهجه وظیفہ مزى اکمال ایتمش
اولورز .

نمونہ اولہرق شورایہ ایکی مکتوب درج ایدیورز . نمونہ لردن
نشر ایدیلہ جک مکتوبلرک قیمت واهمیتہ اطلاع حاصل اولور :

و توضیحاتك سرنامہ عمومی تھندہ تمام آجے ایدیلہ مز ، بویولده کلمہ لہ نہ قدر اکثر ایدیلہ رسہ ایدلسون ینہ بتون مکتوبلرہ شامل اولہ ماز . وایشتہ ینہ بونک ایچوندرکہ کالک یوزلرجه بلکہ بیکلرجه خصوصی مکتوبی بریرہ طوپلا یوبده بونلردن برمنتخبات ترتیب ایتمک لزومنه معروض قانچہ جملہ مز ییوک براندیشہ ، بیوک برتردد استیلا ایتدی : مکتوبلرک هانکیسی شایان انتخاب عدایدیلہ جک ، هانکیسی نشر اولونمایہ جق ؟ بتون مکتوبلری نشر ایتسه ک ملتہ بلکہ اوچ دوت بلکہ دہ بش آلتی جلد کتاب آلمق مجبوریتنی تحمیل ایدہ جکیز . وقوعہ کلن استرحامات مکررہ مزہ رغماً مرحومک بر چوق ذوات النده قان بر چوق قیمتدار ، فوق العادہ قیمتدار مکتوبلرینی هنوزالده ایدہ مدک . مثلاً مرحوم شا کر پاشا زاده نعیمک افندی پدرلری مرحوم ایله « کمال » ارہ سندہ روسیہ محاربہ سنہ دائر جریان ایتمش اولان وجداً فوق العادہ اہمیت تاریخیہ سی بولونان مخابرہ نک انجق بش اون مکتوبی بزہ تودیع ایدہ بیلدی . نعیمک فندی یہ عرض شکران ایله برابر متباقی مکتوبلرہ الآن منتظر اولدو غمزی دہ سویلرز . عجبا بونلر و بونک کبی مرحوم « کمال » ک بتون ارقاداشلرندہ بولونماسی لازم کلن مکتوبلر قاچ جلد تشکیل ایدہ جکدر ؟ بیلہ میورز . بیلہ مدیکمز ایچوندرکہ بش آلتی سطر اول مکتوبلردن بحث ایدرکن دوت ، بش ، آلتی جلد کبی غیر معین عددلر کوستردک . دیمک مجهول قارشیسندہ یز ، مجهولہ بناء بتون بر ملتہ وعدلر دہ بولنق بیوک کستاخلق اولور... یاملتی « کمال » نک . معظم شہید حریتنک بتون اثرلرندن محروم بر اقق بزم صلاحیتمز داخلندہ میدر ؟ ایشتہ ملت اوتور اوچ سنہ قانلر اغلایان قلبنک الک درین کوشہ سندہ صاقلادینی « کمال » نامنہ بوکون او قدر حرمت مفتونیتکارانداویله برانجذاب

مکتوب یازمق اصولی، بواصولک بتون اشکالنی بتون تفرعات و جزو یاتی ملتک روح و وجداتی کوره کوره اکلایه اکلایه تعمیق و تحقیق ایتد کدن صوکره بالاطراف وضع و تأسیس ایتمش در . مکتوب یازمق بحثنده هیچ بر جهتی ذره قدر نقصان بر اقامش هر نوع مکتوبی بر چوق شکلدرده یازمش در . او قدر که عصر لردن صوکره کلاک مکتوبلری ادوار تکاملک ترا حنه ر غماً مشق تقلید اتخاذ اولنه جقدر . چونکه کلاک اولیه مکتوبلری واردر که هر کله سی ملتک عمق روحندن آانش در ، بر ملتک روحی ایسه ابدیدر .

(مکاتیب خصوصیه بحثک تطویلندن طولانی طلب عفو ایدرز . بزجه بو مبحث بوندن زیاده اختصار ایدیه مزیدی . حتی دهها براقچ سوز علاوه ایده جکز .)

شمدی دوشونولسون : بر ادیبک اک مهم اثرلرینی مکتوبلری تشکیل ایدرسه ، صوکره اوادیب مکتوبلرینی اسلافه تقلید دکل کندیمی ابداع یعنی یوقاریده عرض ایتدیکمز کبی مکتوب یازمه نک بتون اصول و فروغنی تأسیس و احداث ایدرک یازارسه ارتق او مکتوبلر نه قیمت و همیتده اولور ؟ « کال » ایچونده کندی مکتوبلری پک قیمتلی ایدی . اک زیاده سوه سوه یازدینی شلر مکتوبلری اولدوغنی داتماسویلدی . خصوصی مکتوبلرک انوعی عادتاً تحدید و قصر ایدیه میه جک قدر کثیردر . زیر امر حوم یالکز کندیسنک دکل دوستلرینک ، ارقداشلرینک چو جقلرینک ، شاگردلرینک حتی خدمتجیسنک مکتوبلرینی یازمقدن بر لذت ، بر حظ طویاردی . ایشه بونک ایچوندرکه مکاتیب خصوصیه ادبی ، سیاسی ، علمی ، فنی ، تاریخی ، اجتماعی ، جدی ، مزاح یولنده ، لطیفه کویانه ، تعریض کویانه ، مستهزیه ، مباحثه ، تنقید کبی کلمات

کلمہ لردن، تعبیر لردن، ترکیب لردن برنی لزومنه کورہ اختیار ایدر۔ اختیار ایدہ جکی ترکیب، کلمہ ہرنہ ایسہ اوندمہ او بابانک بتون روحی مند مجدر، یورکی او کلمہ دہ تیرر۔ اولادی دہا مکتوبی او قومادن معناسنی اکلار، بتون مندر جاتی کشف و تعین ایدر۔ لکن خیر: ازمنہ قدیمہ دہ مکتوب یازیلیر کن بر بابا، بابا، براوغول۔ اولاد اولہ میوردی۔ بوایکی موجودیتی دیگر بر موجودیت سقیمہ، «منشیانہ یازمق» کبی بر فکر عجیب محو و نابود ایدیوردی۔ ذاتاً «غیر منشیانہ» یازمق یوق ایدی۔ منشیانہ یازلدینی زمانہ دہ پدر اوغلنہ نورعینم اوغلم، جکر گوشہم افندم، مخدوم فطانت موسوم! فلان کبی تعبیرات بلکہ دہ بونلردن عادی لقلقیات یازلمق محبوریث قطعہ تحتہ عداولہ وردی۔ بویلہ خطا بلرک روحدن، قلبدن، فکردن دکل آغزدن دوکولمش اولماسنہ کوچ احتمال ویریلیر۔ مکتوبلر یزک خاتمہ لری دہ القابی قدر متبرد و متخنخ شیر ایدی۔ ایشتہ «کمال» ملتک لسان ادبیاتی دکل، لسان وجدانی، لسان احتیاجاتی اولان مکتوب شیوہ سنی، مکتوب اسلوبی بویولده موانع و مزاحم غریبہ نک جملہ سندن تخلص ایتمش در۔ «کمال» ک لسان مزہ او قدر مہرور و مبجل خدمت لری اولماسہ دہ یالکز ملتہ مکتوب یازمق نہ در؟ بونی او کرتش اولسہ کندیمی ایچون شرف کافیدر۔ واقعاً «کمال» دن اول شناسی، رشید پاشا، ادہم پاشا، عاکف پاشا، حتی دہا قدمادن بعض ذوات کوزلجہ بعض مکتوبلر یازمشلر، برقچہ نمونہ کوستر مشلر ایدی؛ فقط ترجمہ حال کمالہ بتون دلائل مقنعہ و بینات صریحہ سی ایلہ ارادہ و اثبات ایدیہ جکی وجہلہ سلطان سلیم ثالث زمانندہ اولین آثار و مقدماتی رونمون اولان تکامل اخیر ادب یزک بتون اشکال و صور فکرینہ و لفظیہ سنی تماماً احاطہ ایدہ رک او تکاملی نامی کبی بر ذروہ کمالہ ایصال ایدن ذات ترجمہ

شیر بولنسه بیه دیگر لرینه نظر آ اقل قیلدر . هر حاده فکر آ نه قدر سالم ، ساده اولورسه اولسون شکلا عجیب اولمایان بر مکتوبه تصادف اولونه ماز . . مکتوبلر مزده کی اشکال قدیمه انشائی بر از تدقیق ایده لم :
اولا «اولامه» تعبیر ایتدیکنز مربوط عبارتلر مکتوبلر دهده قوانین طبعیه دن ایش کی مرعی و معتبر ایدی . سلسله عبارات غریبه نک بر قایح حلقه سی بعض مکتوبلر ده قیریلیورسه بیه ناصل قیریلوب قوپدیغی پک ده بیلنه مین زنجیر اسارت تحریریه همان بر برینه اکلنه بر ، ینه متصل یو وارلانه یو وارلانه اوزار طوروردی .

ثانیاً صددن ، مقصددن بتون بتون خارج بر چوق سوزلر ، باردزینتلر ، مغاسنر سجعلر ، از برلنش دستورلر خلاصه بر چوق تکرملرلر تمادیمی عقللره حیرت ویره جک بر اصرار و تعنله هر مکتوبه مطلقا املا ایدیلیر ، ایشته بویه انشا ایدیلیر یعنی شمدی شو عبارتده اولدوغی کی صاحبه یازمغه همه حال فوق العاده اعتنا ایدیلیر ایدی !

ثالثاً مکتوبلر ده القاب ، خاتمه لر او قدر بارد او قدر بی معنی کلمات و عبارات ایله معین و محدود ایدی که بو تنکنا ی غرائب انحصاده فکرک ، خصوصیه حسک نصل اولوب ده بر نقطه میل و انعطاف بوله بیلدیکنه ، صمیمیت قلبیه ، حرمت وجدانیه ، قدرت عقلیه کی سودا ، غرام ، سائق شباب ، تجربه شیخوخت ، فضیلت ، شدت کی ؛ بیکلرجه ملکات و حسیاتمژک او جانسز ، او اولو کلمه لرله افاده اولنمق ایستندیکنه . ده طوغروسی مکتوب یازمغه کلنجه بو قدر ملکات بشریتک ناصل ، ناصل اولوب ده متروک و منسی قالدیغنه حیرت ایتما مک قابل دکلدر . بر بابا ، اوغلنه یازمغه مکتوبده : اولادم ، اوغلم . ایکی کوزم اولادم ، یاوروم ، یاراماز چوجوق ، حیالاز چوجوق ، بنم وجدانی عقلی او غلوم کی بیکلرجه

خصوصی مکتوبلر

حقنده معلومات

بر ادیبك، بر صاحب قلمك ادبیات حتی بعضاً حکیمات ایله صورت توغانه، درجه و قوف و معلوماتنه، قوای خیالیه و حسیه سنك صور انكشافنه، خواص اساسیه فارقه سنه و الحاصل بتون قدرت و استطاعتنه، مدت حیاتنده یازمش اولدوغی خصوصی مکتوبلر ك هیئت مجموعه سی اك قویم و تابان بر بره اندر. هله او ادیبك دیگر اثرلری نه قدر علوی نه قدر مستثنا اولورسه اولسون ینه مكاتیب خصوصیه سی قدر کندیسنك قلبنی، روحنی، بتون موجودیت مغویه سنی انظار عرفانده تجلی ایتدیره مز. بودعوانك درجه اصابتی بوراده تدقیق و تحلیل ایتیه جکز. هر حالده دهاته ادبا و حکمانك بر بیوك فرقه سی حقنده يك صحیح اولدوغی تحقیق ایدن بو دعوی «کال» ك مكاتیب خصوصیه سی حقنده بزه کوره بدیهیاتدندر: بوملته یازی یازمغی او کره دن «کال» بالخاصه هر کسه مکتوب یازمغی تعلیم ایتمش در. براز ده ایشاح ایدم: «کال» ك ظهورندن اول عثمانلیلرده مکتوب یازمق اصولی بیلیموردی. یعنی بر مکتوب ایله بر کتاب صحیفه سنك هیچ فرقی یوق ایدی. بلکه بعضاً مکتوب، کتابدن چوق زیاده اهمیتله تلقی اولنور، مکتوبك هر حالده ابراز هنر و معرفت ایچون یازلمسی لازم کله جکنه داتر خلقت ده ا طوغر و سی ارباب قلمك و اهمه سنده متکون فکر غریب عصر لردن بری استمرار و تمادی ایده کلدیکندن مکتوبلره بر نسیخه کبرای بلاغت و طلاق نظر ایله باقیلیر طور و رایدی. مکاتیب اسلاف آره سنده یالکیز مقصدی ایضاح ایچون ساده یازمش

عالمك چوكش او ثقلت سینه آرامنه
دهشتندن ايكليور هر ذره حالا ديكليك

صوكره شويته باقيكز :

« بولوتلر قات قات اولمش قابلامش بازي كهساري
سپهر اولمش زميندن صانكه دامن چين استغنا »

اشعار جديده ايسته بويله دررپاره معالي ومحاسندن متشكلدر .
بوللر آره سنده « عقابيه » عنوانيله بر ظالم وخونخوار دولتك بالاخره
حادثات ايله تحقيق ايدن عاقبت اليمه سني كوستره رك شاعرك عاداتا ملهم
اولديغنه برهان جلي و « سليميه » ناميله عبدالحق حامد بكك شعر
مشهورينه نظيره اوله رق يازلمش غايت علوي ومفصل منظومه لرده
واردركه دور سابقده نشري دكل بر حرقك تفوهي بيله خانمانلر
سونديرته جك قدر غليان ظلمي موجب اولوردى . بويله وطن پرورانه
موضوعلردن ماعدا كالك اشعار جديده سنده هر ذوقه هر قابله خطاب
ايدن شعرلر ، قطعه لر ، بيتلرده بولنور . حاصلى « كمال » ك مجموعه اشعار
رى ده ديكر اثرلرى كېي كندى نامنه جدير واحراردر .

كرك عتيق كرك جديد شعرلرني بر كتابده برلشدير ملك تنسيب
اولندى . اشعار جديده سني كتابك باشنه ، اشعار قديمه نامنى ويرديكمز
منظومهلرى ده صوكنه قويه جغز .



عندليب روضه فخر جهانم تا ازل
اسم اعظمدر مآلی نغمه اذکارمک
شش جهندن نغمه لاتقنطوا ایلر خروش
انعکاسندن دم کلبانک استغفارمک
مست سر کرم می بزم تجلایم کمال
نور آقار هر قطره سندن ساغر سر شارمک

اشعار جدیدہ نقل بحث اولونجہ : او قور یازار بر عثمانی
تصور ایدیلہ مزکہ کمالک پادشاہ حریتہ خطاب اولان :
کوروب احکام عصری منحرف صدق وسلامتدن
چکلدک عزت واقبال ایلہ باب حکومتدن !

مطلعلی قصیده یکانہ سنی ویاقلب مجروح وطندن قومش قدر
محرق و علوی بر ترانہ تشکیل ایدن « واویلا » سنی بیلمسین .
« جزمی » ده مندرج « یوکسل » منظومہ سنی او قومامش ، او شعرك علو
کعبنہ حیران اولمامش بر منتسب ادبده یوقدر . بز ملتہ کمالک بویلہ
برچوق اشعار مخلدہ نفیسہ سنی عرض ایتمک ایستردک . حیفا کہ
معروف اولان اشعارندن باشقہ طبع اولونمامش شعرلری کیمہ
بیوک برکتلہ تشکیل ایدہ میور . فقط کیفیہ دوشونیلورسہ کمالک اشعار
جدیدہ سی آرہ سندن ملتک نظرہ تحسیر وانجذابندن بالضرورہ محتفی
قالمش اویلہ اثرلر واردرکہ قائلنک شان ابدیسنہ جدأ شایان اولہ .
رق سنوح ایتدیکنہ قانع اولمامق ممکن اولہ ماز . ایشته بر قطعہ کہ
یوز منظومہ دکر :

قدرت ایتدکده تعلق فطرتک احکامنہ
قهر حق بر دیو خلق ایتمش اسارت نامنہ

فلك بيت الحرام وصلتكمه زائر و دائر ،
 ملك باب السلام همتكمه طائر معنا
 اولور قدوسيان آتش پرست مهر دیدارک
 زهی مهر تجلی فر ، زهی دیدار فیض آرا
 عقول آشفته در ادراک سر شان و ذاتکم
 تبارک ذاتک الاقدس تعالی شانک الاعلا
 وجودک فرد مطلق ، فطرتک حیرت ده امکان
 اولور شاهد وجوب ذاتکم دنیا و ما فیها
 ایدر مهر جمالك روشننا هر ذره عالم
 وجود آنجق سنکدر یا الله الحسن آمننا
 جمالك اول پرستشگاه وحدتدرکه اولمشدر
 خم ابروسی محراب صلات حضرت مولا
 براق هتم معراج سیر فیض اولوب نامق
 ایرشدی سورة اعجازه سبحان الذی اسرا
 ینه دیواندن برغزل دها اوقویهلم :

رمز بسم الله سر فیضیدر افکارمک
 نسخه کبرای حکمت شرحیدر کفتارمک
 بن او خلاق معانیم که ترتیب عقول
 شیوه تدوینیدر مجموعه اشعارمک
 بر عجب صدیق راه هجرتیم کیم جوش ایدر
 برق نور احمدی هر گوشه سندن غارمک
 بن کلیم وحدتم ، هر جانبندن عالمه
 نعره انی انا الله عکس ایدر کهسارمک

بر ایکی مثالی شعر عتیق مزک ، لسان تصوفک غوامضنه آگاه اولانلرک
انظار حیرتنه عرض ایدیوروز . دیوانک بر نعت بی مثال اولان برنجی
غزلی شودر :

ایدوب فلک جهان پیمای دل عزم یم معنا
آجلدی بادبان عشق بسم الله مجریها
زهی فلک جهان پیماکه فیض بادبانندن
کلیر کلبانک بسم الله مجریها و مرسیها
خوشا ملک جنون کیم رونمادر هر فضا سندن
کنار سدره همت ، جوار عرش استقنا
خوشامتن درون کیم روشنادر هر سوادندن
کمال قدرت باری ، مأل حکمت اشیا
سن اول مسجود عالمسک که زلف و ابروانکدر
نطاق کعبه علیا ، رواق مسجد اقصا
سن اول نور جمال اللهسک کیم حسن و عشقکدر
چراغ لیلئ اسری ، سراغ قرب او ادنا
عجب بر کعبه عصمتسک ای حوری بهشتی کیم
اولور خاک حریمک سجده گاه آدم و حوا
عجب بر مصحف حکمتسک ای فیض الهی کیم
ایدر هر نقش حسنک شرح راز علم الاسما
کتاب حسنک هر صفحه سی بر سوره اعجاز
خط رخساریکک هر نکته سی بر آیت کبرا

رفاه ملت ایچون ترک راحت ایلیهلم
 وطن یولنده یوری ! عزم غربت ایلیهلم
 میسر اولماز ایسه باری ملکک احیاسی
 او یولده اولمکه ایشار قدرت ایلیهلم
 مدار عز ورفاه اختیار مختدر
 حکومت ایسه غرض خلقه خدمت ایلیهلم
 باقوب نگاه بصیرتله کنیدی حالمزه
 سوزکده پک بیوکنندن فراغت ایلیهلم

«کمال» کایشته بو نشیده ایله باشلایان وطنپرورانه ، حمیت آموز
 نشاند ابدیه سندن بعضدری اشکال نظم اعتباریله قدیمده اولسه افکار
 رمعانی نقطه نظرندن او قدر نوین و تجدد نموندرکه هر بیتک هر کلمه سی
 ملتک وجدان اشتیاقنه درحال عکس انداز اولمشد و حافظه حرمت
 و تقدیرنده ابدیاً قاله جقدر .

« بزاول نسل نجیب دوده عثمانیاز کیم
 خمر در سراپا مایه من خون شهادتدن »

بیتی او قویوبده بر قصیدهک اجزاسندن اولدوغی ایچون بو
 بیتک اشعار قدیمدهن اوله جغنی تصور ایتمک عقل سلیمه عارض اوله .
 بیله جک احوال طبیعیهن دکلدن . بز بویه فکر ابلند و مستی اولان
 اشعاری شکلا نه اولورسه اولسون اشعار قریمدهن عدایده مدنه ،
 و اشعار قدیمه عنوانی یالکتر «کمال» ک مرتب دیوانه ویردنه بو دیواندن

مجموعه اشعار

حقننده معلومات

مجموعه اشعار ايکي نوع منظومه ردن تشکل ايدر :

(۱) اشعار قديمه .

(۲) اشعار جديده .

کلاک اشعار قديمه سندن بر ديوان تشکل ايدييور . ديوانک حجمي پک بيوک دکلدرد . شعرلرک جله سنه اشعار قديمه نك فوق العاده نوعندن دينيله مز ؛ حق بونلر آره سنده هيچ ده کوزل اولمايان شعرلر واردر ؛ فقط فوق العاده بر غصرتک هانکي وادیده اولورسه اولسون عقللره حيرت ويره جک قدر يوکسلديکني نظرلره اراءه ايده جک غایت قيمتدار شعرلره اشعار قديمه ديدیکمز نظرلر آره سنده پک چوق تصادف اولنور . برده «کل» اشعار قديمه سني يعنی متصوفانه غراميات وحکيماتدن عبارت غزلاريني نظرلريني . تعبير قديميله « مرتب ديوان » ني اون سکنز يکرمي ياشارينه قدر يازمش . بوندن صوکره ايسه شناسي مرحومه ک نادی فضيلت و صرفانه داخل اولديغندن « مرتب ديوان » ي بردها آچماق اوزره قايامشدر . سراپا مرحومات خف دستيله محرر اولان بو ديوانک نهايتده کي صولک ناتمام غزل که اشعار وطنپر . ورايه سنک برنجيدی ديمکدر . وطنک مقامه اجلالی و عثمانی ملتک طليعه سعادتني اولديغندن بورايه درج ايدلی :

حکومتک تشکندن باشلار ۳۸۸ تاریخ هجریسند نهایت بولور .
 عثمانلی تاریخی مؤسس بنیان سلطنت سلطان عثمان اولک ابتدای
 ظهورندن یاوز سلطان سلیمک ارتحانه قدر اولان وقایع تاریخیه
 محتویدر . کویا که جلوه قدر کمالک خامه قدرته انجق عثمانلیلرک دور استیلا لینه
 عائد جلائل موفقیات جهان پسندانیه تصویر ایلک کی او خامه حمیت و عرفانک
 آسمان مرتبت ماهیت معنویه سیله متناسب بروظیفه تحمیل ایده بیلمش و بو
 ملتک افق مقدراتنده سلطان سایان ایلر بر ابر ظهور ایلیرلر کیتدکجه ده از یاده
 خونین لقابر چهره انقراض آلان شمس منکسف ادبار واضع حالدن
 کمالک دیدۀ وجدانه بر سایه پاره یأس و هجران دو کوله سنی روا کورده مه
 مش در !

تاریخک اتمام اولنه مامسنه ایکی جاسوسک ترتیب ایتدیکی ژورنال
 سببیت و یردیکنی و تاریخک منع طبعی کمالک بر قاچ آی صوکره حیاته ده
 خاتمه چکدیکنی دوشوندکجه عائله کال بلرکه عصر لردن صوکره بیله
 استبداده لعنت ایده جکدر . عثمانلی تاریخک عبدالحمیدک اراده سیله ناصل
 منع ایدلیدیکی علی اکرم بک طرفندن کمالک ترجمه حالی یازلدینی زمان
 بتون فجایع و تفصیلاتیله ملتک نگاه ابتصارینه عرض اولونه جقدر .



خبرلر بتون بتون خطالی ، نقیصه لیدر . دول اسلامی حقنده یالکز
بوماخذن آلنه حق معلومات ایله دولت علیه وقایعک حقیله استفهامه
فکرلر اعداد ایدمک قابل اوله ماز . اوجهته بو فصللره ، زائد
کورینه جک بعض تفصیلاتک درجنه مجبوریت کورندی .

بو آرده مختصر و فقط وقوعات مهمه نک کافه سنی جامع بر تاریخ
اسلام وجوده کلمسندن حاصل اوله حق منفعت ده مدخلک بوقدر
اوزامسنجه مدار اعتداز اوله حق حاللردن بریدر .

مدار اعتذار دکل حقیقه ملتزم ایچون باعث افتخار اوله حق
حاللر دندر . زیرا « کمال » ده اعتراف ایدیور که الده ترکیه بر تاریخ اسلام
یوق کیدر . « کمال » ک تاریخ اسلامی ایسه مختصر اولقله برابر البته صحائف
الخباردن چوق یوکسک بر اثر در . بز تاریخ اسلام حقنده بورسالده
یفضیلات ویره میه جکز مثال ده ایراد ایده میورز . زیرا هر صحیفه سی بر
معکس انوار ایمان ، بر آینه وجدان اولان بویه بر اثر دن قسماً بحث
ایتمک بزه مستحیل کورندی . یالکز شو قدر سویله لم : تاریخ سلام
ایچون « کمال » عیناً عثمانی تاریخنه چالشدیغی مرتبه قصوده بذل هممات
ایلشدر . بویه عالی قلب بر پرستشکار اسلامیتک اسلامیت تاریخی ناصل
قله ، آله جفی پک اعلی تقدیر اولونه بیلیر .

حیف ، حد حیف که نه تاریخ اسلام ، نه عثمانی تاریخی اکمال
ایدیله مه مشدر . ملته بوقاره خبری ویرمک مجبوریت الیمه سنده یز . ذاتاً
مات ، « کمال » نذر تاریخی بولندوغنی ایلک جزونی عبدالحمید دور
استبدادنده نشر اولونمش کوره رک اوکرشم اولدیغندن بو تاریخک تمام
اولوب اولمادیغنی بز دن متولیا سورویور . اکلامق ایستیور . ارتقنه
صافلا یه لم ؟ مدخل که روما تاریخی ایله تاریخ اسلامی شاملدر روما

مقاومت ایده بیلیمکدن عبارت ایدی . مع مافیه بعض خصملمزك بیانی کبی ، بودولتکده اسلام انده محو اولدیغی زمان ذاتاً مشرف انقراض اولمش اوافق بر جمعیت اولمديغنی کوسترمک ایچون ایکنجی فصل اوله رق مختصر بر تاریخی درج ایلدم .

ایرانک اوتیه طرفنده فتح اولنان یرلر ترک وتبت خانلردن آلمش ایدی . اوزمانکی خانلرک ذاتاً تاریخلری مضبوط دکلدیرکه نقل ایدهیم . واقعا بونلر لفظی مراد بر تابعیتله چین حکمدارلغنه تابع ایدیلر ، فقط کندیلری هر حرکتلرنده مستقل اولدقلری جهته چینک ترک وتبت مناسبتیه اولسون حکومت اسلامییه ایله معامله سی پک جزوی اولدیغندن ، اودورده بولنان چین خاندان حکمداریسنک تاریخی نقل ایتمکده برفائده کورمدم .

مدخلده دول اسلامییه دائر اولان فصللر احتمالکه بر مدخله مناسبت آلمیه حق قدر اوزون اولدی ، اوده ضروریدر ؛ چونکه لسانمزه « صحائف الاخبار » ترجمه سندن بشقه دول اسلامییه نک وقایعنی تفصیل ایدر بر تاریخ یوق ؛ صحایف الاخبارک مندرجاتی ایسه ناقص اولدقدن بشقه تفصیلاتنک درجه سی ، وقایعک اهمیتیه متناسب دکلدیر . مثلاً « ابو عبدالله البریدی » نک ، فتنه محرکه کندن . اشقیا ریاستندن عبارت اولان افعالیله یدی بحق صحیفه طولیدیرلمشده عظمای مجاهدیندن « شهاب الدین غوری » نک احوالنده یالکز ایکی سطر یازی ایله اکثفا اولمش . بوجهته صحائف الاخبار ، تاریخ یازانلر ایچون بعض دولتلرک احوالنجیه کوزل بر مأخذ اولغله برابر ، تاریخ اوقویانلر ایچون بر مختصر تاریخ مطالعه سندن مطلوب اولان فکر اجمالی بی حقیقه حاصل ایتمکه مساعد دکلدیر . هله اورویایه دایر ویردیکی

معروفی اولدوغی کبی هم ساده هم ادبی یازمقده یکتا ایدی ، تاریخ
ایچون الک موافق انسانده بودر . عثمانلی تاریخنک بر صحیفه سنی اوقومق
مدعازنک درجه اصابتنی تعینه کفایت ایدر .



عثمانلی تاریخنه مدخل اولمق اوزره قلمه آلدینی تاریخه کلنجه :
بواثرک ماهیتی ولزوم تألیفی بالذات مؤلف طرفدن ایضاح اولونمش در .
مدخلک نشر ایدلمش اولان برنجی جزؤنده کی مقدمه دن مدخا
عائد قسم ایشته عیناً بورایه نقل اولوندی :

«تاریخه باشلامه دن اوّل بر مدخل ترتینه مجبور اولدم که برنجی
فصلی روما تاریخنک ظهور اسلامه قدر بر خلاصه سیدر . احتمال که
بوخلاصه نک اوزونلغی اصحاب مطالعه دن بعضیلرینه کسل ویرر . فقط
دها زیاده اختصاره مقتدر اوله مدم . اوّل روما بیلنمدکجه انقراضنه
قدر دول اسلامیه ایله مناسبت ورقابت حالنده بولنان شرق ایمپراطو -
رلغنک ، اندلسده محو اولان حکومتنک ، غربده اسلامک پیش
استیلاسنه سد اولان قوتک حالندن برفکر صحیح ویره بیلیمک قابل
دکل ایدی . ثانیاً عربدن اوّل ظهور ایدن دولتلرک الک بیوکی اولان
روما دولتنی عرب سلطنتیه موازنه ایچون ارباب مطالعه یه بر مقیاس
عرض ایتیمک ایستدم ؛ لسانمزده ایسه بومقصدلره خدمت ایده بیله جک
یولده یازلمش بر روما تاریخنی یوقدرکه آکا مراجعت توصیه سیله
اکتفا ممکن اولسون !

مبادی اسلامده کی جهانگیرلر آلاینک برنجی صدمه سنه تصادف
ایدن دولت ساسانیه نک محمدیلرله مناسبتی دولترینه بر قاچ سنه

یا خود بر آدمک صورت قتلنده دکل ، روح وقایعده ، سلسلهء
محاکنده آرامق ایجاب ایدر. هله پادشاهلریمزک، وزرا مزک، علمامزک،
عسکریمزک حیات و اخلاق خصوصیه لرینه صورت معیشتلرینه ، ملتک
تمایلاتنه ، احتراصاتنه ، علویاتنه حاصلی بتون عثمانیلرک سیاسی ،
مدنی ، اجتماعی ، عسکری کافه احوال روحیه سنه دوستلریمزک ،
دشمنلریمزک عثمانیلرغه تعلق ایتک اعتباریله احوال ماضیه و خالیه لرینه
دائر انجق بر صاحب دهانک نفوذ نظرندن ، قریحه بلندندن صادر
اوله بیله جک تدفیقات و تتبعات و محاکمات عثمانلی تاریخنده عیناً
فضای نامتاهیده پارلایان کواکب کبی اوقدر ممتازیتله اوله فوق العاده.
لکله مبذول و پرلمعاندرکه اثرک بر بحیفه سنی اوقومق سمانک برکوشه سنه
باقق قدر روح و فکری مست و مستغرق براقیر دیمکدن چکنمیه جکوز.
عثمانلی تاریخنده دور استیلامزه عائد شانلی محاربه لریمز بتون
تفصیلاتیه تصویر واک جدی بر صورتده تنقید ایدلمشدر .

« کمال » عسکر اولما مقله برابر عسکرلکه فوق العاده مقتون ایدی،
محاربه لریمزی همان همان بر عسکر قدر اکلامشدر . خصوصیه صرف
عسکرلکه، فن حربیه تعلق ایدن مسائله کنیدیسنک برادر وجدانی
اولان بر چوق مشاهیر امرای عسکریمزک رأیلرینه ده اولدن بری
هر فرصت بولدجه مراجعت ایدردی . بناءً علیه عثمانلی تاریخنک
عسکرلکه عائد اقسامی مدارم فخرت ملت و وطن اولان ضابطلریمزجه
حرز جان ایدیله جک درجه لرده حائز اهمیتدر دیمکدن کنیدیمزی
آله میورز .

عثمانلی تاریخنک لسان تحریری هم ساده هم ادبیدر .
« کمال » که عثمانلی لساننک صانع ثانیسی یا خودبانی حقیقی سیدر . عالمک

عشیرت معیشتک تولید ایده بیله جکی مزیتلردن دکلدر . عسکرلکده
اومرتبهیه وصول ایچوز یک چوق تجربه لر کورمش ، بیک درلوبلارده
کیروب چیقمش اولق لازم کلیر . اوزمانده ایسه بوقدر معالی ایله
متصف بر قهرمان فرقه سنی تربیه ایتمه جلال الدین خوارزمیدن
بشقه کیم مقتدر اوله بیلردی ؟ »

شو بر قاق سطر تاریخ کتابلرنده کورولن روایات مختلفه بر بیله
قارشیلشدیریلهرق قایی خانلیلرک خوارزمیلردن اولدقلرینه اطمینان
بخش ایده جک معلومات و محاکات تاریخیه ایراد ایدلدکن صوکره
مولفک بر مطالعه ذاتیه سی اولهرق یازلمشدرکه درجه اهمیتنی تاریخ
شناسان لایق اولدوغنی قدر تقدیر ایدر .

عثمانلی تاریخنده بویولده بر چوق حقایق موجوددر .

عثمانلی تاریخنده بخیر واردرکه هانمر کبی ، قانتاغوزن کبی
غرضکار مورخلرک دین جلیلمزه ، ملتیمزه ، دولتمزه سورمک
ایستدکلری سیاه لکلری تاریخمزه صحائف منوره سندن دستمال بدیهیات
ایله سیلمشده اوغرضکارلرک چهره حجابنه الی الابد یابشدیرمشدر .
عثمانلی تاریخی غایت متین محاکات تاریخیه ایله آراسته در . دور
استیلایه متعلق اولهرق تاریخمزه عائد هیچ بر مسئله مهمه یوقدرکه
عثمانلی تاریخنده اک جدی بر محاکمه نتیجه سنده بر حکم وقراره ربط
ایدلمش اولماسون . مورخ یالکز قدرت شاعریتدن دکل ، اک بیوک
موهبة فاریه سی اولان وطنپرورلکدن ، حب ملتدن بیله تجرید
نفس ایدرک محاکمه یورومتشدر .

عثمانلی تاریخی شمدهیه قدر یازلمش اولان تاریخلریمزه هپسندن
مفصلدر . فقط بوتفصیلاتی مثلاً بر کسوف جزوینک تأثیرات شامتندمه

تدقیقات موشکافانه دهیه کیریشه رک یازمشدر. «کال» بویه عالی، بوقدر جدی
همهاتنک مکافاتنه، اوکا کوره هر درلو مکافات مادهنک آسمانلر قدر
فوقنده اولان معنوی مکافاتنه پک از زمانده مظهر اولدی: تاریخنده
شمدییه قدر بیلنمه مش، یاخود کوریه مه مش برچوق حقیقتلر
مندرجدر. بوحقایق تاریخیه مثلاً ازمنه اختلافلرینک، اسم
مشامتلرینک تعیینی کبی جزویات وتفرعاتدن حتی وقایع بیننده کی
سلسله یی، ارتباطی کوسترن محاکاتندن ده عبارت دکلددر. مورخک
کشفیات واستخراجاتی اصوله عاندرکه اک یوکسک محاکات تاریخیه -
نکده فوقنده کی تأثیراندن بحث ایدر. یاخود تاریخ نقطه نظرندن جداً
شایان دقت استخراجاتی شاملدرکه برملتنک عصرلرجه مدار مفخرتی،
مدار سعادتی اوله بیلیر. باقیکنز عثمانلی تاریخنک برنجی صحیفه سنده
ناصل برسرنامه بوله جقسکوز:

— عثمانلیلرک اصلی —

بوسرنامه یی او قویوبده یورکی یرندن اوینامایه جق بر عثمانلی
تصور ایدیلهمز. سرنامه دن صکره برقاچ سطر مطالعه ایدلم:
«قایی خانلیلرک خوارزم شاه عسکرندن اولدقلرینه بیوک بردلیلده
ارطغرل ایله سلجوقیه ملکنه کلان قهرمانلرک کوستردیکی مزیات
فوق العاده در. هانکی محاربه ده بواندیلر اایسه کنیدیلرینه کثرتجه نسبت
قبول ایتمیان دشمنلرینه دائماً غالب کلیدیلر. درت یوز قرق کشی ایله
بر قوجه دولت تشکیکنه موفق اولدیلر. قهرمانلغک بودرجه سی یالکنز

عمری مطالعه ایله کچر وبتون تدقیقات و مطالعاتی فلسفه اجتماعیات ایله
حقوقه و تاریخه عائد بولنوردی .

دیمک که عثمانلی تاریخنی یازمق ایچون اول امرده اوچ آی اجرا
ایتدیکی تدقیقات اولیه تاریخ آشنا اولیان بر آدمک مجرد بر تاریخ
کتابی یازه بیلیمک ایچون کیف ماتفق بعض مأخذله مراجعت ایتسی
قیلندن عد اولونه ماز . برده بو بر قاج آیلق استحضارات ذهنیه یی
تاریخی یازمغه باشلادقدن صوکره هر کونکی توغلات تعقیب ایلشدره :
مرحوم هرکون بش الی ساعت مطالعه ایدر ، نوت آلیر ، ینه هر
کون لاقل اوچ درت ساعت یازاردی . الی ساعت یازدینی کونلرده
یک چوق اولوردی . سکر حتی اون ساعت مطالعه ایتدیکی کونلرده
یک نادر دکلدی . یوزلرجه بیکلرجه جلد کتابک ؛ روجه دن ، لاتینجه دن
صورت مخصوصه ده ترجمه ایتدیرلمش بر چوق رسائل و وثائق غیر
مطبوعه نك آره سنده « کال » ک یورلمق ، اوصافق بیلمز بر عزیم
ومتانله ، نامتاهی بر همت وجدیتله چالش دینی بو اثرک بو عثمانلی
تاریخنک مؤبدیاشایه جق بر محصله کال ودهاء اوله جفنه اعتماد پیدا ایتک
ایچون - صاحب اثرک تاریخ تدقیقاتنه وقف حیات ایتش برداهی
معرفت اولدوغنی بیلنمه مش اولسه بیله — یالکزشکل و طرز مساعیدنی
کورمک کافی اولوردی . ایشه کال عثمانلی تاریخنی بو قدر ارتباط
قلب وجدان ایله بو قدر عشق جنان ایله بتون فضل و ادراکنی ، بتون
کمالی صرف ایدهرک اوچ درت سنه متمادیاً چالیشه رق ، متوسط بر سویه
معرفته کوره هر دقیقه سی بیلکه بر کونلک مساعی به معادل اوله جق همات
دهات ووقوفیه چالیشه رق اک کوجوک بر روایت تاریخیه
اوزرنده اک بیوک بر حقیقت اجتماعیه قارشیدسنده بولنیورمش کی

ایچون نامتساهی مسرتلر ، مفخرتلر باشلامش فقط نامتساهی
هیجانلر ، همتلر ، مشقتلرده باش کوسترمش در . فوق العاده فطرتلرک
فوق العاده لکی هر حاللرندن نمایان اولور . « کمال » که نه معظم برسیای
فلسفه و ادبیات اولدوغنی اکلامق ایچون عثمانلی تاریخی یازمغه ناصل چلشدیغنی
کورمک کفایت ایدردی . هنوز ذات الرثه نک بقیات تخریری کندیسینی
رنجیده ایدوب طور دوغنی صدرنده او آفت مدهشده دن قالان راحتسزک
جیادت هوا واعتدال اقلیم ایله پک زیاده تحفف ایتش اولمقله برابر
هنوز کیجه لری او یویه مایه جق قدر او کسور مکدن قورتوله مادیغنی حالده
عثمانلی تاریخنه هر کون کمال انتظام ایله سکز اون وهفته ده بعضاً ایکی
بعضاً اوچ کون اون اون ایکی ساعت چالیشیردی . اوچ آی منحصرأ
اوقودی ، تدقیق ایتدی ، دفترلینه نتیجه تبعاتی یازدی تاریخک
هیئت عمومی سی و وقایع و حادثاتک صورت ترتیب و تلفیق بو اوچ آیلق
تبعات ایله ذهننده قرارلشمش ایدی . فقط بر نقطه یه نظر دقتی جلب
ایتمک ایسترز : بر دولتک بر ملتک تاریخی یازم بیلیمک ایچون اوچ
آیلق دکل ، اوچ سنه ک تبعات متمادیه انحق کفایت ایده بیلیر . شو قدر
وار که کمال چو جقلغندن بری تاریخ ایله توغل ایدرک تاریخده حیرت
بخشای عتول اوله جق قدر معلومات و احاطه کلیه اصحابندن اولمش ایدی .
کندیسنک تاریخ عمومی یه بالخاصه تاریخ اسلامیه هله عثمانلی تاریخنه
درجه و قوفی تعریف و تصویر ایدیه مز . قوه حافظه نک الک عالی مرتبه سینی
احراز ایتش اولان بودهاء عرفانه کوره الک اهمیتسز بروقه تاریخیه یی
بتون تفرعات و جزویاتیه بیلیمک ایشدن بیله دکلدی . ذاتاً منفالرده ،
محبسلرده ، مأموریتده ، غزته جلقده حاصلی هر زمان هر یرده « کمال » که

ماغوسه لره قدر بيله کوتورمه موفق اولديغي مکمل بر کتبخانه سي ردوسده تماماً نزدنده موجود ایدی . مع مافیه تاریخ عسکری نیک اکلانی تصور ایتدیکی دقیقه دن اعتباراً دنیانک هر طرفنه استانبوله ، ایرانه ، مصره ، هنده ، اورویایه بر چوق کتابلر سپارش ایتمهک باشلادی . بو کتابلر ارمه سنده طبع اولونه مامش بر خیللی ال یازیسی اثرلرده واردی که بونلرک تدارکی ایچون تصادف اولونان مشکلات صحیحاً تصورلرک فوقنده در . ساقزده روملره عائد کتبخانه دن اوافق بر رساله یی ردوسه جلب ایتدیرمک ایچون کتبخانه یه یوز لیرا ده بوزیتو ایدلمکه مجبوریت الوردیکینی سویلرسهک کلاک مأخذ تدارکی ایچون نه قدر فداکارلق ایتمش اولدوغی اکلایشیلیر . لکن بو فداکارلقلر ، بوزحمتلر پک عالی پک مهم بر نتیجه یه منجر اولمشدر : یکی یکی کتابلر هر طرفدن کلمکه باشلا یوبوده کال بونلری مطالعه یه ، تدقیقه کیرشنجه « تاریخ عسکری » یازمق قراری ده رخنه دار اولمغه باشلادی ، بر تاریخ عسکری دکل بر « عثمانلی تاریخی » یازمقاملی اویسوک قلبک اعماقنده طلوع ایتدی . نه قدر شایان تحیل و تعظیم بر حالت وجدانیه درکه « کال » کبی بر خارقه فطرت ملتک ، صفحات فتوحات و سیاسیاتیه ، ادوار معالی و مصائبیه بتون حیات ملیتنی تدقیق و تتبع ایدرک بر عثمانلی تاریخی یازه یلمک ایچون کندنده قدرت کافی احاطه و تمیز بولوندوغنه قناعت ایده میور ، منحصرآ تاریخ عسکری یی یازمق ایچون بیهله فوق العاده تحریات و تبعاته محتاج اولدوغنی دوشونور ؛ ایلرجه ترددلر ایچنده قالیور . نهایت ، هله نهایت ینه وطننه اولان فرط محبتی سایه سنده بو ترددلرینه غلبه ایده بیلدی . تاریخ عسکری یی عثمانلی تاریخنه تقلیب ایتمهک قطعاً قرار ویردیکی دقیقه دن اعتباراً کال

مدللیده اولاقاقامته مأمور وایکی سنه صوکره متصرف ناملریله منفی
تالدینی زمانار « کال » جلال ایله جزمی یی یازمش در . عثمانلی تاریخنی ایسه
(۱۳۰۱) سنه سی مبادی سندن ۱۳۰۴ سنه سی اواخرینه قدر ردوسده
وساقزده یازمش ایدی . مدللی متصرفلغنه بولوندوغی صیرهده و
(۱۲۹۹) اواخرنده مبتلا اولدوغی مدهش ذات الرئنه دن بلکهده
ملقبه صوکره بر اثر همت بلند اهدا ایدمه بیلیمسی ایچون مرحمت ربانیه
ایله رعایاب اولهرق ردوس متصرفلغنه نقل و تحویل مأموریت ایلدیکندن
ایکی اوچ آی صوکره کال وجودنده نوین برائر حیات حس ایتمه
باشلادی . ردوس اعتدل اقلیمیه ، حیادت هواسیه ، محاسن
طبیعیه سیله عثمانلی وطنک بر یاره بهشتی سیدر . جنوبده بولمقله برابر
یازی استانبولدن چوق سرین اولان قیشی اولری تسخین ایتمه
لرزم قالمایه جق قدر معتدل کچن ردوسده کیم برسنه اقامت ایدرسه
دنیاده بوندن لطیف بریر بولونامایه جغنی تسلیم ایتمه مجبور اولور .
ارتق هنوز ذات الرئنه قور تولمش بر وجود نجیسه بویله بر فردوس
خا کدانینک نه قدر افاضه حیات ایده جکی تصور اولونسون . وجودنده
حس ایتدیکی ایملک کالده در حال وطننه عرض خدمت امل مقاومتسوزینی
تجدید ایتشدر که او وجود مبارک ، « کال » ک وجداننه کوره وطنه
موقوف ایدی . ردوس متصرفلغنه بر قضا قائم مقاملغنی قدرالحق حائر
اهمیت اولان امور رسمیه سی ده وظائف مودوعه دن اختلاس وقت
ایتمه کک مساعد ایدی . ایشته بویولده مؤثرات ایله « کال » تاریخ
عسکریسی تخطر ایتدی واول امرده بو اثرینی بر تاریخ عسکری
اولهرق کال ایتکی قرارلشدیردی . مرحومک هر درلو تضییق
استبدادکارانهیه رغماً هر زمان یانندن آیره مادیغی بر قسمی

عثمانی تاریخی

حقننده معلومات

«کال» ک الک مخلصه الک لایموت اثری تاریخیدر . کنیدیسی ماغوسه یه نفی ایدلمزدن اول عثمانی دولتک بر تاریخ عسکریسنى یازمغه باشلامش ماغوسه دده بوائز اتماننه چالشمش ایدی . سلطان مرادک جلوسیه ماغوسه زندانندن رها یاب اوله رق استانبوله کئنجه «کال» ک باشلیجه مشغله سنى عبدالحمیدک بالآخره مابین هایوننده تصحیح و بر باد ایتدیردیکی ایلک قانون اساسیمزى یازمق تشکیل ایشدر . کنیدیسی اوزمان مرانیانه بر طرفکیری حریت آئارندن اوله رق مدحت پاشالر ضیا پاشالره برابر مشاورین خاص دولت عدادینه الحاق وهر ایشده رأینه مراجعت ایدلایکندن مهم امور مملکت و سیاسیات دولت اکثر اوقاتنى اشغال ایدیوردی . مع مافیه تاریخ عسکریسنى تصحیح ایله اوغراشمشدر .

حتی عبدالحمید طرفندن حبسه القایلدیکی زمان محبسنده بیله بو تاریخی اکال اتمک ایسته دیکی بو مسوده لرك بر حاولویه صار یلهرق یمک کوندر یلیرکن حبسخانه یه کوندرلمسی حقننده پدرینه یازدیغی بر تذکره دن اکلاشینور .

ترجمه حائنده تفصیلاتی کور یله جکی وجهه «کال» حبسخانه عمومیده بش یحیق آی قدر قالدقدن صکره عبدالحمیدک اراده سیله مدللایه کوندرلای .

زیر و زبر ایدیلہ جکی ارتق تصور اولنسون . فی الحقیقہ رونان مدافعہ نامہ سندنہ ، موسیو ارنست رونانک اور وپادہ کی فوق العادہ اشتهارینہ رغماً اسلامیتک حقایق باطنۃ علویہ سندن دکل حتی بدیہیات ظاہریہ سندن بیلہ کلیاً غافل و « یوق اوزکہ علمنہ انکار من بو علمہ جاہلدر » سرینہ مظهر برزو الی اولدوغنہ او قدر بارز او درجہ لردہ قطعی و بدیہی دلائل منطقہ ایراد ایدلمشدر . بومستشرق شہیرک بو انجمن ادبی اعضاسنک شرقہ عائد معلوماتی غایت محدود و مشوش و خطا آلود حتی معدوم درکہ لرنده بولندیغی اولیلہ ملزم و مقنع بر لسان منقطلہ اثبات اولنمش و بوموقفیت منطقہ دن کمالک وجدان عالی فطرت اسلامیتندہ بالطبع حصولہ کلن انشراح و سعادت حقیقت حائدہ ابداع کردہ کمال اولان ادبیات عثمانیہ نک بتون فیوض طلاقت و بلاغتیلہ او درجہ لردہ پارلاق ، کوزل بر صورتندہ اظہار و بیان قلنمش درکہ انسانک اثری او قودنجه او قویہ جنفی کلیور . اوروپا علماسندن ارنست رونان کبی بر ذاتک کیم بیلیر نہ کبی اسبابہ اتباع ایدرک بویلہ عادی و بیاغی بر اثر یازہ بیلنمش اولماسنہ دم حیرت ایدلمہ مک قابل اولہ میور . سربا غایت فاحش خطا لرلہ آلودہ اولان رونان خطا بہ سندن ظاہری بر شکل منطقیدہ تجلی ایدہ بیلنمش سفسطہ لر دخی مدافعہ دم یکان یکان تدقیق ایدیلہ رک ماہیات حقیقیہ سی میدان وضوحہ کتیر . لمشدر . وطندا شلمز دن اہل اسلامہ دیرز کہ کمالک رونان مدافعہ سی اسلامیتک شان جلیلیلہ متناسب بر اثر لایموت دہا شندر ، ہر مسلمان بور سالہ یی حرز جان ایدنخلیدر . خرسیتان وطندا شلمز دم دیرز کہ دین اسلامک مانع معارف و ماحی حربت اولمدیغنی دلائل قطعہ سیلہ او کر نمک ایچون « کمال » ک رونان مدافعہ نامہ سنی او قویکیز .

بو کو چوک رسالہ پک بیوک بر اثر در .

مدافعه دن بر پارچہ

» بر اوروپائی، ماہیت و مزینتی آ کلامق سنہ لرجہ تعمیق فکرہ محتاج اولان دیانت جلیلہ محمدیہ بی حریت افکارہ حائل، ترقی و مدنیتہ مانع بیلہ رک پیش نظرہ آلیز : بوفکرک نتایجندن اولہ رق تحقیقاتی زورلہ معتقدات غیر معقولہ تخریسنہ حصر ایدر : تصادف ابتدکی ہر مسئلہ یہ، حاشا من الشیہ، گویا «زولو» خلقنک مذهبیلہ اوغراشیر قدر سطحی بر امالہ نکاهی ذہنندہ حاصل ایدہ جکی فکر ایچون کافی کورہ رک توغلنک موقوف علیہی اولان السنہی انتسابی دہ، دہا کلہ لرینی طوغری تلفظ ایدہ میہ جک درجہ دہ بولنور ایسہ یازہ جفی شیلرک ہذیاندن باشقہ برشی اولہ بیلیمسی عقلاً قابلیدر ؟

رونان خطابہ سندہ بالآخرہ یکان یکان جرح ایدیلہ جک اولان غلطات و اغراض و خطیئاتک انواع و اشکالنی اجمالاً اخطار ایتمکدہ بولنان شو بر قایچ سطرذن اکلاشیلیورکہ رونان مدافعہ نامہ سندہ موسیو ارنسٹ رونانک دین مبین محمدی حقندہ کی جہالت مطلقہ سی اثبات ایدلمکدہ در . بو قدر وقوف سزلقلہ اسلامیت کی اوچ درت یوز میلیون خلقت قلباً و عقلاً معتقد و محبوبی بر دین جلیل القدرک تنزیل قدرینہ قالمشقی ، اودین عالی بی ماحی، معارف و مانع ترقی کو سترمکہ یلتمک شارلانلقلہ بیلہ توصیف ایدیلہ میہ جک قدر عادیلکلر دندر . بویلہ جہالت مظلومہ دن متولد برائر غرضکارانہ تنقید و مؤاخذہ کمال کی اقامہ براہین عقلیہ ایلہ الزام خصم مسلکندہ یکانہ بر صاحب قلمک النہ کچجہ اوبی سروین خطابہ نک ہر سطرندن ہر کلہ سندن جوشان اولان خطیئات و سقطاتک ناصل بلاغت آرایانہ بر تحلیل و تنقید ایلہ

رؤیا،

محررات رسمیه،

آثار پراکنده.

رونان مدافعه نامه سنه دائر معلومات

فرانسه آقاده میسی اعضا سندن ار نست رونان Ernest Renan
 «اسلامیت و معارف» عنوانیله تخمیناً یکرمی سکز اوتوز سنه اول
 برنطق ایراد و نشر ایدرک بو خطابه سنده اسلامیتک مانع معارف
 اولدوغنی ادعا ایتش و مدعاسنی کندنجه اثبات ایلک ایسته مش ایدی.
 رونانک بو اثری اوزمان بتون اهل اسلامی بحق پک زیاده دلخون
 تأثرات ایتش اولقله برابر رونانه قارشنی جدی برمدافعه نامه یازیله -
 مامشدر. واقعا اوزمان مدافعه طرزنده بعض رساله لر نشر اولنش ایدی.
 فقط بونلر اولدجه تفصیلاتی جامع اولقله برابر هیچ بری اسلامیتک
 مانع معارف دکل، بالعکس ناشر معارف اولق مزیت علویه سندن
 پک زیاده حائر نصاب علویت بولندوغنی عالم مدنیتک انظار تدقیقی
 حضورنده کافه براهین قاطعه سیله اظهار و اعلان ایدرک امت اسلام -
 میهنک حقوق عالیة دینه سنی جداً مدافعه ایده بیله جک بر ماهیت
 و اهمیتی حائر دکلدی. ایسته «کمال» بو وظیفه یی درعه ده ایدرک کندی
 نامنک بیله صحائف مطبوعانده کورلمسی قطعاً ممنوع بولندوغنی برزمانده
 رونان مدافعه نامه سنی قلمه آلمشدرکه درجه حکم و اهمیتی یالکیز آتیده
 مندرج پارچه سنک مطالعه سیله تبیین ایدر :

اثر لک عمومی آملق ارزوسنده بولمايه بيله جکلر اچون نوع وماديت
آثاره نظراً برحق ترجیح تاسیسی دائره امکانه گیرسون .

واقعا کلیاتی بر پرده خفا آلتنده بولندرمق . اثر لری یالکز علویتندن،
مکملیتندن بحث ایدرک فلان ویا فلان اثر حقنده معلومات صریحه
ویرمکسزین عموم اوزربنه جلب انظار ایتک بتون کلیاتک فرومیتنی
تأمین اچون برواسطه اوله بیلیردی ؛ لیکن «بز کلیات کمال»ک تمامیه
صاتیله جفتدن امینز . تأمین رواج اچون چاره دوشونمکدا احتیاجز یوقدر .
یالکز شرائط مبايعه یی صوک درجه لره قدر اهو نلشدیر مکله کلیاتک
تدارکنی تسهیله چالیشدق . بناءً علیه اثر لک تشریح وتصنیفندن
احتراز ایتک دکل ؛ بالعکس اثر لری ملته بیلدیرمک ایسترز . امید وارزکه
شویولده کی خدمت ناچیزانه مزده مظهر تقدیر عمومی اولور .

شمی برکره آثار غیر مطبوعه یی سویلیلم ، صوکره هر اثر
حقنده لزومنه کوره تفصیلات وایضاحات ویررز .
طبع اولونمایان آثار شونلردر :

رونان مدافعه نامه سی ،

مدخل وتاریخ اسلام ،

عثمانی تاریخی ،

مجموعه اشعار ،

مکاتیب خصوصیه ،

جلال الدین خوارزمشاه ،

قاره بلا ،



انواع آثار


کلیات کمال ایکی قسمدر :

آثار غیر مطبوعه

آثار مطبوعه

بقسمتلك، بالخاصه شمدي به قدر طبع اولونميان، دهاطوغروسی طبع اولونه میان اثرلك ماهیت وکیتی حقننده ملته عرض معلومات ایتکی بر فريضه وجدانيه بيايرز . چونکه عثمانليلر اثرلری يالکز «کمال» آثار قلميه سی بولوندوغی ایچون دکل، عثمانليلرک احتیاجات معنويه سنه انوار فکريه سنه جلوه کاه ظهور اولدوغی ایچون آلمالی در . ملتک هر فردی ، بر ادیبدن بر چوجغه قدر بر خیلی فداکارلق ایدرک کلیات کمالی آله جفی زمان منحصرأ صاحب اثرک نامنه مجلوب اولورسه ، يالکز کلال نامنی آلمش بولنورسه بز لرینه وظیفه . مزک ایفاسنده قصور ایتش اولورز . واقعا کلال قوف بر اثری، بوش برسوزی یوقدر ؛ اونک خامه قدرتندن ریزان اولان جوهر مذابه التون ایله مقیاس تعیین ایديله مز . وجدان عمومی بو حقیقی پک اعلا تقدیر ایدر ، مع مافیه اثرلك مندرجاتندن معلومات ویرملی يز . تاکه آثارک نام بلند مؤثرله ، کالات خامه نك کمال فطری ایله درجه تناسب وتوافق افکار عمومیه به عیان اولسون ، تاکه کلیاتی تشکیل ایده جک

سانحاتی بر آرزمان سحاب خفا آلتندہ پردہ دار مجہولیت بر اقدیمز
 دن طولانی مؤاخذہ شایان دکنز کہ شمدی عرض ایتدیکمز کبی
 بر طاقم اسباب مجبرہ نک دہ تحت تأثیر و تضیقندہ قلمش ایدک . ہر حالہ
 ملت عثمانیہ نک نظر گاہ انصاف و تقدیرینہ عرض ایتدیکمز شوایضاحتہ
 اطلاع حاصل اولنجه کرک عزم حسنات ایلہ اختیاری و کرک تأثیر
 حادثات ایلہ ضروری اولہرق وقوعہ کلن تأخردن طولانی دوچار
 و مؤاخذہ ایدلمیہ جکمزہ قلباً اعتمادمز بر کالدر .



ترجمه حالی بتون تفصیلات و تفرعاتیله هر وقعه ده ، هر حادثه ده اسباب و وراثت آرا مق شرطیله قلمه آلمق ایچون ترجمه حال صاحبك حال و شانی بيلمك ، حیاته قارشمق کافی دکلدر . بتون بر زمانك تاریخنی تدقیق ، بر چوق منبعلردن معلومات و ایضاحات استحصال ایتمه ، بر چوق ذوات ایله کوروشمه که احتیاج قطعی واردر . بویله بر ترجمه حالی ، خطادن ، نقصاندن ممکن اوله بیلدیکی قدر سالم بر صورتده ترتیب ایدرك ملتہ مبدع حریت و ادبیاتی طانیته جق ، بو وظیفه یی درعهده ایدہ جك قلم رعشه لر ایچنده قالیر ، برکله یازماق ایستر .

ایشته تعداد ایتدی کمز شو بش سببه ایکنجی درجه ده منمنلی زاده رفعت بکک الآن و کال زاده علی اکرم بکک ده اولجه وظائف مأموریتلری ایله پک زیاده مشغول بولنملری کی اسباب ده انضمام ایدنجہ آثار « کمال » ک انتشاری بو آنه قدر تأخر ایدوب طور مش در . « کمال » ک مطالعه آثارندن اوتوز سنه محروم قالمش اولان ملت ، حریتك انفلاقیله برابر پرستیده عرفان و روانه قاوشمق ایچون فوق العاده تهالکک ، صبر سز لقلر کوسترمکده پک حقلی ایدی ؛ فقط بزده ملتہ قارشى وظیفه مزى ممکن اوله بیلدیکی قدر قصور سز اوله رق ایفا ایچون اختیار تائیده حقلی ایدک . علی الخصوص « کمال » ک سیمای تاریخ آرای قدرت و فضیلتی آفاق وطندن هر عثمانی قلبنه کندینی کوستروب طور ورکن او آفاق حمیت و حریتدن طلوعنه افکار عمومیه نك نامتناهی انجذابلر ، اشتیاقلر ایچنده منتظر بولوندیغی کواکب ادبیات و سیاسیاتی او هر جمله سندن هر کله سندن عثمانی و طنتك شمیم سعادتى ، عثمانی ملتك نور حریتی جوشاز اولان ابدی

تشکرات ایدرز. حسین حلمی پاشا حضرت تلیه رجائی زاده اکرم بک افندی
حضرت تلی دخی کندیلرنده بولنان اثرلری ویره جکارنی وعدیور مشلردر.
مشارالیهامده غایت قیمتدار آثار بولوندوغنی بیلیرز، دریغ لطف
ایتمیه جکارندنده امیز.

اثرلری غضب ایدنلره کلنجه :

بونلرک حقندن قانون کله جکدر ؛ الامور مرهونه باوقاتها .
شو تفصیلاتدن آکلاشیلیورکه آثار کالندن بر قسمنی طویلامق
ایچون وقته محتاج ایدک .

رابعا : کلیاتک هانکی مطبعهده باصلماسی لازم کله جکی بر مسئله
تشکیل ایتدی: اثرلرک ممکن اوله بیلدیکی قدر اهون بدلات ایله صاتله .
سنی ارزو ایتدی کمزدن مصارف طبیعه حد اعتدالی اصلا تجاوز
ایتمه ملی؛ نفاست طبع ایسه مکمل اولمالی ایدی .

خامسا : «کمال» کلیاتی ایله برابر غایت اطرافلی بر ترجمه حالیده
نشر ایدلی ایدی . واقعا ترجمه حاک کلیات اکال اولنمق اوزره
ایکن حتی اکالندن سوکره نشری موافق اولور ایدی ایسهده هر
حالده ترجمه حال ایچونده برچوق ذواتک معلوماتنه مراجعت ایتک،
برخیلی وثائق جمع ایلک اقتضا ایدیوردی .

بونک نه قدر میم ومشکل بروظیفه اولدوغی وارسته ایضاحدر .
حیاتی عائله سیله برابر کوشه استراحتده دکل . منفالرده ، محبسلرده
چکیرمش اولان بروطنپورک ، مملکتده نه قدر ارباب فضل و کمال
وارایسه جمله سیله معارفه ایتمش ، مملکتک بتون امور معظمه سینه
قارشمش برسیاسینک ، خصوصیه برملته لسان تکلم و تحریرنی لسان
شعروادبیاتی الکواسع وحقیقی معناسیله اوکرتمش بر ادیب حکیمک

ایدی . بالاخره شورای امت مطبعه‌سی اختیار اولونه جقدی . اوتوز برمارت حادثه‌ الیمه‌سی آردیه کیردی اورته‌ده بر شورای امت مطبعه‌سی قالمادی . مطبعه قلمش اولسه‌یدی بیه وطنک دوچار اولدینی مصیبت مده‌شه کیمسه‌ده هیچ برایشله توغله امکان واقتدار بر اقامش ایدی .

ثالثاً : بزامید ایدیوردق که کمالک بر اثری بر سطر یازیمی کیمک النده بولنورسه عائله طرفدن مراجعت وقوع بولمادن بیه‌زه کوندریلیر و بویه‌جه هم بروظیفه وجدانیه ایفا اولنور همده ملتک بر بیوک خزینه عرفاتی تشکیل ایده جک اولان کلیاتک بلکه هربری برکوهرین صحیفه‌سی اوله بیه‌جه اثرلر اوخزینه فضل و معرفه کتیرلهرک مشتاقان ادبیات و سیاسیاتک نظر گاه عرفانه عرض ایدیلیر ؛ لیکن هیات ! کندیلرینه مراجعت ایتدیکمز ذواتدن هیچ بری بوتکلفه کیرمک ایسته‌مدیلر ؛ مراجعات واسترحامات مکررده بولوندیغمز ذاتلرک بر چوغی‌ده بو عنایتی حالا رایکان ایده‌مدیلر . بر طرفدن ده اسکی مطبوعات نظامنامه سنک عدم کفایت و وضوحندن استفاده ایدن بعضی منفعت‌رستلر «کمال»ک بر چوق آثار مطبوعه‌سنی و لده ایده‌بیلدکری بر قاچ غیر مطبوع اثرینی بر چوق خطالر ، نقصانلرله مالامال اولق شرطیه سلمه‌السلام طبع ونشر ایتمکدن چکنمیه‌رک و مملدکته خدمت کسوه‌سنه بورونه‌رک کندی قازانچلرینه خدمت ایدوب طور دیلر ! بزدن شمدی‌یه قدر اثر دریغ ایدنلری بالطبع کندی محکمه وجدانلرینه حواله ایه اکتفا ایدرز .

شوراده بر وظیفه‌ینی ده ایفا ایتلی یز : مراجعت ایتدیکمز ذواتدن مستثنا اوله‌رق عبدالحق حامدک افندی کمالک خط دستیه محرر بر چوق مکتوبلرینی صورتلری آلتیق اوزره در حال کوندره‌رک جمله‌مزی مستغرق شکران و متنداری ایشلردر . شا کر پاشا زاده نعیم بک افندی‌یه‌ده بیان

بزی موفق ایشدر . ایسته یدمزده بولنان مقدار ایله جمع وجلب
ایتمکدن امید وار اولدیغمز مقداری برلشدیره رک حاصل اولان کتله
عظیمیه نکه ایدنجه بالطبع یک عمیق بر تفکره وتأمله دوشدک : کیت
آثار فوق العاده حائر اهمیت ؛ کیفیت آثار ایسه کمال کی بردها شع
وادبک ، برسیاسی و وطن پرور شهرت شانه جدا سزا مخلصدن متشکل .
بویله بر کلیات بر قاچ آی ایچنده علی العجله ترتیب و جمع ایدیلیرسه هر
برینک ماضی و آتی ملتله ارتباطی حقایق مسلمه دن بولنان بویله نفائس
آثارک ترتیب و نشر نده هیچ بر انتظام ، هیچ بر اصول تعقیب ایدیله میه جکی
کبی صورت طبعده نفاست و متانتک . خصوصیه فاحش بر ظاقت خطایادن
سلامتک استحصالی ده ممکن اوله میه جکی بدیهاتدن در . استعجال ایداسه یدی
کلیات غایت ناقص ، مشوش ، خطا آلود حاصلی از هر جهت «کمال» ک شانه شایان
اولیه جق بر صورتده نشر ایدلمش اولوردی . بوکده پرستشکار فضائل اولان
ملت عثمانیه نک قلب نجابت مآبی اصلا رضا کو ستره مزدی . خصوصیه
«کمال» ک بر اثری انتشار ایدر ایتمز دیگر اثر لری ایچون ده هر طرفدن
بیکرجه طلبلر یاغ جق ، بزایسه بلکه ایکنجی خطوه ده سنده لیه جکز
و عذیمزی طوته مایه جغز . بو حاکت تصویری بیله جمله مزه غایت کران
کلدی . «کمال» ک اوغرینه فدی حیات ایستدیکی ، نام و شانی تجدید و احیا
ایلدیکی عثمانی ملت نخبیه سنی بز ، ورثه کمال ، ولو قصده مقرون اولمق سزین ،
آلدا تمقندن او یالامقندن قطعاً محاببت ایستک ، «کمال» ک نامی قدر تمیز ،
حیاتی کی لک سز برایش کورمک ایستک .

ثانیاً : احوال و وقایع جاریه دخی تأخراتی استلزام ایستدی : کلیات
«کمال» ک سلانیکده اتحاد و ترقی مطبعه سنده طبع ایتمیرلمسی تصور ایدلمش

مسلسلاً و عموماً طبع و نثری تقرر ایدنجه بو کلیاتی ترتیب ایتمک ،
خصوصیله بتون اجزای مرکبه سنی طویلامق لازم کلیوردی .

کلیات دینلنجه بر محررک برادیبک مدت حیاتنده یازمش اولدوغی
آثارک الدله ایدیلله بیلن اقسام کلیه سی ا کلاشیلیر و کیفیة نه قدر غیر مهم
اولورسه اولسون کلیات نامیله برادیبک، بر محررک ایکی اوچ پارچه اثری
قصد اولونه ماز یعنی کمیة حائر اهمیت اولمیان و برقاچ جلددن تشکیل ایتیان
آثاره کلیات نامی ویریله مدیکي معلومدر .

ایشته بز مرحوم «کال» کلیات آثارینی نشر ایتمک کبی بوظیفه ایلله
مکلف بولونیوردق . ملته قارشی درعهده ایتدیکمز بوظیفه اوقدر
آغیر ایدی که «کال» بتون اثرلرینی، هله بتون مهم اثرلرینی بلا استثنا
نشر ایتمک ایچون ایشه نره دن، ناصل ونه زمان باشلا یه بیله جکمزی تعیینده
برخیلی زمان متردد و عاجز قالدق .

هر شیدن اول کلیاتک مسوداتی جمع ایتمک لازم کلیوردی .
«کال» آثار قلمیه سنک عمومی بالذات طویلا یوب حفظ ایتزدی .
حتی حیفاً که کمندنجه مهم عدایتدیکي بعض اثرلرینی حفظ و جمع ایلدیکي
حالده برچوق آثار قلمیه سنی ده مسوده حالنده براقیویرردی . برکت
ویرسین که اطرافنده بولنا نلرک هیچ بری مرحومک بر مصراعنی ،
برسطر یازیسنی برکله سنی ضایع ایتمه مشلردر . لکن بو اثرلرک عمومی
برچوق ذواتدن طلب ایتلی ، صوکره آله بیلملی . بونده نه قدر
مشکلاته معروض قالدیغمز آلانده نصل مشکلات ایلله ایشه باشلا دیغمز
تعریف و ایضاح ایدیلله مز .

اللهه حمد اولسون که اثرلرک یوزده الیدن زیاده سی عالیه مزک یدتصرفنده
ایدی . بونلری بیک بلا ایلله نچئه استبداددن قور تارمغه ده جناب حق

بز بوحالی پک ای بیلدیکمزدن کالک ساحه معظم انجای آمارینه ،
 ثمراتی مسارعة استحصال اولنور بر باغزار کسب وکار نظریله باقمی ،
 کالک نشر آماریه یا کلیش بر تلقیدن منبعث بر مسارعت طمعکارانه نك
 نتائج طبعیه سندن اوله رق کندیمز ایچون برقاز انج مسئله سی میدانه
 کتیرمکی موافق کورمدک ، بوحالی کالک شاننده شایان بوله مادیق .
 بزم فکر مزجه « کلیات کمال » اک اوفاق بر مکتوب ، اک اهمیتسر
 بر سطر مستثنا قلاماق شرطیه عموماً و منتظماً نشر اولونمالی ایدی .
 یکانه مقصودمن « رغبت عمومیه نك تأمینی » ده اولسه یه پراکنده
 بر صورتده ، غیر منتظم اوله رق نشر آثار ایتمکدن ایسه او رغبت
 عمومیه بی بلکه پک متائی فقط هر حالده غایت مدید بر صورتده تأمین
 ایده بیلیمک ایچون جدی و متین بر انتظام و ثبات ایله کلیاتک طبع
 ونشرینی ترجیح ایتلی ایدک : « کمال » ک آثاری قیمت ابدیه بی حائزدر
 وعصر لر دن صوکره بیله یه بوکونکی ذوق و تقدیر ایله مطالعه اولونه جقدرد .
 چونکه « کمال » ک روح و وجداننه حاکم اولان محبت و وطن ، عشق انسانیت
 میل محاسن و معالی ، تقدیس فضیلت و حقیقت کبی خصائص حیات
 انسانیتله توأمدر ، حیات انسانیتده نه قدر ابدیت متصور ایسه بویه
 فضائل و کمالات مبیجله ایچونده او قدر ابدیت قرین بر دوام و اعتدال
 موجوددر . ارتق استعجالی ولو بر همت سر یعتنک بیوک بر مقیاسده
 اظهاری ایچون التزام ایتش اوله ییق نه مرحومک روحنی شاد ایتمه
 نه ده ملت عثمانیه نك املنی یرینه کتیرمکه هیچ بروجهله موفق
 اوله مایه جقدق .

برکره پراکنده آثار نشرندن صرف نظر ایدیلهرک کلیاتک

طوردیغی صرمده ، اوغلیانی ، آتشی زمانلرده « کال » ک برائینه
قاوشسیدی جواهر محاسن و معالی ایله مالا مال بردینه لایقنای ادب
و شعر و سیاست ، برعمان معرفت و حمیت بولمش اولدوغنه قناعت کامله ایله
قانع اوله رق « کال » ک او اثرینی طبیعتک قطرات بارانه کوستردیکی عشق
حرارتله قلبکهنه ایصال ایدم جک ، او اړک بیکلرجه نسخه سنی
محرومیت مدیده وجدان و عرفانندن متحصل بتون اشتیاق فوق العاده سیله
آله حق ، آله حق ایدی .

آثار مطبوعه نك درجه رواج و تقدیری حقنده افکارینه اعتماد
اولونه حق بعض ارباب اختصاص تأمین ایدیورکه مرحومك برائری
حریتك اعلانی متعاقباً طبع اولونیورسیدی یالکز استابول ایچون
قرق الی بیک نسخه کفایت ایدمیه جکدی . فقط صوکره ؟ یعنی
برائر مثلاً تاریخ یا خود جلال طبع و نشر ایدیلرک برایکی آی ایچنده
صاتیلیورمکله ملتك آثار کاله اولان احتیاج و اشتیاق تطیب ایدلمش
اوله جقمیدی ؟ خایر : بالعکس او احتیاج وجداندها زیاده حرارتله ،
بر نفیسه ادبیه نك ، بر مخلده حکمتك روح بشریته ، فکر انسانیه بخش
ایتدیکی انجذاب دمام فراوان ایله بتون بتون انکشاف ایدم جک ،
ملت بزه بتون « آثار کال » ک بتون کلیاتك اک از برزمانده نشری
ایچون امرلر ویرم جک ایدی .

ینه هر طرفدن مکتوبلر ، تلغرافلر آله جقدق ، غزته لرده اخطارنامه لر
کورم جکدک . بتون ملت عثمانیه یك جنان و یک زبان اوله رق بزی
اتمام وظیفه یه دعوت ایدم جکدی . وظیفه نك اتمامی ایه وقت مدیده ،
سعی مدیده ، تصور اولونه مایه حق قدر مهم بر طاقم مشلاتك اقتحامی
ایچون کال انتظام و سکونتله صرف همتانه متوقف ایدی . ایشتمه

انقلابدن اون اون بش کون سوکره قدس کی اقصای حدوده
یتیشن ، یاغان بوباران جوشا جوش اشتیاق وانجذاب بیوک برملنک
بیوک برقه رمانه درجه حرمت و محبتی ، او قهرمان حریت هرکله سندن
عشق وطن و ملت خروشان اولان آنارینه درجه منتونانی کو ستریر .
عثمانیلرک بواک مشروع اک صمیمی و حقیقی امل وجدانی « کمال » ک
عائله سی لایقینه تقدیر ایتمش ، حریت اعلان اولور اولونماز « کمال » ک
نامی ناصل السنه ملتده طولاشیورسه « کمال » ک آناری ده ایادی
ملتده بولونمق لازم کله چکنه اطمشان وجدانی قانع اولمش ایدی . مع مافیه
آثار « کمال » ک طبع و نشرینه ابتدار ایتک زمانی کلدن میسر اوله مامشدر .
سؤالر ، تعجیلر ایسه هر طرفدن دوام ایدوب طورویور .
وجدان عمومینک شوتمایلات مقتونانه سنه قارش خلقی آثار « کمال » دن
شمیدی به قدر محروم براقق عائله ایچون بیوک برکنه کیرمک
قیلندندر ، بناء علیه هرشیدن اون شوتأخرک اسباب حقیقه
وضرویه سنی انظار ملته عرض ایتکی وجائب وجدانیه دن عد
ایلدک :

اولا بز « کمال » ک پارچه پارچه اثرلرینی دکل ، بتون « کلیات » نی
نشر ایتکی قرارلشدیردق . چونکه اوچ یوز یکریمی درت سنه سنده
مرحومک آثارندن برینی مثلا عثمانلی تاریخی همان طبع ایتدیمک
واقعا « منفعت مادیه » نقطه نظرندن غایت موافق اولوردی : اوتوز
اوچ سنه دن بری غدای روح اولان آثار و مؤلفاتدن محروم قالان
ملت ، احتیاجات روان و وجدانه قاوشدیغی ، انک اهمیت زانک عادی
آثار قلمیه یی بیه کمال شوق و خواهشله حرزجان ایدرک آلوب

-- کلیات کمال --

عرض معذرت

کمال مرحومك اثرلرینی نیچون نشر ایتمورسکنز ؟
عثمانلی تاریخی نه زمان مطالعه ایدمچکنز ؟
کمال آثار قلمیه سی بر کلیات تشکیل ایدم بیلیرمی ؟
بتون اثرلرینی طوبیلایه بیلدیکزمی ؟

ایشته اون تموز انقلابندن بری همان هر کون هر طرفدن بوسؤاللر
ایراد اولنیور . ملت حریتنه قدر مشتاق ایدیسه اونک بر قهرمان
ابدی شانی اولان « نامق کمال » ک آثارینه ده اوقدر مفتون اولدیغنی
مرحومك روح مبرور حمیتنی ، افراد عائله سنك قلب و جانی شاد
و مسعود ایدمچک بر لسان انجذاب ایله اظهار ایدوب طورویور !
افراد عائله دن هانکیسی نرده نه زمان اوقور یازار بر ذات ایله کورشسه
بوسؤاللره ودها بیک شکل و صورتده استفسارلره معروض اولیور .
کمال زاده علی اکرم بک ندس متصرفی بولندیغنی صرمده ده ۱۳۲۴ تموزینک
یکرمیسندن اعتباراً آثار « کمال » ک نه زمان طبع و نشر اولنه جغنه دائر
یوزلرجه تلغرافلر ، مکتوبلر آلمشدر . بونلر یالکیز معروف و مشهور
ارباب قلمک محرراتندن عبارت دکلدنر : برکویک مکتب خواجہ سی ،
برقضانک تحریرات کاتبی ، بر بلوکل ملازمی ، عسکرلر ، نفرلر ،
چو جو قلر بیله اکرم بکدن پدرینک اثرلرینی صورمش ایدی .

Z

8462

.6

K8



کلیات کمال

Kulliyāt-i Kemāl

طبع اولیور !

نامہ کمال مرہومک

شمسی یہ قدر نشر اولہ میان بتون آثاریلہ مصحح اولہ رق تکرار نشر
ایدیلہ جک آثار مطبوعہ سی حقندہ ایضاحات و تفصیلاتی جامع بیاننامہ در

بورسالہ مجانا توزیع اولنور



« کمال » ک اوغلی وعائلہ سی طرفندن ترتیب ونشر اولندی




کلیات کمال اداره خانہ سی :

باب عالی جادہ سندہ نومرو : ۳۱



استانبول - سلانیک مطبعہ سی

۱۳۲۶



3965

18/512

FOR USE IN
LIBRARY ONLY

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

Z Kulliyat-i Kemal
8462
 .6
K8

